

D E
JURISCONSULTO,
S I V E
**De ratione discendi, interpre-
tandique Juris Civilis**
LIBRI II.
A U C T O R E
FRANCISCO RAPOLLA.

M

D E
JURISCONSULTO,
S I V E

De ratione discendi, interpre-
tandique Juris Civilis

L I B R I II.

A U C T O R E

FRANCISCO RAPOLLA,

In Academia Neapolitana
Antecessore.

Ad Eminentissimum Dominum

M I C H A E L E M
F R I D E R I C U M

D E A L T H A N N ,

S . R . E . Cardinalem , Regni Nea-
politani Proregem &c .

Di Gennaro Giannelli



NEAPOLI MDCCXXVI.

Excudebat Felix Musca .

Superiorum permisso.

EMINENTISSIME DOMINE



On auderem
EMINEN-
TIÆ TUÆ
immortale
nomen tenui
buic ingenii
mei monumento inscribe-
re, nisi idem ad Justitiam
pertineret : Sunt eq̄uidem
egregiæ animi tui virtu-
tes quamplurimæ, que tibi
sum,

sumimam claritudinem parant, sed præcipuum inter eas Justitia locum sibi vendicat; Siquidem, cum nobis regendis sis constitutus, summa ope niti studes, ut suum cuique tribuatur; in ipsa enim explicanda eo modo versaris, ut per summam prudentiam inspicias diligenter quid causis, quid tempori, quid personis conveniat, ita ut summa æquitas tua eluceat, ex qua oritur mira civium concordia. Unde bæc præsertim Civitas, tam varie distincta personarum ordinibus, per scientiam tuam ita coale-

scit

scit, ut magna quædam fa-
milia constituta prudenter
a diligentí Patrefamilias
videatur. A Potentioribus
oppreffos humanitate tua
sublevas, in dignitatibus
constitutoris officiis, bonori-
busque prosequeris, verum
ita, ut fortunæ nimium li-
cere non permittas; malos
denique pænarum metu
coerces, bonos præmiorum
exhortatione impellis. His
accedit vitæ innocentia, at-
que puritas; quibus fit, ut
quisque pro virili parte
te justum ubique prædicet,
S quisque tuo exemplo
ductus ita sit institutus,
ut apud nos jus, bonum-

que non legibus magis ,
quam natura valere vi-
deatur . Nibil olim Roma-
nos rerum dominos ad sum-
mum gloriæ fastigium ma-
gis evexit , quam quod
Provincias suo imperio ad-
jectas , per Magistratus , sa-
pientia , atque æquitate
egregios , administrandas cu-
rabant : Quibus igitur lau-
dibus AUGUSTISSIMUM
IMPERATOREM
nostrum efferemus ? quibus
studiis prosequemur ? qua
benevolentia complectemur ?
cum te sapientissimum ,
atque justissimum virum
buic Regno præposuerit ,
quo nibil in ejus mentem
di-

divinius, nihil nobis utilius cadere patuit. His quidem artibus Romana Respublica crevit, audacia in bello, ubi pax evenerat, aequitate; quod optimi Imperatores sequuti sunt; quorum vestigiis immortalis noster PRINCEPS infestans, cum præcipuis bellum artibus Imperium mire ampliasset, legibus deinde, & Justitia pacem excoluit. Sed cum leges omnino essent inertes, nisi hominis ministerio verterentur ad usum, ideo totus fuit in eo, ut per optimos Administratores Provinciis, & Regnis consuleretur; quod re-

Etissime adsequatus est , cum
regimen hujus Regni de-
mandatum est EMINEN-
TIÆ TUÆ . Quapropter
non minori laude tu di-
gnus videris , quam optimi
bellorum Duces , per quos
defensum , amplia-
tum est Imperium ; bellum
bi quidem sectati sunt , ut
pax eveniret , per te Justi-
tia retinetur , sine qua
pax omnino exoptanda non
esset . Et quod magis ad-
mirationem nobis præstat ,
non externe tantum , civiliis
Justitiae Admini-
strum te cernimus , sed
etiam veræ illius , æter-
næ ; cuius solidam , ex-
pres-

pressam effigiem SERVATOR
noster nobis reliquit; siquidem ad regendam Cbristianam Ecclesiam in eminenterem locum es vocatus : quamobrem in te uno mirum in modum conjuncta bæc duo cernuntur, Sacerdotium, & Imperium. Non abs re igitur buic operi nomen tuum inscribitur , cum sis verus Jurisconsultus , verus Justitiae Sacerdos, Aequitatisque Arbitr̄ , a quo bisce meis de Jurisprudentia cogitationibus autoritas impertitur, tanquam a Justissimo , & Sapientissimo viro : quibus nominibus adeo assurgis ,

ut generis nobilitatem , a-
liasque naturæ dotes , utpo-
te alienas , fortis , ma-
gnanimusque contemndis ;
quippe illa tantum bonos ,
bæc vero & signavos ali-
quando comitantur . Spero
igitur fore , ut benignus
excipias hoc , tenue quidem ,
sed proprium tuarum vir-
tutum munus . Interea hoc
unum DEUM OPTI-
MUM MAXIMUM pre-
cor , ut nobis , & universæ
Ecclesiæ diu te incolumem
servet .

E. V.

Additiss. Obsequentiis. Servus
Franciscus Rapolla

*R. D. Johannes Chiajese Juxta causas
ram Civilium & Criminalium Curiæ
Archiepiscopalis, revideat, & referat.
Neap. 23. Martii 1726.*

ANTONTUS CAN. CASTELLI VIC. GEN.

D.P.M.Giptius Can.Dep.

EMINENTISSIME DOMINE

Librum de Jurisconsulto, sive de ratione discendi, interpretandi quo juris civilis, Authore Jurisconsultissimo Francisco Rapolla, Universitatis Neapolitanæ Professore ordinario, & collega ornatissimo, mandatis Em. Vestræ & perlegi, & rimatus sum: nec quicquam, quod divina humanaque jura, mores, auctoritatemq; Ecclesiæ offendat, nspiam in eo inveni. Quin totum succo veræ juris prudentiaz, gravique elegantia refertum seque atque authorem suum (et si vicesimum quintum annum vix attingit) suspxi: qui scopum sibi proposuit, viam rationemq; comparandi juris scientiā, certamq; leges interpretandi amissim studiosis juris compendio tradere. Idque reipsa exegit, metuimusque hunc scopum suum attigit, Jurisconsultique munus, qua parte

parte in iure interpretando est possum;
adeo illustravit, ut minimo negotio re-
liquas ejusdem munieris partes, alteram
in reddendis responfis, alteram in adhi-
bendis cautionibus sitas, facile quisque
per se nancisci, & ex dignitate preclarare
valeat. Verum, quia non fuit Auctori
propositum, sibi canere, & musis, sed
maxime cupides legum juventuti consu-
lere, huic ejus voto indulgere, est omni-
um studiosorum votis satisfacere. Id
circo illius librum tanquam forcandi in-
genit conceptum, nec tam mole, quam
fructu magnum, dignum censeo, quod
in publicum prodeat, omnibusque fit ad
manus. Sic enim multiplici factu pectili in-
lucem editus, multis prodeſſe poterit; mo-
do huic meo judicio momenatum addaq.
Em. Vestre Authoritas, cui illud sub-
mitto. Datum Neapoli sex. Idus Maji

1726.

*Hamil. & Additissimus servus
Joannes Chiajesius*

Attenta sapradicta relatione, Imprimitur. Neap. 14. Maii 1726.

ANTONIUS CAN. CASTEBBI VIC. GEN.

*D.P.M.Giptius Can. Dep.
EMI-*

EMMENTISSIMO SIGNORE

Felice Mosca supplicando espone a V. Em. come desidera dare alle stampe un libro intitolato *De Jurisconsulto* del Signor Francesco Rapolla Lettore ne' Reggi Studii; per tanto supplica V. Em. degnarsi ordinare a chi meglio li sembrerà la revisione del medesimo, e l'avrà a gratia ut Deus.

*Mag. U. J. D. Jo: Baptista de Vico videat,
& in scriptis referat.*

MAZZACCARA REG. ALVAREZ REG.
PISACANE REG. VENTURA REG.

*Præsiam per S. Em. Neap. 11. Apr.
1716.*

Gafarus.

EMI.

EMINENTISSIME PRINCEPS

A Bs Te, Princeps Eminentissime ius-
sus *Francisci Rapollae Juriscon-
sultum* legi : cujus *Jurisconsultissimus
Auctor Rationem discendi juris pro cu-
pidae legum juventutis utilitate , quam
accommodatissimam exponit : & ex legi-
bus delectis , ceu sui argumenti sedibus,
non justi genera , sed ipsa *interpretandi*
principia , summa styli elegantia , & mi-
ra legum solertia luculentissime tradit.
Quod ad regni amplitudinem pertinere
censeo , ex hac Regia Academia tales li-
bros in publicam lucem edi , qui saniorem
Jurisprudentiam non heic desertam lan-
guescere huic aetati protestentur . Dabam
Neapoli Nonis Mays Anno 1726.*

Tui , Eminentissime Princeps

Devinctissimus Cliens
Joh. Baptista Vicus.

*Visa relatione imprimatur , verum in
publicatione servetur Regia Pragmati-
ca.*

MAZZACCARA REG. ALVAREZ REG.

VENTURA REG.

*Provisum per S. Em. Neap. 3. Maja
1726.*

Cafarus.

DE

P E

JURISCONSULTO,

S I V E

De ratione discendi, interpre- tandique Juris Civilis

L I B . I.



Us Civile Romano-
rum ob summam,
quæ in eo est, Justi-
tiae, Æquitatisque
præstantiam omnes
ferme populi, quibus
bene constituta Res-
publica curæ fuit, in
suas civitates induxerunt, eique sese obli-
garunt. Postquam enim e tenebris, in
quibus diu latuerat, in lucem prodiit,
cœpit paulatim ab iis, qui & ingenio, &
doctrina erant præstantiores interpretari,
& in scholis publice doceri, quo facilius
percipi, addiscique posset. Verum enim
vero juris Romani illustrandi tanta dein-

A

de

2

DE JURISCONSULTO

de fuit industria, ut nescias, utrum plus utilitatis, an incommodi, & cupidæ Romanarum Legum juventuti, & reliquis civibus per ejusmodi Magistros allatum sit. Quotus enim quisque est, qui ignoret, ex quo primum Romani juris corpus noviter inventum explicari cœptum est, Scriptorum molem eo usque crevisse, ut jus civile statim & magnitudine, & difficultate laboraverit sua: Doctorum enim juris ingenia mirum in modum Dialeticæ studio delectabantur, ut ferebat illorum temporum consuetudo; quapropter argumentis, & disputationibus adeo sese dediderunt, ut non tantum legum interpretationes, sed, ut Jacobus Cujacius (^a) loquitur, liberos, ingentes, immanes, insanos commentarios sibi quæsierint. Quæ juris interpretandi ratio usque adeo male processit, ut deinde qui operam huic facultati darent, toti essent in Doctorum commentariis evolvendis, & ut plurimum ipsarum legum fontibus omnino posthabitisi. Paulatim deinde ex quæstionibus, quæ in foro agitantur, novus forenium Scriptorum ordo in lucem pro-

di-

(^a) in epist. præfixa Paratit. Digest.

dire visus est, quorum studium in eo fuit, ut per singulas factorum species, per singulas quæstiones jus civile nobis tradarent, seu verius (ut ait (^b) Cicero) non tam justitiae, æquitatisque, quam litigandi vias aperirent, iis enim homines non ad jus civile, sed ad versutias, & calliditates erudiuntur. Quæ pravitas quid effecerit, aut quid malorum attulerit, res ipsa declarat; siquidem hujuscemodi forensum rerum scriptores suis lucubrationibus jus nostrum cognitu difficultimum reddiderunt, innumeros enim exararunt libros, in quibus nihil aliud legere possis, quam & proprias male excoxitatas opiniones, & alienas male relatas, quibus ut plurimum perverso quodam contradicendi studio sese objicere conati sunt. Quæ juris tractandi consuetudo, cum magis, magisque invalueret, ad hæc tempora per ventum est, in quibus nec remedia hujus rei, nec vitia pati possumus; hi enim juris Doctores, utpote qui necessariæ cujusdam utilitatis in foro esse existimantur, ubique leguntur, ediscuntur, & inhærescunt penitus in mentibus, imo qui iis non utitur ju-

(^b) lib. I. de legib.

4 *D e J u r i s c o n s u l t o*
ris expers , & ignarus vulgo creditur . At
e diverso ex eorum libris frustra jus cer-
tum quis percipere conatur , ut noscere
possit , quanam ratione suum cuique tri-
buendum sit ; nulla est enim opinio , nulla
sententia , quæ apud illos suos non habeat
affertores ; quare mirum non est , si tem-
poribus hisce nostris de omni ferme con-
troversia unumquemque videmus in
contrarias partes disputare , sicque inter-
pretando (ut Livii (c) verbis utar) sibi
quisque leges conatur aptas facere .

Sed hæ jam veteres sunt saepissime a
quamplurimis jactatæ querelæ , quas re-
petere supervacuum est : iis , ut facerent
satis posteriori ætate doctissimi viri , no-
vam explicandi Romani juris ratione in
adgressi sunt , qua nervos prorsum omnes
contenderunt , ut a barbarie Doctorum ,
& a perversa interpretandi consuetudine
jus civile vindicarent ; siquidem Roma-
narum rerum peritia puros (ut ipsi di-
cunt) legum fontes sequunt , solidam ju-
ris , æquitatisque scientiam tradiderunt ,
qua ex prescripto Romanarum legum
fine alterius injuria suum cuique tribua-
tur . Verum quibusdam omnino persua-
sum

sum est , novos istos iutis Interpretates nihil aliud commodi , & utilitatis attulisse , quam ut in scholis studioſa juventus res quidem speciosas , nec procul ab ostentatione positas edisceret , quæ in foro , & in causis agendis aut parum , aut nihil profuturæ sint : *Quid quæſo aliud , ut ex Viglio refert Albericus Gentilis (d) , iſti eximie in literis eruditæ adferunt , quo nos in jure civili instruant ? consule de urbana , vel rustica servitute , de testamenti jure , de familia erciscunda , vel de qua obligationis perplexa specie , quid illi tandem ad interrogata respondebunt ? referent fortasse quid sit ſtillicidium , aut unde dicatur , vel quid erciscundi vocabulum apud veteres significat &c. Quod & experientiam demonſtrasse quidam autumant ; idem enim Gentilis refert , Jacobum Cujacium , qui politiorum Interpretum Princeps vulgo & habetur , & nominatur , cum in forum venisset , eſſetque de levissima quæſtione interrogatus , obmutuisse ; opera enim teſtantur ſua , (ipſe inquit) & luculentissimum perhibent testimonium de ſtudiis ſuis in*

(d) In Dialogis de legum Interpret.

6 DE JURIS CONSULTO

boc genere: quid plura? sunt etiam in
hac opinione non pauci, novos istos juris
Doctores, qui magnam speciem doctrinæ,
sapientiæque civilis præferunt, nihil
aliud præstisſe, quam ut eadem, quæ ab
antiquis interpretibus acceperunt ele-
gantia quadam sermonis adhibita pro-
ponerent; eorum vero studium omne
in eo fuisse, ut Romanos mores, Roma-
næque Reipublicæ formam diligentia cu-
ra inquirerent; cumque id egerunt alieno
officio functos esse, non suo; quod
ejusmodi esse debuisset, ut incidentes ci-
vium controversiæ diligentia Romana-
rum legum interpretatione compone-
rentur.

Quæ cuin ita sint, mirum fortasse vi-
deri non debet, si cùm singulis ætatibus
tot homines juri civili dent operam, per-
pauci tamen existant, quos merito hujus
scientiæ peritos dicere possis: quippe in
tanta scriptorum copia, qui ut plurimum
diverso ordine, diversa methodo eraden-
di juris usi sunt, non facile quivis quem
sequatur, vel quo Doctore ad hanc scien-
tiæ consequendam utatur, dignoscit;
quo sit, ut cum sine delectu cuiuscum-
que generis de jure civili legantur libri,
et si multi ætatem omnem in hoc studio
con-

contriverunt, eorum tamen doctrina in eo tantum est, ut scriptorum opiniones memoriae mandatas referre valeant, sicque nunquam ad certam sapientiae civilis cognitionem perveniunt; namque in controversiis juris continuo opus habent Doctorum libros consulere, eorumque semper uti sententia, nunquam sua:qua propter vulgo hæc invaluit opinio, juris facultatem cognitu esse perdifficilem, nec ipsam hominis ætatem ad eam nancendam sufficere; siquidem cum semper nova controversiarum genera oriantur, necesse est, ut vel peritissimus quisque quamplurima ignoret, quæ omnino ex scriptorum libris repetenda sint; & multis persuasum est, juris studium a cœterarum scientiarum genere segregandum esse, & in quodam memoriæ, atque exercitationis artificio ponendum, utpote cuius nulla sit certa ars, nulla scientia.

Ego vero, ex quo primum ad juris studium me contuli, statim sentii non tam ex rebus ipsis jus civile difficile esse, quam ex minus recta ejus consequendi ratione; nam ut plurimum ii, qui in juris studio versantur nullum certum sibi finem proponunt, cujus adsequendi gratia suos impendant labores: qui enim

8 De Jurisconsulto
nullo priùs certo fine constituto, nulla
methodo proposita ad jus civile animum
appellit, necesse est omnino, ut dubius,
atque incertus vagetur, & ita aut nun-
quam, aut serius ad id perveniet, ad
quod recta via ductus sine magno labore,
& sine ulla diffidentia maturius perveni-
re posset. Scio equidem quosdam doctos
viros hanc provinciam suscepisse, ut de
recta juris civilis discendi, docendique
ratione literis quædam consignarent, ni-
hilominus, præterquamquod, ut inquit
Antonius Contius (e) *Si quis eos omnes*
evolverit, atque invicem contulerit, dis-
cordiam reperturus est implacabilem; ta-
men eorum industria non eousque pro-
cessit, ut omni ex parte Jurisconsultum
informarent; nam cum hujus facultas
(ut pluribus mox dicemus) duabus his
in partibus consistat, & ut jus civile re-
cete noscat, & ut illud recte interpretetur,
scriperunt quidem illi de ratione di-
scendi juris, rationem autem ejus inter-
pretandi omiserunt: e diverso extiterunt
& alii ex antiquis præsertim Interpreti-
bus, qui rationem interpretandi tantum
juris

(e) *lett. subsec. lib. I. cap. XI.*

juris proponere conati sunt, ejus tamen discendi rationem ne attigerunt quidem: an autem utriusque provinciam suam re-
cte exornaverint, patebit ex iis, quæ in-
fra dicentur.

Hæc omnia diu, multumque mecum ipse animo volvens, statui duos libros conscribere, quibus Jurisconsulti munus quale esse debeat cupidæ legum ju-
ventuti præmonstrarem, & simul quæ-
nam esset ratio, quænam via, quibus ad
constitutum finem consequendum perve-
niatur. Et quamvis certo scio nostrum
hoc opus à vellicatione tutum non fore,
non enim deerunt quamplurimi, qui me
navasse operam dicant iis rebus, quæ to-
ties doctissimorum hominum disputatio-
nibus sunt illustratæ; nihilominus cum
eo fuerim animo, ut in studio juris ado-
lescentes pro virili parte juvarem, æqui-
terum æstimatores haud gravata ferent,
in tanta scriptorum turba, & me extitisse,
qui in unum ea componere studue-
rim, quæ si rectè noscantur ad Scientiam
boni, & æqui, nisi mea me fallit opinio,
studiosos juris persuadent.

Jam primum omnium videndum est
quid nomine Jurisconsulti intelligi de-
beat, & quinam sit finis ejus artis, quæm
ille

10 De JURISCONSULTO

ille profitetur, nam ubi finis est constitutus facile via, & ratio invenitur, quibus ad eum perveniri possit. Scio quosdam officium perfecti Jurisconsulti in eo ponere, ut non tantum jura hujus, vel illius civitatis teneat, verum & ea omnia, quæ ad facultatem viri sapientis pertinent, eosque Jurisconsultos nominare, qui Sapientes Græcis dicebantur: nam apud illos (ut utar verbis Ciceronis, qui de hac facultate in 1.lib.de legib. sermonem habet) non quærebatur quemadmodum caveatur in jure, aut quid de quaue consultatione respondeatur, sed tota causa universi juris, ac legum complectebatur, quapropter ab illis tradebantur præcepta totius artis politicæ, qua recte possent jura populis dari, civitatesque regi. Verum etsi res ista sit magna, & sapientibus viris digna, tamen politicæ philosophiæ generales tantum notiones ab id genus Jurisconsultis traduntur, & docentur, non autem speciales, quibus recte populorum negotia, & controversiae sine cuiusquam injuria componi, & dijudicari possint; quod & in epistola ad filium suum præposita tractatibus ad Africanum animadvertisit Cujacius. At Roma-

mani juris authores præceptis, institu-
tisque philosophiæ imbuti, ea, quæ gene-
raliter a sapientibus viris traduntur ad
usum ipsum, atque utilitatem populo-
rum revocarunt, per varias nempe le-
gum sanctiones cavendo, ne alteri fiat
injuria, & per responsa, interpretationes
que dijudicando varias causarum, fa-
ctorumque species effecerunt, ut suum
cuique tribueretur. Quapropter recte,
meo judicio, Jurisconsultus ille dici po-
test, qui probe noverit ea, quæ Romani
juris authores nobis tradiderunt; siqui-
dem ex eorum scientiæ cognitione facile
poterit civium componere controversias,
sapientiamque civilem in singulis facto-
rum articulis adhibere, prout tempo-
rum, & locorum circumstantiæ, & ci-
vium utilitas expostulare videbitur. Et
quidem sicuti Oratoris, & Poetæ fa-
cultatem multo magis adsequetur is, qui
diù, multumque versatur in libris De-
mosthenis, & Ciceronis, vel Homeri, &
Virgilii legendis, quam in præceptis,
quæ vulgo de eorum arte sunt composita,
ita Jurisconsulti munus rectius a Roma-
ni juris libris percipi, addiscique potest,
quam ab iis, qui de facultate civilis sa-
pientiæ tractant. Quid dicemus de au-
tho-

12 DE JURISCONSULTO
choritate, quæ vel maximè hac in re con-
sideranda est? nam, ut ait Gratianus (f),
*in negotiis diffiniendis non solèm est ne-
cessaria Scientia, sed etiam potestas:*
quare cum jure Romanorum omnes fer-
me gentes utantur tanquam suo, non
potest quisquam suis civibus consulere,
nisi noverit quanam ratione jus proposi-
tum nobis sit ab ejus authoribus, quam-
vis philosophiæ scientia sit imbutus; &
ideo non male quidam jus Romanorum
definiunt rationem imperantem, & ar-
matam sapientiam, & sententias Philo-
sophorum in publica iussa conversas.

Ex his facile est refellere eorum op-
niones, qui ad justi, injustique scien-
tiam non opus esse dicunt ullis scriptis
legibus, nec ulla propria earum artis
cognitione; cum, ut inquit Cicero (g),
quibus ratio natura data est siDEM
etiam recta ratio data est, ergo & lex,
qua est recta ratio in iubendo, & vetando:
& si lex jus quoque, at omnibus ratio,
jus igitur datum est omnibus: siquidem
ta, quæ in jure traduntur, trifariam
con-

(f) *in decreto dist. 20.*

(g) *lib. I. de legib.*

considerari possunt ; nam quædam , ita certa sunt omnibus , & indubitata , imo vera , utpote veris principiis , rationibusque nixa , ut nihil quidquam adversus ea adduci possit , sunt enim ab ipsa natura ; & de his loquutus est Cicero ; non solum enim justi , injustique semina quædam à natura habemus , sed virtutum omnium , quæ si adolescere liceret , ipsa nos ad beatam vitam natura perduceret , ut idem Cicero (h) alibi eleganter ait . Secundi generis eorum , quæ jure constituuntur , sunt ea , quæ omnino inexplicabilia sunt , nec de iis quidquam a privatis personis ita recte dicitur , ut non dici possit contrarium , & ideo omnino legislatoris autoritate opus est ; idque potissimum accidit cum de eadem facti specie duæ , pluresve rationes ita reddi possunt , ut difficile sit judicare , quænam potius recipienda sit , & hac in re authoritas consideratur , quod genus superiori contrarium est ; unde quidam e diverso opinantur jus omne non natura , sed legibus , & autoritate nisi , quod etiam falsum est . Tertium vero genus medium est inter hæc duo , nam ea com-

ple-

(h) *Tuscul. disput. lib. 3.*

14 DE JURISCONSULTO
plexitur, quæ nec omnino indubitata,
nec omnino inexplicabilia sunt, sed
quorum rationes longius quidem à vul-
gari sensu positæ sunt, verum quæren-
do, atque investigando expediri possunt
per scientiam æqui, & boni, atque ad
publicam utilitatem proponi: & in hoc
potissimum munus Jurisconsulti versa-
tur, quod ex libris Romani juris recte
percipitur; hac enim scientia adeo præ-
stantes Romani fuerunt, ut nulla um-
quam extiterit Respublica, quæ tam
optimis abundaverit præceptis, institu-
tisque civilibus; & merito Cicero juris
Romani præstantiam in hæc verba extol-
lit (i): *Percipietis etiam illam ex co-
gnitione juris letitiam, & voluptatem,*
*quod quantum præstiterint nostri majo-
res prudentia cæteris gentibus, tum fa-
cile intelligetis, si cum illorum Lycurgo,
& Dracone, & Solone nostras leges con-
ferre volueritis; incredibile est enim,*
*quam sit omne jus civile præter hoc no-
strum inconditum, & pene ridiculum.*
Et tamen nondum extiterant Juriscon-
sultorum doctissimi Papinianus, Scævo-
la, Africanus, aliique, qui plurimum,

& or.

(i) Lib. I. de Orat.

& ornarunt, & illustrarunt Romanam Jurisprudentiam. Mihi verò vel ob id maximè jus Romanorum sequendum, perdiscendumque videtur, quod illius præcepta magna ex parte cōveniant cum iis, quæ per Verbum Dei nobis tradita, & demandata sunt: quare Christianorum Rēspublica Romanas leges (et si correctio-
ne quam adhibita ex Pontificio jure) amplexa est, iisque utitur; ut scilicet nos Christiani, qui solidam, & expre-
sam Justitiæ, æquitatisque effigiem habemus, qualem nobis Servator noster Christus proposuit (quam merito inter Romanos non esse querebatur Cicero) his veluti umbris, & imaginibus veræ illius Justitiæ utamur ad actiones, & ne-
gotia nostra peragenda, ne alteri fiat in-
juria; hac enim externa utimur politia ad civilem societatem tuendam, donec donatos veluti quodam postliminii jure idem Servator noster in suam patriam nos recipiat. Sed utinam (proh nefas!) nos Christiani his umbris, & imaginibus recte uteremur, nam plerumque postha-
bita ingenua Gentilium simplicitate, qua illi suas leges composuerunt, astu-
tam potius nostram sectamur malitiam,
& calliditatem.

Sed

Sed ut eo revocetur , unde huc declinavit oratio ; si quis universam , ac propriam Jurisconsulti vim definire , complectique velit , is erit mea sententia Jurisconsultus , qui legum Romanarum , & consuetudinis ejus , qua in civitate utitur , & ad agendum , & ad cavendum , & ad respondendum sit peritus . Quamobrem finis Jurisconsulti , quem hac nostra disputatione instituere conamur , hic est , ut ex præscripto legum recte valeat civium controversias , & quæstiones componere : quod ut possit Jurisconsultus præstare , primum necesse est , ut scriptarum legum sit peritus , earumque perfectam naclus sit cognitionem , tum deinde , ut juris interpretandi soleriam adsequatur , quo adhibita boni , & æqui regula factorum species dijudicare possit , & huic rei videtur mihi Ulpianus (1) respxisse cum ita Jurisprudentiam definit . *Est Divinarum , atque humarum rerum notitia , justi , atque injustis scientia ; nam primo debet qui Jurisprudentiam profitetus noscere leges , quæ , ut ait*

(1) *l.i.Q.de Justit. & Jar.*

ait Imperator Justinianus (^m) *divinas,*
& humanas res bene disponant, & dein-
 de per scientiam justi, atque injusti leges
 interpretari, si quando jus potentibus
 reddere velit. Et quidem cum jus, ut in-
 quirit Neratius (ⁿ), finitum esse & possit,
 & debeat, species autem factorum, & con-
 troversiarum, quæ inter cives oriri so-
 lent, sint propemodum infinitæ, officium
 Jurisconsulti in eo versari debet, ut non
 tantum expressa legum verba teneat, qui-
 bus nominatim de quibusdam articulis
 cautum est, sed multo magis, ut loquitur
 Celsus (^o), earum vim, & potestatem; ut
 scilicet non id solum, quod verbis legum
 exprimitur, noscat; sed earundem autho-
 rum mentem, & voluntatem, qua ex-
 pressa legum verba ita interpretetur, ut
 omnes ferme casus, qui quandoque inci-
 derint, ad eas referre, & ex earum ratione,
 & tactica voluntate dijudicare noverit;
 non enim possunt ita leges scribi, Juliano
 authore (^P), ut omnes casus, qui quan-
 doque inciderint, comprehendantur; &

B ideo

(m) *I.1.C.de vet.jur.encl.*

(n) *I.2.de jur.& fact.sgn.*

(o) *I.16.de legib.*

(P) *I.9.de legib.*

ideo necesse est omniño, ut sint in civitate prudentes viri, qui ita earum sint periti, ut interpretatione huic incommodo occurrant, & jus civile ita explicent, ut si non legum verbis, at earum saltem sententia omnes casus comprehendantur: & in hoc potissimum versatur juris scientia, quæ sapientia civilis ab Ulpiano (⁹) dicitur. Facultatem igitur Jurisconsulti duabus partibus comprehendimus, prima versatur in cognitione juris, altera in interpretatione; quod etiam Cicero lib. 2. de offic. his verbis expressit: *Summo semper in honore fuit cognitio juris, atque interpretatio.* Non ergo vulgarem Pragmaticum, aut Leguleium quendam nostra hac disputatione informare conamus, qui tantum leges artificio quodam memoriae proferat, sed perfectum Jurisconsultum, eum scilicet, qui ex norma aequi, & boni jus potentibus reddat, & civitates regere possit, & aliquando, si re fuerit publica, noscat agere Legislatorem. Hoc autem primo libro id a me præstabitur, ut quænam mihi videatur ratio juris civilis discendi, breviter proponam,

in

(⁹) I.I. §. est quidem de var. & extr. cogn.

in altero enim libro dicetur de ratione interpretandi. Illud tamen præmonitos velim eos, qui hæc nostra legent, ut nullius authoritati fint addicti, sed ea tantum hac in re optima iudicent, quæ ratio ipsa expostulat: siquidem mihi vel contra receptas persuasiones rationem sequenti libera erit sententia; unde mirum fortasse videri non debet, si aliquando a viris doctis proposita ratio iuris discendi non probetur mihi; non enim quæ a me dicentur ad ostentationem propriæ industriæ sunt composita, sed tantum, ut ea inveniatur via, qua adolescentes ad Romani juris cognitionem recte, & facillime pervenire possint, ne fortassis vulgaribus vestigiis inhærentes oleum, (ut dici solet) & operam perdere videantur.

Notum fere omnibus est, Imperatorem Justinianum simul cum ea sua ultimorum librorum juris compositions, viris prudentibus demandasse, ut librum componerent, quo cupida Romanarom legum juventus ad Jurisprudentiam commode institui, & sine multo labore manuduci posset: idque eo consilio ab Imperatore factum est, ut prima juris lineamenta hoc libro quodammodo designarentur,

20 DE JURISCONSULTO
& ut prima elementa proponerentur to-
tius legitimæ scientiæ, quod his verbis
declarat ipse Imperator: (5) Sed cum per-
speximus, quod ad portandam tantæ Sa-
pientiae molem non sint idonei homines
rudes, etiam aliam mediocrem eruditio-
nem præparandam esse censuimus, ut sub
ea colorati, & quasi principiis omnium
imbuti possint ad penetralia eorum intra-
re, & formam legum pulcherrimam non
conniventibus oculis aspicere. Et ideo
Triboniano viro excelsø, qui ad totius
operis gubernationem electus est, nec-
non Theopbilo, & Dorotbeo viris illae-
stribus, & facundissimis Antecessoribus
accessitis, mandavimus quatenus libris,
quos veteres composuerunt, qui prima
legum argumenta continebant, & Insti-
tutiones vocabantur, undique separatim
collectis, & quidquid ex his utile, &
aptissimum, & undique elimatum, & re-
bus, quæ præsenti ævo in usu vertuntur
consentaneum inveniatur, hoc & capere
studeant, & quatuor libris imponere, &
totius eruditionis prima fundamenta, at-
que elementa ponere, quibus juvenes
suf-

(5) L.2. C.de vet.jur.enact.

*suffulti possint graviora, & perfectiore
scita legum sustentare.* Et quidem recte;
nam ut præclare ait Aristoteles lib. i. eth.
διῆς γὰρ αἰτούμεναι τὴν σωτηρίαν αναγέμψεις.
Prius lineamenta prima ducenda sunt,
& opus informandum, post veris colori-
bus utendum erit. Hæc est enim recta
omnium fere studiorum institutio, ut
primo generalibus quidem, & simplici-
bus præceptis, & notionibus adolescenti-
tum ingenia imbuantur, quo deinde fa-
cilius singula quæque exacte dignosci
possint: *Nam via quidem*, ait Quintilia-
nus (⁹) *incipientibus opus est, & ea*
plana, & cum ad ingrediendum, tum ad
demonstrandum expedita; & experientia
*nos docet, adolescentes ut plurimum dif-
ficultate institutionis numerosæ, atque*
*perplexæ deserreri solere; nam quo tem-
pore præcipue alenda sunt ingenia, at-
que indulgentia quoddam nutrienda, a-*
superiorum tractatu rerum attiruntur.
Quod cum de cuiusvis artis studio recte
dicatur, tum multo magis de jure nostro,
*in quo nisi ab initio simplici via adole-
scentes instituantur multitudine, & va-
rietate rerum onerati nunquam ad eam,*

(9) *Instit. Orat. lib. 8. i. princ.*

22 DE JURIS CONSUTO

quam adsequi cupiunt cognitionem per-
venire poterunt. Recte igitur Justinia-
nus, ut tantum decebat Imperatorem de
jure Romano benemeritum, hunc libel-
lum componendum curavit, aptum qui-
dem ad instituendos adolescentes; et si a
doctis viris animadversum sit suis quo-
que vitiis eum laborare, qua de re vi-
dendus est Struvius in hist. Juris Justinia-
nei. Et utinam verum esset omnino quod
de hoc libro his verbis proponit in præ-
fatione suarum Institutionum Joannes
Harpactus: *Ac sane in universum in In-
stitutionibus hunc elegantissimum ordi-
nem servat Imperator, ut primo summas
rerum, & communia juris genera propo-
nat, deinde eadem in suas species magis
communes, ac per vulgatas distribuat;
postremo has species, seu partes cum defi-
nitionibus, atque divisionibus declarat;
tum certis regulis in quoddam quasi cor-
pus concludat, & coagulet. Siquidem,
præterquamquod in his quatuor libris
Institutionum aliquando omittuntur ea,
quæ necessaria sunt, & exactius quam
res expostulat, proponatur jus antiqua-
tum, vel antiquandum; minus recta
etiam methodus habetur non solum ge-
neralis titulorum, sed & specialis pa-*
-2-

ragrophorum; qui non semel perverso ordine disponuntur. His tamen nævis, & si qui sunt alii in pulcherrimo cætero-quin libello prudentes Magistri occur-rent. Illud vero ferendum non est, quod Interpretibus placuit longissimis com-mentariis has Institutiones onerare potius, quam exponere; siquidem horum opus, & juris studio incommodum ad fert, & Imperatoris sese opponit volunta-ti, qui prima tantum elementa juris scientiae proponere voluit, non ea quæ difficillimæ sunt cognitionis; quapropter hujusmodi scriptores non minus inutiles sunt, quam inepti; is enim authore Cic-
rone lib. 2. de Oratore ineptus dicitur, quasi non aptus, qui aut tempus quid postulet non videt, aut rationem non habet eorum, quibuscum loquitur; aut quocumque in loco, quoscumque inter homines de rebus, aut difficillimis, aut non necessariis argutissime disputat. Merito igitur ineptus dicendus est quicumque in primis hisce elementis Romanorum legum proponendis argutissime de difficil-
limis juris articulis disputat non minus, ac si quis cum pueri literas colligere, & pronunciare discunt etymologias, & syn-
taxeos regulas inculcare velit. Et mi-

24 DE JURISCONSULTO
rum fortasse videri posset, cur ea Ro-
mani juris pars, quæ interpretem minus
desideret, tot habuerit; nam, ut omit-
tamus veteres Angelum Aretinum, Jo-
annem Fabrum, qui insanos certe scri-
pserunt commentarios, superiori ætate
ferme quisquis sentiebat se aliquid posse
in iuris facultate, animum adjiciebat ad
institutiones exponendas; unde innumerí
extiterunt earum interpretes: cujus rei
causam diu, multumque quærenti mihi
hæc sele obtulit, quod hujusmodi juris
Doctores, cum vellet quisque suis inno-
tescere, interpretationem adgressi sint
ejus juris partis, quæ magis in manibus
studiosorum versaretur; quapropter eo-
rum consilium non fuit, ut opem ferrent
cupidæ legum juventuti, sed ut pro-
priam scientiam ostentarent: quotus enim
quisque eorum est, qui difficillimas, &
subtilissimas aliquin quæstiones juris in
Institutionibus explicandis non tractet,
vix ei proponendas, qui per quinquen-
nium in jure civili sit versatus? Frustra
igitur hic liber ea mente ab Imperatore
compositus, nobisque traditus est, ut le-
vi, ac simplici via adolescentes institue-
rentur, si eum tanta rerum multitudine,
ac varietate difficultimum, & tot quæstio-
ni-

nibus involutum hujusmodi scriptores reddere conati sunt. At longe alia mens fuit Jurisconsultissimis viris, qui nullo commentario has Institutiones onerari opus esse, sed tantum quibusdam annotationibus exponi existimarunt, sicque faciliorem reddi; ita enim Cujacius præsertim sentit, cujus hæc sunt verba (t). *Ex libris juris civilis libello Institutio-*
num neque comptior, neque facilior ul-
lus est, quive interpretem desideret mi-
nus; ut plane illorum videatur esse o-
tium ignobile, qui eum libellum longissi-
mis onerant commentariis, quod pos-
tum est in una cognitione in infinita dis-
pertientes, quo scil. plura scire videan-
tur, ut illis quidem videtur, nostro judi-
cio ostentatione vana, quo ceteris nihil
scire videantur. Verum irascor Arnoldo
 Vinnio, viro cæteroquin haud spernendæ eruditionis, & in jure civili satis versato, qui cum ea cura, & studio ad hujus libri commentarios scribendos accessisset, tanquam si nemo antea id præstisset, dubitans, ne suum opus parum viris doctis probaretur, ut qui eam juris partem longioribus, abstrusisque com-

men-

(t) lib. xi. obser. cap. 38.

26 **D E J U R I S C O N S U L T O**
mentariis conaretur exponere, in qua
nullo pene opus erat interprete; hanc sa-
nam Cujacii sententiam carpit, falla-
cemque interdum esse, ait, etiam præ-
stantissimorum hominum authoritatem,
existimat enim, Cujacium ex sua potius
facultate, quam ex vero rem æstimavisse,
nam (ut ipse (^u) inquit) si ex veri-
tate rem æstimare volumus, nulla potest
esse juris Justinianici pars, quæ interpre-
tem magis desideret, quam ea, in qua
omnia prope nuda tradita sunt, & deli-
bata dumtaxat, non exposita. Nos autem
si ex vero rem æstimare velimus non
Cujacii, sed ipsius Vinnii dicemus falla-
cem esse authoritatem, qui eam juris
partem, quæ hac ratione a Justiniano
composita fuit, ut levi, ac simplici via
prima veluti Jurisprudentiae elementa
adolescentibus traderentur, eo modo in-
terpretari conatus est; ut omnes ferme
subtilissimas argutias, & omnes quæ-
stiones, quas ab optimis transcripsit Juris
Interpretibus, inter prima puerorum
elementa admiscere, & non sine multo
pulvere agitare non dubitaverit: debue-
rat potius ipse, qui ex veritate se rem
æsti-

(^u) in prefat. Institutionum.

estimare autumat Imperatoris parere voluntati , qui rectissima ratione omnia in eo libello delibata dumtaxat , non plenissime exposita nobis tradenda curavit , ut scilicet generales tantum inibi notiones juris civilis haberent adolescentes ; nam si in re Triboniano , aliisque consultissimis viris visum esset plenissime omnia ibi tradere , non adeo eos juris civilis expertes , ignarosque judicare debemus , ut longe melius id præstisset , quam Arnoldi Vinnii commentarius .

Sed ne in re aperta verbis utamur minus necessariis : quanquam eorum laborem , qui accurate ad hunc librum commentarios scripserunt , non solum non contemno , sed etiam vehementer admiror , ut Balduini præsertim , Hotomani , Vultei , Gyphanii , Broei , Borcholti , aliorumque ; quis est enim , inquit Cicero , tam invidus , qui alienæ modum statuat industria ? tamen ita sentio , adolescentes , dum jus civile ingrediuntur , eis legendis se non tradere debere , ut vulgo fieri videmus , sed ut ea , quæ in hoc Institutionum libello habentur , a Magistris exponantur simplici via , & sine multarum rerum apparatu , prout a Justiniano nobis tradita sunt ; nam prætex

ter simplicissimam quandam, ut recte sentit Duarenus (^x), & brevissimam obscuriorum vocum, & proprietatum hujus artis explanationem nihil ab eis adolescentes accipient; idque in modum brevis cuiusdam paraphrasis, prout commodius Magistris videbitur, quod factum est a Theophilo græco Jurisconsulto, cuius libro existimat vir doctissimus Antonius Augustinus (^y) nullum extare ad institutiones intelligendas aptiorem. Notat tamen Struvius (^z) hanc Theophilii paraphrasim suis quoque erroribus adspersam esse, nam & aliquando Romani juris, Romanique moris ignoratione labitur author, & non semel contra Justiniani mentem paraphrasim concipit; unde mirum non est, si Cujacius hoc profert judicium de Theophilo (^a) *Et hunc errorrem etiam Theophilus sequitur, quem ego authorem existimo post Accursium scripsi*, ut ei non sit causa, cur plus, quam ipsi

(^x) *in epistola de ratione discendi, docendique juris.*

(^y) *lib.3.emendat. cap.8.*

(^z) *princip.bistor.juris græci.*

(^a) *in §.2. Instit.de actionibus.*

ipſi Accurſio credamus, quem plerumque ita ſolet imitari, ut multis in locis verbum e verbo exprimat; at ſibi parum conſtant Cujacius ſic alibi ait: (b) Quod ibi Theophilus noſter explicat peritiſime ex intima Jurisprudentia; fuit hic au- thor, ut & vetuſtissimus, ita & juris pe- ritissimus, ita ut ab iis, quae ſcribit, non fit temere recedendum: quod inter va- riationes Cujacii ponи potest, neque ideo culpandum, ut de alia quadam Cujacii variatione ait Jacobus Gothofredus (c); ſiquidem in libris Cujacii non ſemel le- gimus diſcrepantes inter ſe ſententias, quas in unum compoſuit clari nominis Jurisconsultus Edmundus Merillius. Hoc igitur judicium meum eſt, rectam methodum eſſe, ſi Institutiones per para- phraſim ſtudioſis tradantur. Nec etiam improbatur mihi moſ vulgo in Acade- miis receptus, ut quibusdam veluti scho- liis ad has Institutiones adolescentes eru- diantur, modo iuſtæ expoſitionis modus non excedatur, nec ipſa Justiniani verba negligantur, quæ placebit mihi valde, ſi ado-

(b) lib.x. Digest. Juliani in l. 19, §.
1.de rebus creditis.

(c) in l. 3.de reg. jur.

30 De J u r i s c o n s u l t o
adolescentes tanquam carmen necessarium memoriae mandent, ut de duodecim tabulis tradit Cicerio Romæ pueros facere solere. Illud etiam Doctoribus negligendum non est, ut Institutiones scribantur oratione, quoad fieri potest, elegantissima, nam & juris nostri authores ita eleganter scripserunt, ut nescias utrum res oratione, an yerba sententias illustrentur, & juvenes elegantioribus litteris ex politi ducti jucunditate orationis, lenocinioque verborum jus civile non sine animi oblectatione adsequantur: quod ratione se Lucretius dicit præcepta naturalis philosophia carmine esse complenum; utitur enim hac similitudine (^d).

Sed veluti pueris absinthia tetramedentes

Cum dare conantur, prius oras pocula circum

Contingunt mellis dulci, flavoque liquore,

Ut puerorum ætas improvida ludificeatur

Labrorum tensus, interea perpotet amarum

Ab-

(^a) lib. I.

Absentibus laticem, deceptaque nos capiatur,

*Sed potius tali facto recreata valeat:
Sic ego nunc &c.*

Sed ne quis putas me nolle juris candidatos ea addiscere ; quæ a viris doctis ad hanc juris partem illustrandam literis demandata sunt , animadverendum est , hanc meam sententiam esse non oportere a primordio rerum varietate adolescentes onerari ; nam & ea ipsa , quæ ab Interpretibus intempestate tractantur , & alia quamplurima addiscenda quidem sunt , verum recto ordine , & via , ut mox dicemus , ne juris studiosi in magna rerum perplexitate , & confusione versentur , sique fiant studiorum desertores . Faceant enim hinc qui eo animo juris Institutionibus student , ut inde omnem juris scientiam quam citissime arripiant ; eaque scholarum ferme consuetudo est , ut vulgaribus commentariolis adolescentes instituantur , in quibus quamplurimas quæstiones , & captiunculas sine delectu , & consilio assutas , & misere pertractatas vide : quapropter multi sunt qui cum nihil aliud sapient , quam incondita , & male digesta Magistrorum scita , falsam juris scientiæ persuasionem induunt;

duunt; sicque totum jus civile in parvum quendam, & angustum locum concludunt: major est enim civilis hæc sapientia, quam ut ullis Doctorum hujusmodi scriptis comprehendendi possit. Et sane quis æquo animo feret, in nostra hac civitate, doctis viris alioquin referta, cuique datum esse, ut cum qualemqualem studiorum suorum fiduciām habeat, publice se tradat ad jus docendum non sine magno studiosæ juventutis detrimento? a nonnullis enim, ut libere quod sentio dicam, ea docentur, quæ potius dediscenda sunt, quam discenda, si quis velit serio juris adsequi cognitionem; at certum est, naturâ nos tenacissimos esse eorum, quæ rudibus annis percepimus, ut sapor, quo nova imbuas, durat, nec tanarum colores, quibus simplex ille candor mutatus est, elui possunt; dicendum igitur est, id genus Magistros non auxilio esse adolescentibus; sed impedimento, quominus recta via jus civile addiscant. Sed quoniam opinio quorundam est, non statim optimis præceptoribus tradendos esse adolescentes, sed apud minores aliquandiu detinendos, tanquam instituendis artibus magis sit apta mediocritas Præceptoris, cum ad intelle-

ctum,

Atum, atque imitationem facilior, tum
 ad suscipiendas elementorum molestias
 minus superba; ideo velim eos Quinti-
 lianum audiant hac de re differentem
 his verbis (e), quæ quin huc transcribe-
 rem temperare ipse mihi nequivi, usque
 adeo & verbis, & re ipsa oblectatus sum:
Quia in re non arbitror diu mibi labo-
randum, ut ostendam quanto sit melius
optimis imbui, quanta in eluendis, que
semel insederint vitiis, difficultas conse-
quatur, cum geminatum onus succeden-
tes premat. Et quidem dedocendi gravius,
ac prius, quam docendi. Propter quod
Timotheum clarum in arte tibiarum fe-
runt duplices ab his, quos alius instituisset
solitum exigere mercedes, quam si rudes
traderentur. Error tamen est in re du-
plex; unus quod interim sufficere illis
minores existimant, & bono sane stoma-
cho contenti sunt; que quanquam & ipsa
reprobensione digna securitas, tamen es-
set utcumque tolerabilis, si ejusmodi
Præceptores minus docerent, non pejus.
Alter error, ille etiam frequentior, quod
eos, qui ampliorem (juris scientiæ) facul-
tatem sint consequuti, non putant, ad

C

mi-

(e) lib.2.cap.3.

minora descendere; idque interim fit,
quia fastidiant præstare banc inferiori-
bus curam, interim quia omnino non pos-
funt. Ego porro eum, qui nolit in numero
præcipientium non habeo, posse autem, si
velit, optimum quemque contendere: pri-
mum quod eum, qui (Jurisprudentia)
cæteris præstet, illa quoque, per quæ ad
(Jurisprudentiam) pervenitur diligen-
tissime percepisse credibile est, deinde quia
plurimum in præcipiendo valet ratio,
quæ doctissimo cuique planissima est; po-
stremo quia nemo sic in majoribus emi-
net, ut eum minora deficiant &c.

Quoniam vero jus civile, quo utimur,
a Romanis olim rerum dominis pro-
fectum est, ideo futuro Jurisconsulto
omnino est necessarium, ut Romanæ
Reipublicæ historiam noscat, & quænam
suerit ratio legum ferendarum, & quibus
modis exulta sit Jurisprudentia præci-
pue sub Imperatoribus usque ad Justi-
niani tempora: siquidem harum rerum
cognitio, non tantum ad antiquitatis no-
titiam, sed multo magis ad Justianei ju-
ris illustrationem pertinet; satis enim,
superque a doctis viris animadversum
est, ex harum rerum ignoratione quam-
plurimos juris Doctores, præcipue eos,
qui

qui ex Bartoli schola profecti sunt, in magnos, eosque non ferendos errores incidisse, & quod pejus est, ex eorum erroribus multas opiniones, & complures controversias in juris facultatem inventas esse, quæ mirum in modum Juris prudentiam turbarunt. Sed diu multumque anceps consilii fui, quo nam liberis juris studio proponerem, ex quibus Romanam nancisceretur eruditionem, quis enim nescit, innumeros esse ejus scriptores? quapropter hac in re delectus habendus est. Et mihi quidem videtur optime hanc provinciam exornasse Burcardus Struvius, & non invitus concederem, hunc authorem cæterorum industriam longe superasse; siquidem historiam juris scripsit non, ut quidam, vel **xii** tabularum, vel legum, vel Senatus consultorum, sed universam ejus notitiam complexus est sub libera Republica, sub Cæsaribus; proponit deinde historiam juri^s Justinianei, Græci, Longobardici, Justinianei restaurati; juris quoque Canonici, Feudalis, Criminalis, Publici: recte etiam idem author proponebit & Romanorum Magistratum tum sub libera Republica, tum sub Imperatoribus, & Romani fori historiam; qua-

C 2 sum

36 DE JURISCONSULTO
rum rerum nihil utilius, & necessarium
magis juris studioſo eſt. Et quamvis
Struvius historiam proſequatur juris
quoque Germanici, id quidem fecit, ut
utilitatem afferret hominibus regionis
ſuæ; quiſque tamen municipalis histo-
riam juris noſcat ex iis, qui de ea re ſcri-
perunt. Vincentius Gravina optime
etiam hanc provinciam exornavit, & cœ-
teris omnibus tum rerum, tum orationis
elegantia præferendus eſt, ita ut ejus opus
de origine juris magnam afferat adole-
ſcentibus utilitatem; et ſi Struvius rerum
ubertate eum ſuperet. Hoc tamen mo-
nitos velim juris studioſos, ne uſque adeo
his rebus ſeſe tradant, ut earum jucun-
ditate pelleſti a juris cognitione abhor-
reant, & τὸ πάρεγγον, ut eſt in proverbio,
ἴγενος fiat; ut quibusdam eveniſſe cre-
dendum eſt, qui juris ſcientiam profi-
tentes, nihil aliud præſtiterunt, quam
Romanæ eruditioſis notitiam, ita ut
docti quidem viri dicendi ſint, ſed
non juris, ut de Francisco Conna-
no (injuria quidem) dicebat Cuja-
cius. Et memini Dominicum Auli-
ſium, noſtræ quondam decus Acade-
mia, dicere ſolere, veteres quidem Inter-
pretes ex Romanæ eruditioſis ignora-

tio-

tione jus civile non recte affectuos esse; at contra ex novis quamplurimos ob illicius nimium studium juris neglexisse cognitionem. Auctor etiam sum adolescentibus, ut ab optimis Praeceptoribus recitationes solemnies, quæ in Academiis proponuntur, accipient; id enim a simplicissimis Institutionum notionibus paulatim adcommodat animum iis rebus, quæ difficultioris sunt præceptionis; ne fortassis imparati accedant ad ea, quæ mox proponentur, quæque perfectum constituunt Jurisconsultum.

Postea vero quam juris studiosus Jurisprudentiam quodammodo delibaverit ea ratione, quæ hactenus a nobis est proposta, ita ut se in jure civili non omnino rudem esse sentiat, ad perfectam ejus cognitionem nanciscendam tempestivum erit, ut deveniat. Sed in primis magnopere errare mihi vulgo videntur ii, qui cum a primordio certam discendi juris rationem non teneant ullam, temere, & sine consilio vagantur; nihil enim quidquam magis juris studio obesse videatur mihi, quam in eo sic versari, ut crebris interpellationibus modo huic, modo illi juris parti detur opera, posthabito continuato discendi ordine, ac methodos;

38 DE JURIS CONSULTO
animus enim studiosi tanquam in incer-
tis sedibus hoc modo aberrat , ignarus
quid sequi debeat potissimum , confusione
rerum distractus ; nam , ut præclare scri-
bit ad Lucilium Seneca (f) , qui quo de-
stinavit pervenire vult , unam sequatur
viam , non per multas vagetur , non ire
istud , sed errare est . Quod omnino ne-
cessere est , ut eveniat , si jus velimus addi-
scere ex eorum scriptis , qui cum nullam
præferant juris artem ad docendum ad-
commodatam , ad ejusdem perfectam ,
universalemque cognitionem nunquam ,
aut raro nos deducunt . Et certe quā
fieri potest , quæso , ut juris cognitio-
nem adsequantur ii , qui cum mul-
torum librorum copiam sibi parave-
rint , modo hujus , modo illius quæ-
stiones , disputationes , observationes ,
emendationes percurrunt ? sunt qui-
dem quamplurimi de his rebus libri ,
quos omnes enumerare , nedum legere
infinitum esset . Accedit & illud incom-
modum , quod cum juris studiosus non-
dum discernere possit , quoniam sit jus
receptum , vel controversum apud Inter-
pre-

(f) epist. 45.

postea, vel olim apud ipsos Jurisconsultos & iudicibus modo adsequetur hujusmodi authorum sententias, opiniones, observationes; hi enim scriptores non instituere ignoratos volunt, sed suam potius operam, & industriam juris scieatque peritis cupiunt innotescere: & ideo semper in magna rerum confusione, & ignorantia versabitur. Sed de ratione discendi juris scio a multis multa dicta esse; quidam enim ad ipsos juris libros legendos, Doctorumque commentarios, ut Cujacii, Alciati nos revocant, quidam ad singulorum titulorum argumenta primo per curenda, & deinde ad singulas species singulorum capitum, ut sentit Duarenus in epistola de ratione discendi juris; quidam vero nos invitant ad celebiores leges librorum juris diligendas, interpretumque explanationes, ut nostra aetate monuit Vincentius Gravina, vir sanctus doctus; sed hac in parte videtur nihil non bona fide agere; siquidem hic author dum cupidæ legum juventuti juris discendi rationem praescribere tentat, ei præponit Vinnios, Wesembecios, Pegelios, à quibus nulla nobis via traditur ad jus discendum accomodata, nulla ars, nulla scientia. Verum, ut quæ mea hac

40 De Juri sconsu^to
de re sit sententia, exponam, quando re-
rum series id expostulat, paulo altius res
repetenda est.

Nihil quidquam utilius Reipublicæ
esse potest, quam ut certa quadam juris
universi, finitique compositione inter se
cives utantur: maxima vero hac in re fuit
Romanorum diligentia, nam simul at-
que initio a Græcis leges acceperunt,
Decemviri eas composuerunt, & certo
ordine descripserunt, unde xii tabula-
rum leges ortum habuerunt, quas Li-
vius (§) dicit fuisse veluti quoddam ab-
solutum corpus Romani juris; & cum
deinde ex disputatione fori, atque inter-
pretatione Prudentum aliud juris genus
apud ipsos ortum habuisset, nempe jus,
quod proprio nomine civile dicebatur,
a sapientibus viris etiam collectum, va-
riisque libris fuit dispositum: Nam, ut
trudit Pomponius, sive quisquis sit au-
thor cap. II. de orig. jur., hoc jus civile
postquam primum P. Mutio Pontifice
Maximo decem libris, M. Bruto septem,
M. Manilio tribus sparsim fuisset colle-
ctum, Q. Mutius Scævola, qui apud Ci-
ce-

(§) decad. I. lib. 2.

ceronem Jurisperitorum eloquentissimus, eloquentium juris peritissimus dicitur, in unum corpus, & generatim in libros decem octo redegit. Eandem adhibuerunt curam in componēdis legum actionibus: unde Jus Civile Flavianum, atque Aelia-nūm extitit. Sed hujusmodi Compositorum labor non eo usque processit, ut in quandam artem jus civile redigeretur, ita ut discentibus facilis via, & methodus aperiretur: quapropter queritur apud Ciceronem Crassus (^h) ea tempestate nullos fuisse, qui jus artificiose congettum generatim componerent, propterea que difficilem viam esse juris scientiam, cuius ars nulla esset. Sed nihil utilius hac in re posterioribus temporibus Romani præstiterunt, nam etsi ipsem Ciceronem aliqua de jure componere cœperat, ut Quintilianus ait (ⁱ), tamen non illud fuit ejus consilium, ut universum jus Romanorum in ordinem disponeret, sed potius, ut viam, & rationem præmonstraret, qua methodus in jure tradendo adhiberi posset; id enim, credo, effecit *vix sapiens in libro, qui erat inscriptus*

de

(^h) *in lib. de Orat.*

(ⁱ) *lib. XII. cap. 3.*

de jure civili in artem redigendo, de quo apud Gellium (¹) mentio fit. Pompejus quidem varias leges in certos libros rededit, ut & Isidorus, & Dio Cassius refert, sed non ideo artem juris perfecit. Julius Cœsar cupiebat jus civile ad certum ordinem redigere, atque ex immensa, difusaque legum copia optima quæque, & necessaria in paucos conferre libros, sed talia agentem, atque meditantem mors prævenit, ut loquitur in ejus vita Suetonius (²). At sub Adriano Imperatore, quamvis Salvius Julianus Edictum Perpetuum concinnavit, quod esset veluti certum quoddam corpus juris, (idque & multo ante Ofilius J.C. præstiterat authore Pomponio,) tamen non minus in compositione Edicti ars juris desiderabatur; siquidem Julianus in eo tantum operam suam posuit, ut sub certis titulis Prætorum Edicta coagmentaret, nec de juris arte, de qua apud Ciceronem Crassus, quidquam cogitavit. Verum cum postea Jurisconsulti certatim commentarios ad Edictum Perpetuum Juliani, necnon quæstionum, responsorum li-

bros

(¹) lib. i. cap. 22.

(²) cap. 44.

bros scripsissent, in maxima rerum confusione jus civile cœpit esse; Juris enim Consulti nō sēmēl opposita sentiebant, & præcipue qui in diversas sedes abierunt, Proculianorum nempe, & Sabinianorum: quapropter Theodosius Imperator cum suis temporibus in immensam jus civile excrevisset, Principum constitutions in unum collegit, & quorundam Jurisconsultorum sua constitutione (n) scripta confirmavit, eisque vim legis dedit; idque nihil aliud fuit, quam jus confusum magis, atque magis permiscere, & ideo Prudentum libri ob multiplicem, variamque rerum cognitionem non legebantur; donec Imperator Justinianus magnos animos in pectore versans opus penne desperatum aggressus sit, is enim statuit jus antea confusum, varium, ac in tot partes discerptum in certum ordinem redigere, quo facilius juris scientia possipi, & consequi posset. Verum et si jus a Justiniano nobis propositum, certisque libris descriptum sequi debeamus, ut potest ex Imperatoris autoritate profectum, tamen adhuc nobis videndum restat, num
is

(n) in Cod. Theod. tit. de responsis
Prudentum.

44 DE JURIS CONSULTE
is rerum ordo, quem Justinianus sequens est in libris juris componendis rectus fit, & ad jus civile addiscendum accommodatus, & num in iis sit ars juris, quam quærimus: affirmat quidem Justinianus, se optimam methodum in libris juris proponere, qua facillime Jurisprudentia adsequi possit, sed vereor, ne hac in re dec̄ceptus sit Imperator; quapropter quinam sit rerum ordo, & methodus in libris nostris diligenter a nobis perspicendum est.

Edictum Perpetuum, de quo supra dictum est, fuit veluti archetypum librorum juris, quibus utimur, ex eo enim titulorum ordinem accipi voluit Justinianus (°); et si doctissimorum virorum sententia sit, & præcipue Duarenii, non semper in compositione Pandectarum Edicti ordinem servari; id enim & ab Hermogeniano J. C. factum est, qui libros juris epitomarum scribens imitatus ordinem Edicti, in cap. II. de statu hominum dicit, se ordinem quidem Edicti sequi, sed & proximos, atque conjunctos titulos applicare: idque & a Compositribus factum esse credendum est, qui aliquan-

(°) in constit. de concept. Digest.

quando ab Edicti ordine deflectentes ; & alios titulos apponunt . Sed sive per omnia , sive minus Edictum sequuti sunt Compositores , videntur non usque adeo ordinis fuisse solliciti , ut perfectam juris artem , & ordinem ad discendum accommodatum nobis traderent . Sane duplíciter in hac compositione ab iis peccatum est , ut Donellus eleganter demonstrat (P) tum in generali titulorum dispositione , tum in speciali singulorum capitum . Et quidem omne jus , quo utimus (inquit (9) Cajus) vel ad personas pertinet , vel ad res , vel ad actiones ; recta igitur rerum dispositio hæc erat , ut primo loco ageretur de jure personarum , & quibus modis jus earum imminueretur , servitute nempe , & patria potestate , & nonnihil etiam tutelis , ut in Institutionibus recte factum est , tum deinde de rebus , & actionibus : sed hæc inibi magna confusione permisceri videoas , nam prius quam cognoscatur jus cuiusque tum in persona , tum in rebus externis , statim delibatis dumtaxat quibusdam de perso-

na-

(P) lib. I. coment. cap. I.

(9) l. I. D. de statu hom.

narum statu, & rerum divisione; de ordine judiciorum tractatio iustituitur, quibus jus cujusque ope Magistratus consequi possit; sicque de ratione rerum judicio obtinendarum ante tractatur, quam quænam sint res ipsæ notum sit, unde judicium instituere possimus, quo jus nostrum in rebus persequamur: hæc enim ni probe distinguantur mirum quantum confusionis allatura sunt adolescentibus, ut mittamus de singulis titulis hic dicere, quam male suis locis collocati sint, quod exactissime ostendit Donellus. Quare perridicula sane videtur mihi Accurianorum Interpretum accurata inquisitio de titulorum, ut ipsi dicunt, continuatione; nam vel ex hoc intelligi potest quam sit eorum juris interpretandi genus hebes, atque impolitum, saepe enim dum hæc tractant res longe positas a vero, atque inconcinnas nobis obtrudunt.

Sed perversus titulorum ordo nos non admodum movere deberet, si minus singularum capitum dispositio recta esset: atqui si diligenter rem examinare velimus, nihil aliud reperiemus, in Pandectis præsertim, quam inconditam quandam sententiarum collocationem ex libris ve-

te-

terum Prudentum, ita ut sæpiissime divisiones, & definitiones postremo loco positas; ultima prælata primis, media utrisque videamus; & aliquando cum in primo capite tituli divisio, vel alicujus speciei tractatio proponitur, mox abrumpitur ea disputatio ab alio capite sequenti, in quo non semel aliena dicuntur, ita ut non male de Triboniano cum Horatio dici potest:

*Humano capiti cervicem jungit
equinam,*

Et non injuriâ Hotomanus ait Tribonianus Pandectarum libros aut' ~~arrigatos~~ Digesta inscripsisse, quasi Indigesta: nec mirum id videri debet, nam præterquam quod Justinianus operi huic adhibuit viros tanto negotio parum sufficientes, ut Struvio aliisque videtur, animadversione illud quoque dignum est, quod si Decemviri in x tabulis componendis annum unum consumperunt, necnon alterum in aliis duabus adjiciendis, quænam, quæso, nostrorum Compositorum fuerit industria, qui, ut fatetur Justinianus, tribus annis Cadicem, Pandectas, atque Institutiones ediderunt? Certe non desunt qui affirment, eorum laborem, & studiam in eo tantum fuisse, ut simul

simul atque Jurisconsultorum liber, aliquis, vel tractatus sese offerebat, ex eo protinus periodos, & sententias exciperent, & in medium conjicerent, & sub certis titulis collocarent: verum cum partes librorum juris a pluribus consuerentur, factum est quandoque, ut quod unus assueret, alter non animadverteret; & hinc praeter perversam dispositionem saepissime in his libris plures sententiæ, plures species, et si diversorum authorum repetitæ non sine nausea occurunt; ut nihil de iis dicamus, quæ contraria inter se sunt, quasque vulgo antinomias dicimus.

Scio hæc aliter videri summo Jurisconsulto Jacobo Cujacio, cuius authoritas in jure civili non minimum nos movere debet, qui de compositione, & methodo Pandectarum sic ait: (^r) *Cohærent omnia in Pandectis arte mirabili, nec tam ingenio Tribonianii, quam Julianii, Hermogeniani, & veterum Prudentium, quorum ille vestigia sequutus est; & qui aliam desiderant, vel comminiscuntur artem, næ quam sunt ineptissi-*

(^r) *in Paratitlis D. tis. Mandatis.*

mis, & imperitissimi, nam neque quid sit
ars sciunt, neque artem Digestorum, aut
principia certa juris ulla percasperunt
anquam, suaves tamen ad ridendi mate-
riam. Verum hac in re Cujacio non om-
nino est credendum, siquidem hæc ab il-
lo ea de causa scripta sunt, ut Hotoma-
num, Duarenum, Donellum, aliosque
Jurisconsultos carperet, quibuscum si-
multates agebat: hi enim non uno in lo-
co queruntur nullam methodum in li-
bris nostris reperiri, Compositoresque or-
dinis omnino imperitos fuisse. At ipse-
met Cujacius ex vero rem æstimans sa-
piissime testatur ordinem, & dispositio-
nem in libris juris desiderari, ut in tit.
Cod. de rebus creditis ait: *Videtur Justi-
nianus ordinis titulorum parum fuisse
sollicitus; & alibi in Paratit. Digest. de in-
terrogationibus in jure faciendis, con-
queritur in eo libro titulos non esse cer-
ta lege colligatos; & in notis posterioribus
Institut. titulo de gradibus cognationum
sic ait: Meo quidem iudicio (hæc) lex
fugitiva est, idest non suo titulo posita,
& aliæ complices incuriae Tribonianii
manifestæ indices; idem sentit lib. 3. ob-
ser. cap. 37. Et apertius librorum juris
imperfectam compositionem, atque erro-*

D

res

50 DE JURIS CONSULTO
res his verbis adversus Johannem Rober-
tum testatur (§): *Huic adjungis etiam*
æque trivialem, & compitalitium erro-
rem, nihil esse contrarium in corpore Ju-
stinianei juris, Justinianum hoc testari,
aut Justiniani vice quæstorem ejus, quod
perinde verum est, atque id, quod te-
statur idem, nihil in eo opere esse simile.
Comendavit opus, quod quale esset, appare-
bat, quæ res nos obligabat fidē; nec poterat
etiam intra triennium, aut quadriennium,
quo id perfecit, tale præstare quale se præ-
stare jactat. Johannes, eris semper in jure
novus, nisi hunc capiti tuo errorem excus-
seris, & huic te etati præbueris, quæ Dei
beneficio detexit, similia esse multa in illo
corpore juris, pugnantia inter se multa,
mutilia, & imperfecta multa, confusas
sape a pluribus authoribus leges, & ve-
stigia sectarum innumera, menda com-
plura creata, vel ex notis, literisve sin-
gulariis, quibus libri veterum referti
erant; vel ex Triboniani incuria potius,
quam imperitia, vel ex glossematis vete-
rum, & recentium Interpretum, vel ip-
sius

(§) in notat. Antonii Mercatoris lib.
3. cap. 17.

suis Tribonianis consulta opera, cui licuit
autborum verba mutare, aut alienis ea
intermiscere suo arbitratu &c. Quapro-
pter si hæc omnia Cujacii testimonia de
compositione juris nostri invicem contu-
letis, facile Cujacium dixeris hac in re
sibi non constare: quod de tanto viro in-
vitus affirmarem, sed potius ~~cerem~~,
nihil magis nobis suspectum esse debere,
quam Cujacii judicium de iis rebus, quæ
magno consensu apud ejus æquates, æ-
mulosque Jurisconsultos recepta erant;
ipse enim, et si aliquando lacessitus, eo-
rum opiniones non sine conviciis impu-
gnat, contrariumque illorum placitis
defendere summa ope nititur: imo non
veretur aliquando eos graviter reprehē-
dere Doctores, quos illi summo in pretio
habebant; audet enim Æmilium Ferret-
tum clari nominis Jurisconsultum hisce
verbis reprehendere (t): *Et longe lapsus*
est a vero is homo, in contemnendis, &
reprehendendis Doctoribus ponit fastus
multum, in tradenda veritate studiū ni-
bil, & ob eam rem ejus scripta plane sunt
juris studiosis inutilia. Ut nihil dicam

D 2 quæ

(t) lib. 23. quæst. Pap. in l. 44. §. 3. de
usucap.

52 DE JURIS CONSULTO
quæ scribit de Budæo , Alciato , Conna-
no , Corasio , Hotomano , aliisque . At e-
contrario gestit magnis laudibus extolle-
re ignobiles sane juris professores , ut Ar-
noldum Ferrerium , Emarum Raconnet-
tum : ut scilicet quo magis infimos ex-
tolleret , eo magis suos æmulos , eorum-
que Magistros deprimeret : qua eâdem ra-
tione summo in honore Græci Interpre-
tes apud Cujacium habentur , eorumque
aauthoritate passim utitur . Et mirum for-
taſſe videri poterit , cur Cujacius , qui
aliorum ſententias perpendit exactissime ,
Græcorum Interpretum placitis statim
acquiescat , & in eorum ſententias pedi-
bus (ut ita dicam) libenter ire soleat ; un-
de non uno in loco , etſi ſuppreſſo nomi-
ne a Donello reprehenditur , qui e diver-
ſo fatetur nihil ſibi magis ſuſpectum eſ-
ſe , quam Græcorum authoritatem , eou-
que juris imperitiflmos existimat , & de
Hermenopulo präſertim ſic ait (u) : *Sed*
opponitur nobis authoritas Harmenopu-
li ; gravis ſcilicet author Harmenopulus ,
& dignus , cujus audiendi cauſa vadi-
monium deferatur ; credo quia Græcus
eſt ,

(u) in tit. Digest. de präſcr. verbis
cap. 22.

est, & aliena lingua, non latina utitur. At vide quam a plerisque, qui istum nobis obtrudunt dissentiam. Ego si quid verum babere credam, continuo mibi suspectum fiat, si idem ab Harmenopulo possum videt. de quo homine non neesse babeo dicere quod sentio, & quod homines eruditissimi, cum parcissime loqui volunt, de eo dicere solent, hominem peregrinum fuisse, & in jure Romano non satis exercitatum, saepe etiam rudem videri. Tantum dicam, quod hujus luci proprium est, vel hunc unum locum, & interpretationem Harmenopuli de actione praescriptis verbis abunde sufficere, ut probetur isti homini non tam peritiam iuris Romani, quam judicium, & linguæ Romanae etiam mediocrem cognitionem defuisse. Cui sententiae Donelli suffragantur haec eruditissimi viri Jacobi Gothofredi verba (x), qui rectum profert judicium sine ullo partium studio de Græcis Interpretibus. Illud studiosos iuris monere opera pretium puto, band vim eisdem Græcorum Interpretum au-

(x) apud Struvium in històr. Jur. Graci.

thoritatem esse, & inter alia quidem ad stabiliendam sepe veram legis lectionem, atque in componendis inter se juris textibus, siue facili Jurisprudentia indicanda: non tantum tamen haberi oportere, ut in explorando genuino legum Romanarum, qui controversus esse potest, sensu, horum sententiæ protinus, seu àuctoritatibus, & auctoritatibus adhærescendum putemus. Nam ut Jurisprudentiæ Romanae dignitas omnis ipsorum ævo jam cœderat, certe nō illi hodie esse possunt quos hac parte arbitros unos tuto adeas, quoque pro fundo, seu fundamento in hujusmodi dubiis questionibus habeas; quando & Imperii Romani veteris illius neque vola jam, neque vestigium ferme eo tempore amplius extabat, verborumque ad jus pertinentium significationem exploratam ipsi non semper babuere, imo vim sermonis latini ne assequerentur quidem sepe, absque quo tamen nemo unquam genuinum legum sensum assequi se posse sperat.

Sed ut e diverticulo in viam redeamus, ex iis, quæ hactenus dicta sunt, perspicuum est in libris juris ordinem, ac methodum defiderari: at non eo consilio hæc a me dicuntur, ut Justinianum, aut Tribonianum, aliosve Compositores reprehendam; Si-

qui-

quidē in legibus, ut recte inquit Verulamius, non tam stylus, & descriptio, quam authoritas spectanda est, alias videri possit hujusmodi opus scholasticum potius quidam, & methodus, quam corpus legum imperantium: hoc enim tantum dico, multum laboris, & incommodi, & confusionis futurum adolescentibus, si jus Romanorum eodem, ac in ejus libris extat, ordine addiscere velint; nam præterquamquod res inibi minus recte collatae sunt, aliquando in unius capituli explicatione opus est, ut & alia multa ex aliis partibus nota sint, aliter in magna rerum confusione semper versabuntur; quod utique a juris authoribus præstari nullo modo potuit; satis est enim, si jura ab ipsis nobis data sint, utpote quibus ex publica autoritate id datum fuit: & elegantissime ad rem ait Donellus (y) *A Principibus est authoritas juris, a patribus, & intelligentibus via, & recta ratio docendi.* Quapropter hac in re id a nobis modo queritur, ut studiosi adolescentes ab iis Doctoribus juris cognitionem adsequi studeant, a quibus jus Romanorum ita interpretatum, explica-

56. DE JURIS CONSULTO
cumque sit, ut simul artificiose conge-
stum, & in sua genera sit distributum, ex
quibus singulæ species recte intelligan-
tur, sicque non tam juris peritiam, quam
artem, & ad discendum accommodatam
præferant.

At cum tot, tantique Scriptores juris
extiterint, videamus quæso, quinam fue-
rint ii, quibus juris ad artem revocandi
cura fuit. Et primo eos, qui Paratitla,
vel ipso Justiniano connivente ad jus ci-
vile scripserunt, perspicuum est nihil
quidquam de juris arte cogitasse; nam, si
verum est, quod a quibusdam traditur,
(^z) Paratitla nihil aliud sunt, quam re-
pletiones titulorum, idest indices legum,
quæ ex cœteris titulis ad titulum, de quo
tractatur, subtiliter revocari possunt;
qua in re mira fuit Azonis, & Accursii
præsertim industria; hi enim in legibus
explicandis magnam operam posuerunt,
ut quod ad intelligentiam alicujus tituli,
alicujus legis faceret, ex aliis partibus il-
luc transferrent: & quamvis fuerit res-
ista magni laboris, & alicujus etiam uti-
lita-

(^z) vid. Struvium in hist. Juris Justi-
niane §. 4.

litatis, quisque tamen facile sentit, hanc rationem juris tractandi magis, magisque jus confusum permiscere, tantum abest, ut in ea juris artem requiras; quapropter non est magnopere laborandum, ut probemus, in Paratitlis nullam artem juris, nullam methodum ad discendum accommodatam reperiri: & quamvis Johannes Brant, Cujacius, Wesselbecius alio consilio Paratitla scripsierunt, nempe ut summam totius tituli breviter comprehenderent, nihilominus eorum industriae non facile juris studiosus acquiescit, cum adhuc ei multa cognoscenda sunt, ex quibus singulorum capitum explicatio petatur; ut nihil dicam de ordine, ac methodo, in qua non minus quam ipsi Compositores peccarunt.

Quid dicemus de eo juris tredendi generi, quod placuit iis, qui ex Bartoli schola profecti sunt? Et quidem hi reliquis Paratitlis, sive annotationibus, hanc rationem juris interpretandi amplexi sunt, ut primo explicarent textum, & quidem breviter, & præterea glossam longe copiosius (in valuerat enim apud eos hæc præjudicata opinio, ut eadem glossæ, ac legibus tribueretur authoritas) unde nata est apud illos duplex inter-

pre-

38 DE JURISCONSULTO
pretatio, una, ut ipsi dicunt, textualis,
altera cum apparatu (^a). Verum quae
nam sit utilitas, quæ ex hujusmodi
Doctorum scriptis percipi possit, & num
eorum interpretandi genus novorum In-
terpretum industria præstantius sit, an
secus, dicemus opportunius libro pôste-
riore: nunc quod attinet ad rationem ju-
ris docendi Marci Antonii Mureti (^b),
qui marito Jurisconsultorum eloquentis-
simus dici potest, de iis judicium huc
transcribam, nec fortassis a veritate alien-
num: *Exstat præclara sententia apud
Xenophontem in Oeconomico, nihil es-
se aut pulchrius, aut ad usum commo-
dius, quam ordinem: nihil contra, aut
adspicere fædius, ac deformius, aut
quod plura omnibus rebus incommoda
adferat, quam confusionem, ac pertarba-
tionem. At nostri illi cum dialecticen, aut
non didicissent, aut ita didicissent,
ut non didicisse præstaret, quibus quofo-
modis omnia miscuerant? qualem nobis
cujusque generis præceptorum ferragi-
zem*

(^a) vid. Gypbanium in præfat. sive
Codicis.

(^b) in orat. de Doctoris officio.

nam deliquerunt? Ut si quis rusticum
hordeum, triticum, viciam, leguminosam
in unum acervum conferat, non illius
acervum horum commentariis existimet
perturbatiorem fore. Mibz quidem cum
in eos inspicio, saepissime Ovidiana illa
de Chao in mentem veniunt

Quaque erat & tellus, illic, & pontus
& aer

Non aliter enim apud hos, ubi v. g.
de auctoritate Magistratum agitur, di-
cetur utiam aliquid de testamentis, &
ubi de emptione, & venditione disseri-
tur, aliquid de pœnis, aut de auctori-
tate tutorum inseritur: nibil est denique
quod certam sedem, ac domicilium ba-
beat; nibil quod non alienissimo æque fa-
cile, ac suo loco pertractatum reperiatur.
Inde illæ crebræ ex uno in aliud locum
rejectiones, cum te quid hic agendum, ac
tractandum erat, id jubent ex alio peten-
re, in quo tale quidquam agi, nunquam,
nisi admonitus, divinare potuisses. Pro-
fus, ut si quis paterfamilias vestem non
in vestiario, sed in arca panaria conderet,
panem ex pane bauriret, pisces in nemo-
re, lepores in piscina inclusos haberet. At-
que hoc sunt etiæ qui eos de industria fe-
cisse dicant, ut artem juris obscurioriem,

ac

60 DE JURIS CONSUTO
et difficiliorem cognitu redderent; & ad
osteros labores illum quoque adderent,
quo excarnificarent discentium ingenia
per volutandi saepe illas ingentes libru-
rum moles, & omnia alieno loco potius
quærendi, quam suo. Hactenus Mure-
tus. Accedit & illud incommodum, quod
eiusmodi juris Doctores cum per minu-
tissimas factorum quæstiones jus nostrum
explicare conati sint (quod nihil aliud
est, quam omnem civilem scientiæ ad me-
moriæ exercitationem revocare) evenit,
ut adolescentes post multas vigilias, &
labores cum certa juris principia non te-
neant ulla, vix, ac ne vix quidem ali-
quid in jure civili se profecisse sentient:
quapropter merito eorum institutum im-
probat Duarenus (c), qui in veterum
interpretum commentariis omnem æta-
tem terunt, ut inde singulorum negotio-
rum cognitionem hauriant; ei profecto
non absimiles (inquit vir consultissimus)
cujus meminit Lucianus, qui in mariis
littore sedens, conabatur singulas undas
per numerare, donec undas undis truden-
tibus obrueretur, animoque angeretur,
quod eas numero complecti non posset.

No-

(c) in epist. de ratione discendi juris.

Novi vero, siue politiores Interpretes non omnes unam, eandemque in iure tradendo viam ingressi sunt: nam (ut mittamus eos, qui flores potius, quam fructus attulerunt ad Jurisprudentiam illustrandam, ut Budæum, Briffonium, Petrum Fabrum, aliosque complures) ex his quidam speciales tractatus scripsrunt, quidam difficiliora capita librorum juris explicarunt, quidam denique veteres sequuti singulorum capitum explicationem tradiderunt. Sed si verum amamus, dicendum est, hos omnes aut parum, aut nihil de juris arte cogitasse, qua facilius adolescentes ad Jurisprudentiam manuducerent; quapropter aut frustra, aut non sine multo labore ab id genus Doctoribus juris cognitionem accipiet cupida legum juventus. Proprium vero, & peculiare Balduini, & Cujacii juris tradendi genus, ut ejusdem Imperatoris constitutiones, aut ejusdem Juris consulti per varios titulos dispertita fragmenta, nempe Africani quæstiones, Scævolæ, Papiniani, Modestini responsa, simul, eodemque ordine explicarent, et si ad ipsorum Juris authorum eruendas sententias non minimæ utilitatis est, ut sequenti libro dicetur pluribus, tamen juris

62 DE JURISCONSULTO
juris cognitionem obscuriorem reddit: si quidem s̄epissime accidit, ut ejusdem Jurisconsulti ex eodem libro plura extent capita, quorum alia de testamentis, alia de judiciis, alia de rebus creditis agunt; quod nihil aliud est, quam jus confusum magis, magisque permiscere.

Quidam vero ex hujusmodi novis Interpretibus methodo, ac via ad jus tradendum usi sunt, ut Connarus, Hopperus, Duarenus, Donellus, aliquie. Sed priusquam inspiciamus, quisnam sedulo huic rei operam dederit, necessarium est, ut dicamus, an jus civile, quo utimur, ad methodum redigi possit, & in quo potissimum hæc methodus consistat. Non desunt qui existimant, inanem operam ab iis sumi, qui jus nostrum conentur ad certum ordinem redigere, cum ea, quibus componitur, incerta sint, & longe inter se dissita, quæque aut nunquam, aut raro ex uno, eodemque principio procedant, unde de iis certa non sit cognitio: & qui huic rei incumbit, dignum videri hac reprehensione apud Terent. in Eun.

.... *Incerta hæc si tu postules*
Ratione certa facere, nibilo plus agas,
Quam si des operam, ut cum ratione
insanias.

Et

Et ne huic sententiæ authoritas desit, hoc ipsum sentire videntur duo doctissimi Jurisconsulti Hotomanus, & Grotius; ille in libro, cui titulus *Antitribonianus*, stultos appellat eos, qui jus Tribonianum in artem redigere student; hic vero in egregio opere *de jure belli, ac pacis* sic ait: *Artis formam (Jurisprudentiæ) imponere multi antehac destinarunt : perfectum nemo: neque vero fieri potest, nisi quod non satis cautum est hactenus , ea quæ ex constituto veniunt, a naturalibus recte separentur; nam naturalia, cum semper eadem sint, facile possunt in artem colligi: illa autem, quæ ex constituto veniunt, cum & mutentur sape, & alibi alia sint, extra artem posita sunt, ut aliæ rerum singularium perceptiones.*

Fateor, hæc aliquatenus vera esse, sed non ideo ad aliquam artem jus civile redigi nequit: nam etsi ea, quæ sunt ex iure Romano, aliquando mutationem accepterunt, tamen in præsenti certa sunt, prout extant in libris nostris; & certa non minus, ac facilis de iis perceptio esse potest, si ad aliquam artem revocentur. Et quod ait doctissimus Grotius, ea quæ veniunt ex constituto, cum sape mutentur, nec ubique eadem sunt, extra ar-

tem

tem posita esse , facilius aptaverim ad Principum placita , quam ad prudentum Responfa , quæ utpote per sapientissimos viros e fontibus juris naturalis eruta , facile ad artem redigi possunt , cum ut plurimum ex iisdem principiis profici- scantur . Et quamvis demus aliquo modo incerta esse ea , atque inter se dissinta , quæ habentur in Corpore Roma- ni juris , tamen in hoc versabitur opera ejus , qui jus ad artem redigere velit , ut quoad possit , ad certa principia illud re- vocetur : & ne pluribus morer , videtur mihi ars juris hoc modo tradi cōmodissi- me , ut prius , constituto totius juris fine legitimo , universalis quædam imago ejusdem quodammodo adumbretur , tum deinde in summas partes dividatur , & ad summa genera revocetur , ex quibus postmodum singulæ species , prout in li- bris juris leguntur , recte interpretentur , atque explicitur ordine suo , simulque tradantur , quæ ex iis sunt consequentia . Et ne quis putet tota hæc juris methodus a me configi , utamur testimonio Juris- consultorum eloquentissimi M. Cicero- nis , qui *lib. II. de Orat.* sub persona Cras- si hæc habet : *Sit ergo in jure civili finis hic , legitimæ , atque usitatæ in rebus , cau-*

cunctisque civium aequalitatis conservatio.
Tum sunt notanda genera, & ad certum
numerum, paucitatemque revocanda; Ge-
nus autem id est, quod sui similes com-
munionem quadam, specie autem differen-
tes, duas, aut plures complectatur partes.
Partes autem sunt, quae generibus iis,
ex quibus emanant, subjiciuntur, omnia-
que, quae sunt vel generum, vel partium
nomina definitionibus, quam vim habeant
est exprimendum. Si enim aut mibi face-
re licuerit, quod jamdiu cogito, aut aliis
quispiam, aut me impedito oceupaverit,
aut mortuo effecerit, ut primum jus ci-
vile in genera digerat, quae per pauca
sunt, deinde eorum generum, quasi que-
dam membra dispertiat, tum propriam
cujusque vim definitione declaret, perfe-
ctam artem jaris habebitis magis ma-
gnam, atque uberem, quam difficultem,
& obscuram. His elegantissimis verbis
ostendit Cicero quænam recta traden-
di juris sit ratio. Et certe hoc modo mi-
xum quantum juris nostri facilis futura
erit cognitio adolescentibus, quorum
animus non tanquam in incertis sedibus
vagetur in singulis speciesbus cognoscen-
dis, sed cum totius juris certa gene-
ra teneat, & species, quæ ex eis profi-

66 DE JURISCONSULTO
ciscuntur, recte intelliget, explicabitque.
Et quidem ita sentio, et si jus nostrum in
tot capita, & leges, ut vulgo dicimus,
dispertitum sit, tamen si ea ad sua gene-
ra revocentur, reperiemus eadem repeti-
ta saepius, quae ex uno principio, veluti
ex fonte, emanant: qua in re mira adparet
Compositorum oscitantia; nam cum ea-
dem elata primum a pluribus Juriscon-
sultis, deinde paucis commutatis verbis
etiam ab iisdem, atque aliis scripta sint
saepius, ipsi non uno in loco sine rerum
delectu eadem repetita nobis obtrudunt;
in quibus tamen explicandis mirum in
modum aliquando vulgares torqueri vi-
deas Interpretes, cum ad propria genera
ea non revocent. Hujus rei & ipsem
Cicero exemplum nobis proponit de ju-
re Pontificio in *libris de legibus*. Aper-
tissima sunt (inquit) istis de rebus, &
responsa, & scripta multa, & ego in hoc
omni sermone nostro quod ad cumque le-
gis genus me disputatio nostra deduxerit,
tractabo, quoad potero, ejus ipsius gene-
ris jus civile nostrum, sed ita locus ut
ipse notus sit, ex quo ducatur quaque
res, & ars juris, ut non difficile sit quæ-
cumque nova causa, consultatiove inci-
derit ejus tenere jus, cum scias, a quo sit

CD-

capite repetendum. Sed Jurisconsulti, sive erroris objiciendi causa, quo plura, & difficiliora scire videantur, sive quod similius veri est ignoratione docendi (nam non solum scire aliquid artis est, sed quædam ars etiam docendi) saepe quod positum est in una cognitione id in infinita dissipertuntur. Et paulo post: De sacris autem, qui locus patet latius, hæc sit una sententia, ut conserventur, & deinceps familiis prodantur, & ut in lege posui, perpetua sint sacra. Hoc posito, hac jura Pontificum auctoritate consequuta sunt, ut ne morte Patris familias sacrorum memoria occideret, iis essent ea adjuncta, ad quos ejusdem morte pecunia veniat, hoc uno posito, quod est ad cognitionem disciplinæ satis, innumerabilia nascuntur, quibus implentur Jurisconsultorum libri; queruntur enim qui adstriguntur sacris, hæredum causa justissima est; nulla est enim persona, quæ ad vicem ejus, qui e vita migravit, propius accedit. Sequitur deinde Cicero enumerare variarum specierum articulos, quibus ostendat omnia pendere ex uno illo, quod Pontifices pecuniam sacrī conjungi volunt. Et hæc quidem cum Doctorum complures vel ignorant, vel non animadverterent,

68 DE JURIS CONSULTO
effectum est, ut ex eorum industria ma-
jor juris cognitioni difficultas acceſſerit:
nam, præterquamquod de methodo in-
jure tradendo nulla ratio ab eis habita fit,
accedit & illud incommodum in illorum
commentariis legendis, quod utplusia
mum jus certum, quod nempe expreſſo
in libris juris extat, non distinguatur
jus controverſo; omnia enim ab ipsis
ponuntur non in modum tractatus, sed
tanquam quæſtiones; & ſepiſſime vide-
mus e diverſo quosdam magna libertate
jus controverſum pro certo nobis obtra-
dere, & quædam ex libris juris citare ca-
pita, quibus & alii ad contrarium pro-
bandum utuntur; quod mirum quan-
tum confuſionis, & difficultatis jus di-
ſcentibus affert. Et hinc quæſtionum ſe-
ges in juris facultate ortum habuit. Ex
certe ſumma nobis diligentia adhiben-
da est in quæſtionibus juris movendis, ne
quæſtionem ibi ponamus ubi non eſt, &
ne sine ulla necessitate quæſtiones quæ-
ſtionibus implieemus, quod prudenter
nos monet Cujacius (d): Opartet (inquit)
sem-

(d) In tit. Cod. quando non petent.
partes petentibus accrescant.

semper explorare quas proponimus quæstiones, & etiam, atque etiam videre quemadmodum simus eas exposituri, ne de eadem his mutatis verbis inquiramus frustra; & elegantissime Aristoteles non minus esse difficile proponere quæstionem aliquam, quam expedire, & perstringere, aut respondere verum, & æquum. Hoc quoque vitio laborant quorundam scripta, ut exquisitis rationibus confirmare studeant ea, quæ natura ipsa omnibus patent, ita ut disputando evadant difficultia; hæc enim satis est admonere. Et nihil in speciem magis, atque magis jus nostrum perturbat, & perceptu pene impossibile reddit, quam in ejus interpretatione commentitias difficultates, & futile, frivolasque quæstiones apponere, ut a quibusdam male feriatis ingeniosis factum est, a quibus hæc juris disciplina mirum in modum est implicata. Quidam certe, ut omnia in controversiam vocent, vel minima occasione abrepta perspicuos authorum juris sensus ambiguos faciunt, & misere distorquent; qua in re primas certe Antonio Fabro (ingenioso quidem Jurisconsulto) deferre debemus, qui, ut libere dicam, jus nostrum aliquando turbat potius, quam explicat, præcipue in

70 DE JURIS CONSULTE
libris, quos de erroribus Pragmaticorum
inscripsit; ubi saepissime vel in tranquillo
tempestates ciere solet; nam (Deus bo-
ne!) in unius voculae explicatione quan-
tas lites, & quæstiones movet! At scite
inquit Paulus noster (e) *Non oportere*
jus civile calumniari, neque verba ca-
ptari, sed qua mente quid diceretur ani-
mad vertere convenire. Et quis unquam
sanus merito eos non reprehendat, qui
juris scientiam se tradere opinantur, cum
in aliorum sententiis confutandis ner-
vos prorsus omnes intendunt, ita ut ubi-
que perverso quodam contradicendi stu-
dio teneantur? His de rebus prudens sa-
ne proponamus consilium doctissimi Ve-
rulamii (f): *Sequitur* (inquit) aliud
methodi discrimen, magni & illud qui-
dem momenti, cum scilicet scientia tra-
duntur aut per assertiones adjectis proba-
tionibus, aut per quæstiones una cum de-
terminationibus. Hanc autem posterio-
rem methodum si immoderatus quis per-
sequatur, scientiarum profectui non mi-
nus illa officit, quam fortunis, & pro-
gres-

(e) 1. penult. D. ad exhibendum.

(f) de aug. sciemt. lib. 6. c. 2.

gressibus exercitus cuiuspiam impedimento, & damno foret, si in minutis quibusque castellis, aut oppidis expugnandis subinde hæreat: etenim si quis in acie sit superior, & summae belli sedulo incumbat, minora illa loca ultro se submittent. Illud tamen inficias non ierim, urbem aliquam magnam, & munitam a tergo relinquere, haudquaquam semper tutum esse: eodem modo confutationibus in scientiarum traditione temperandum, iisque parce utendum; & ad hoc tantum, ut majores præoccupationes animorum, & præjudicia frangantur, minime autem, ut leviores dubitationes excitentur, & provocentur. Ejus igitur, qui suis scriptis alios ad jus civile erudire velit, has proprie esse partes existimo, ut ipse juris sit peritissimus, & in libris nostris apprime versatus, ut artem juris ad discendum adcommodatam confidere valeat; nihil est enim, ut inquit Cicero (§), quod ad artem redigi possit, nisi ille prius, qui illa tenet, quorum artem instituere vult, habet illam scientiam, ut ex iis rebus, quorum ars nondum sit, artem confidere possit; & hoc modo recte intelligere, &

disponere quæ de jure tradita sunt ab ejus authoribus , eaque , utpote legibus expressa proponere , necnon etiam quæ ex iis sunt consequentia . Quo nomine Servius J. C. ab eodem Cicerone laudatur in libro de claris Oratoribus : Sic enim inquam , Brute existimo juris civilis magnum usum & apud Scævolam , & apud multos fuisse artem in hoc uno : quod nunquam effecisset ipsius juris scientia , nisi eam præterea didicisset artem , quæ doceret rem universam tribuere in partes , latentem explicare definiendo , obscuram explanare interpretando , ambiguam primum videre , deinde distinguere , postremo habere regulam , quæ vera , & falsa judicarentur , & quæ quibus propositis essent , quæque non essent consequentia &c. At (h)

Quis Deus hanc, Musæ , quis nobis extudit artem ?

Et primo quidem sese nobis offert Jo-

Corasius scripsit hannes Corasius , qui libellum scripsit de libello De jure civili in artem redigendo: verum ab jure civili in hujus libelli titulo dubio procul te de-
Artem redi- ceptum senties , si ad eum legendum ac-
cepisti. sed si cesseris ; siquidem Corasii labor in eo ver-
sa-
degeny decipiency

Ex tentacione autem à rebus (h) Virg. lib. 4. Georg.
exoptato titulo libelli .

satur, ut quædam adnotet de jure naturali, necnon de ratione legum interpretandarum; quapropter frustra conabitur quis ex hoc libro jus Romanum addiscere. Franciscus vero Connanus, vir sane doctus, ad jus civile certo ordine disponendum videtur primus serio accessisse, libos enim commentariorum composuit sane elegantissimos: nihilo tamen minus, et si ab eorum lectione non temere adolescentes revocaverim, tamen Connani opera non videtur omnibus numeris absoluta; nam in iis commentariis multa ad juris cognitionem desiderantur; nec non ea, quæ tradere conatus est haudquam plenissime est persecutus; ut nihil dicam de ordine rerum, in quo nec scio quid aliud desideretur. Verum injuria quidem Cujacius ait judicium corrumpere, & tempus perdere qui illud in commentariis Connani ponit; nam potius sic sentio, maximum comodum futurum jus addiscere volentibus, si in libris Connani tempus ponant. Amplioram sane operam amplexus est Joachimus Hopperus in libro, cui titulum fecit *Seduardus, sive de vera Jurisprudentia*, ubi miro quidem ingenio, & haudquaquam vulgari eruditione disputatio-

nem

*De Hopper
quid Seduan
tacor legas
quod.*

nem instituit de NOMOΘΕΣΙΑ , sive de *juris* , ac *legum condendarum scientia* , & de earundem interpretatione ; deinde de jure civili publico tractat , & postremo de jure civili privato . Sed hæc levi tan-
tum brachio attingit , nec usquequaque ordinis apparet sollicitus fuisse in dis-
ponendis iis , quæ sunt ex jure Romano ;
siquidem videtur vir doctissimus magis in libris Platonis versatus , quam in li-
bris Jurisconsultorum ; & ideo summa
quidem laude dignus erit qui Hopperi
librum diligenter evolvat , ubi quænam
esse debeant partes optimi Jurisconsulti ,
prospiciet : verum multa adhuc ei co-
gnoscenda sunt earum rerum , quas habe-
mus ex authoribus juris . Eadem mens
juris disponendi fuit & quamplurimis
Jurisconsultis tum veteribus , tum novis ,
ut Durando , qui *speculum juris* com-
posuit , Matheacio *de via juris* , Petro
Gregorio *syntagma juris universi* , Lorio-
to , Pacio , aliisque , qui artem quidem
juris , sed non perfectam ediderunt . Duo
tamen doctissimi Jurisconsulti ex magno
Interpretum numero seligendi mihi sunt
Duarenus , & Donellus , a quibus non
tam explicatum , interpretatumque est
jus civile , quam artificiose congestum ,
& ad

& ad artem redactum est. Verum etsi Duarenus ordinis ubique in jure tradendo se profiteatur studiosissimum, tamen vir doctus specialem tantum ordinem sequutus est, de generali vero totius compositionis methodo nihil nobis praestitit: ipse enim non uno in loco, & præcipue in libello de ratione discendi juris, fateatur ordinem tantum in singulis capitibus disponendis adhibendum esse in juris expositione, nec quidquam de titulorum ordine mutandum, & ideo in suis libris ab ordine Pandectarum non recessit, etsi singula capita cujusque tituli artificiose disposuit. Longe vero alia mens fuit ejus discipulo Hugoni Donello, qui cum in juris scientia Magistrum, cœterosque ætatis suæ Jurisconsultos (si Cujacum exceperis) longe superaverit, jus civile suis commentariis ita interpretari, & disponere conatus est, ut veram (ni fallor) juris artem nobis tradiderit: hic enim ad certa genera jus nostrum digessit, ut Crassus apud Ciceronem se facturum promisit, deinde eorum quasi quædam membra disperiit, tum propriam cujusque vim explicavit definiendo, eoque ordine ad singulas species, quæ in libris juris extant exponendas

exar-

exactissime devenit; quapropter in Donelli commentariis nihil ad perfectam juris disciplinam deesse existimo. Et quidem ea, quæ de Servio Cicero dicebat, licet in hi hic usurpare: juris quidem civilis scientiam, & cognitionem, & apud Cujacium, & apud multos fuisse, artem in uno Donello. Nec audiendi sunt qui de tanto Jurisconsulto aliter sentiunt; hoc enim særissime accidit, ut quidam de scriptoribus temere judicium ferant cum eorum scripta omnino non legerint; unde evenit, ut de uno eodemque auctore oppositæ proferantur sententiæ. Et quidem Struvius dum loquitur de quibusdam Jurisconsultis, qui ad ordinem jus civile redigere studuerunt, & de Hugone Donello sic ait (ⁱ): *in his tamen desiderari sœpe solet nervus, & acumen.* At e diverlo Vincentius Gravina de eodem hæc habet (¹): *Commentarius juris civilis reliquit uberrimos, & acutissimos, quibus Jurisprudentiam in commodiorem ordinem redigere studuit.* Utri igitur fides præstanta est? desideratu-

(ⁱ) cap. 5. §. 18.

(¹) *de orig. juris in vita Donelli.*

E R B I T

turne aetamen in Donello , an ejus commentarii sunt acutissimi ? Mihi certe ita videtur , in libris Donelli veram Romanii juris cognitionem , & perfectam ejusdem feientiam inesse , qualis omnino necessaria est in eo , qui recta via , atque optima methodo velit ignaros ad Jurisprudentialam perducere , nec quidquam in iis de considerari quod ad Jurisconsulti munus pertineat . Et quamvis vir Jurisconsultissimus morte preventus suum opus perficere non potuerit , tamen extitit ex ejus schola praeclarri nominis Jurisconsultus Scipio Gentilis , qui prostremos commentariorum libros supplevit ex aliis eisdem Donelli scriptis , & non semel quædam de suo adjecit ; unde mirum non est , si aliquando in iis libris Cujacii citetur testimonium , ex interpolatione nempe Gentilis ; cum tantum abeat , ut Donellus proprias sententias Cujacio ferat acceptas , ut ubique , et si suppresso nomine , Cujacium impugnet . Verbosus quidem Donellus est , sed hoc vel ex rerum ubertate procedit , vel ex ipso ordine , qui saepius eum cogit alias repetita proponeare ; quapropter Osvaldus Hilligerus instituit Donelli commentarios contrahere , sive , ut ipse loquitur , enucleare , & notis illuc

78 DE JURIS CONSULTO
illustrare , quibus certe præclarissimus
author miram industriam ostendit in
pervolutandis cujuscumque generis Scri-
ptorum libris , & in feligendis iis , quæ
optima sunt , & ad juris faciunt cogni-
tionem : verum Hilligerus ob varieta-
tem rerum minus aptus videtur adole-
scendum ingenis . Hilligerum imitatus
est Arnoldus Vinnius , qui etiam con-
trahere conatus est commentarios Do-
nelli in libro , cui dedit titulum : *Parti-
tiones juris* .

Priusquam hinc abeamus , videamus
non abs re est quid sit regula juris ; &
num per regulas recte possit jus tradi . &
commodè addisci , ut quibusdam placet .
Omnes ii , qui methodo adhibita jus doce-
re voluerunt , præter generalem disposi-
tionem , in singulis partibus exponendis
ita versantur , ut singulas species expli-
cent , singula capita prout extant in li-
bris juris ; & quo facilior sit cognitio , ex
iis certas definitiones , certas regulas con-
ficiunt , non quidem generales , sed quæ
ex speciebus propositis proficiscantur ;
hoc enim proprie est regulam juris com-
ponere , quæ officium suum habet in ea
juris parte , ex qua profecta est : idque
nos Plautius J. G. apud Paulum in l. i. de
reg.

reg. jur. docere voluit, cum ait: *Regula est, qua rem, quæ est (jure recepta) breviter narrat: Non ex regula ius sumatur, sed ex jure, quod est, regula fiat.* Si enim velimus ex regula ius sumere, magno in errore versabimur, nam sæpiissime eam falsam invniemus, praeterquam in iis partibus, unde desumpta est: quapropter Paulus explicans Plauti verba ait: *Per regulam igitur brevis rerum narratio traditur, & ut ait Sabinus quasi causa conjectio est.* Causæ vero conjectio (explicat Gothofredus) veteribus Oratoribus dicebatur argumentum breve, seu brevis quadā narratio; διήγησις, narācāoīs qua Oratores, & litigantes cum ad Judicem ventum erat, ante quam causa penitus ageretur, rem quasi per indicem Judicii exponebant, & causam in breve cogebant, confabebant, imaginem denique juris exponebant, narrabantque.

Ex hac igitur definitione satis adaptaret, regulas apud nostros eas dici, quæ ex aliquo recepto jure conflatæ sint, quapropter non temere iis in qualibet specie uti possumus; & id satis Paulus monet postremis illis verbis: *qua simul cum in aliquo visitata est, perdit officium suum;* hoc enim sentit Consultus non posse recte

Et nos uti regula in alia juris parte, præterquam in ea, ex qua profecta est, si quidem ubi vitiatur, hoc est ubi aliqui speciei aptari non posse videatur, dicendum est, eam officium suum amississe, ad eamque speciem regulam non pertinere; unde mirum in modum errare videmus Interpretes in explicatione tituli Digestorum *de diversis regulis juris antiqui*, ibi enim cum quamplurimæ ejus generis regulæ a Compositoribus apposita sint, quæ ex recepto jure a Prudentibus confectæ erant, ab eis ita sunt acceptæ, ut tanquam universalia quædam præcepta explicarentur, & nimia diligentia quærerent ubi locum non habarent, seu quærerent earum exceptiones, & limitationes. Longe vero aliter doctissimis viris visum est, & præsertim Jacobo Gothofredo, qui id nobis in explicatione ejus tituli præstiterunt, ut singulas regulas suis speciebus aptarent, eoque modo recte intelligerentur; si enim ita eas accipere velimus, ut in singulis controversiis locum habeant, aliquando inveniemus, ut Paulus loquitur, *perdere officium suum*. Hoc exemplo rem magis, magisque aperiamus: in l. 133. de regulis juris hæc regula proponitur: *Melior conditio*

nostra per servos fieri potest , deterior fieri non potest ; si indistincte hac regula uti velimus , aliquando eam vitiari necesse est , siquidem constat posse servos domini conditionem deteriorem facere , si furtum fecerint , aut bona rapuerint , aut damnum dederint , aut injuriam intulerint ; his enim casibus actiones noxales proditæ sunt , quibus ex facto servi dominus condemnatur aut litis aestimationem ferre , aut ipsum hominem noxae dedere . Non igitur ex hac regula jus nobis sumendum est , sed eam ad interrogations in jure faciendas referre debamus , sic enim regula vera est , in iis quidem nullo modo per servos dominorum conditio deterior fieri potest.

Sed non eo sensu hæc a me dicuntur , ut non admiserim aliquando posse regulas juris , quæ ex aliqua specie confessæ sunt , & ad alias similes aptari , modo id caute fiat , quando scilicet juris ratio non adversatur : hujus rei exempla passim occurunt in libris nostris , sæpe enim Prudentes utuntur regulis juris in iis speciebus , quas tractant : sit exempli loco quod habemus ex Labeone in *l. penult. Depositis* , ubi cum hæc species proponantur : *servus tuus pecuniam cum Titio in*

82 DE JURIS CONSUTO
sequestro depositus apud Mævium ex con-
ditione , ut tibi redderetur , si tuam
esse probasses , putat Consultus posse te
incerti agere , id est ad exhibendum , &
exhibitam (pecuniam) vindicare ; & uti-
tur ad suā sententiā confirmandam ~~secundum~~
juris supra a nobis ex Paulo propositam
quia servus tuum jus derelictus facere
non potuit . Quapropter scite Cujae
cius nos docet in *questionibus Papie-*
nianis semper ad regulam juxta plura
exempla aptari posse , alioqui non esset
regula . Et alibi in *tractatu secundo ad*
Africanum Doctorum catholica , id est
universalia effata improbat , que male
concipiuntur , nec pro regulis juris sunt
habenda ; *regula enim juris non est* , in-
quit , *si quæ plerumque , id est frequen-*
tissime vera est , nulla est semper vera
Eadem ratione Duarenus non probabat
summas , quæ in legibus a Bartolo , aliis
que sunt confectæ , ut refert Ruffardus
in editione suarum Pandectarum . Et ideo
non temere confidere debemus regulas
juris , nec temere receptis regulis uti ; quo
sensu a Javoleno (m) dictum est omnis de-
fini-

(m) l.202.de reg.jur.

finitio (idest regula , non enim sensit J.C. de logica definitione , ut ineptiunt vulgares Doctores) in jure periculosa , parum est enim , ut non subverti possit . Quamobrem regulas confidere , & explicare , & suis aptare speciebus ejus proprium est , qui in jure valde sit versatus ; & prudenter hac de causa Papinianum laudat Cujacius (n) quia nullus est J.C. , inquit , qui tot regulas juris nobis conferat , quam Papinianus , quod summæ illius sapientiae fuit , est enim periti in promptu habere regulas , & definitio- nes rerum , & nominum . Ex his facile est conjicere male adolescentibus consulere eos qui illis mandant , ut simul cum In- stitutionibus addiscant titulum de regu- lis juris , qui nunquam recte nisi a perito intelligitur ; & miror sane huic sententiae Gothofredum accedere . Quare sic ait Cu- jacius in l.i.D.de leg: ut non plane a pri- mordio sit statim studioso juris præpostere danda operareguli , quæ & desiderant eruditissimum interpretem . Hæc omnia si vera sunt , dicendum est recte eos facere , qui jus civile eo modo tradunt , ut expli-

F 2 ca-

(n) lib.2.quæst. Pap. in l.38.de pœt.

84 **D E J U R I S C O N S U L T O**
catis singulis partibus juris, conficiant
ex iis certas definitiones, certas regulas,
quæ facilem reddunt juris cognitionem, &
per eas ad certas notiones jus per tota
capita, & titulos dispersum revocatur. Hoc
quidem præstare conatus est Antonius
Faber in *Jurisprudentia Papiniana et Scientia*, sed infelici successu, nam tem-
pus ei ad institutum opus perficiendum
defuit; & natura regularum, & defini-
tionum juris abusus est, siquidem ex de-
finitionibus jus sumpsit, non ex jure,
quod est receptum, regulas composuit.

Et hoc judicium nostrum est in jure
privato addiscendo: cognitio autem juris
publici recte, nisi fallor, ab Hoppero pe-
ti potest, qui hanc partem ordine suo
tractat; quamvis non desunt & alii,
qui de eodem scripserunt. Huc perti-
net elegantissimus Hugonis Grotii tra-
tatus de *jure belli, ac pacis*. Post cogni-
tionem vero Romani juris addiscendum
est & jus municipale, cuius studium
facillimum erit, & brevi tempore
potest absolvī, ubi jus Romanorum re-
cte noscatur; ex hoc enim uberrimo
Justitiae, æquitatisque fonte illud e-
manavit. Verum nescio quo fato ac-
ciderit, ut cum tot extiterint scripto-
ges,

res, quibus placuit jus Regni nostri exponere, nemo inventus fit, qui ad aliquem ordinem illud redigere studuerit, unde facilis esset studiofis ejus cognitio, & præcipue quo nosci possit, quibus in partibus jus nostrum a jure Romano discrepet, & illud abroget; quod utique apud Germanos præfittisse multos apud Struvium legimus.



86 DE JURISCONSULTO
LIBER SECUNDUS.



Ulemadmodum Romanarum legum cognitio acquireretur, & quænam essent illarum certa principia, & regulæ fatis premonstratum arbitror libro superiore. Se-

quitur, ut propositæ divisionis partem alteram persequar, quæ pertinet ad rationem juris interpretandi; de qua dicere aggrediar, si pauca prius de instituto, ac judicio meo dixero. Quanquam enim hæc, quæ a me literis demandantur complures studiosos ad rectam juris viam capessendam excitaverint, ramen interdum vereor, ne quibusdam nostrum hoc opus inani cura suscepimus videatur, mirenturque tantum me laboris ponere in re aut omnino, aut magna ex parte inutili; siquidem etsi ad perfectam juris Romani cognitionem instituamus adolescentes, tamen in foro, & in causis agendis rudes adhuc eos esse necesse est, nisi vulgaribus vestigiis inhærentes forensipm rerum scriptores diligentí cura evolvant; nam primum certum est, idque & experientia nos

nos docet ex variis causarum, factorumque circumstantis jus varie dicendum esse, quod cum non possit peti ex Romanis legibus, utpote que de singulis quibusque controversiis scribi non potuerint, omnino illorum libri adeundi sint, in quibus ut plurimum ex factorum species, que passim occurruunt, vel illi similes, aut ex fori disputatione, aut ex perpetua Doctorum interpretatione ad certum jus redacta inveniuntur: deinde, quod & magis nos movere debet, certum etiam est, Romanæ Republicæ constitutionem, atque formam diversam olim fuisse ab ea, qua posteriori ætate civitates nostræ composite sunt; unde cum novis ex orientibus negotiis nova iuris ortum habuerint, etiam nova quadam methodo & ipsæ Romanæ leges, & novum jus ad fori usum est aptatum, cuius cognitio nisi a forensibus scriptoribus aliunde nequicquam quæsiveris. Quapropter rectius ille videtur juris studiosis consulere, qui eos qualique Romani juris cognitione instructos statim ad res forenses perducit, in quibus agendis earundem solertiam nanciscantur. His ferme vocibus oppressi sumus non modo opinione vulgi, verum etiam hominum

88. **D E J U R I S C O N S U L T O**
leviter eruditorum, quibus ne forte fru-
stra progrediamur longius, hic satisfa-
ciendum puto.

Infinitas propemodum esse species fa-
torum, & varie jus dicendum ex variis
circumstantiis, nec legum verba huic
incommodo satis occurrere certissimū est:
sed quo tandem pacto huic mālo forenses
scriptores remedium quæsiverunt? scrip-
serunt scilicet illi de multis, variisque
speciebus, & articulis, qui vel in foro,
vel in disputationibus incidebant; at
quæro, si de omnibus scripserunt, nullæ
quæstiones amplius in foro agitarentur,
cum satis expressæ in eorum libris inve-
niantur: sed statim occurritur mihi, nam
omnes quæstiones, omnes species, omnia
facta scriptis comprehendi omnino im-
possibile est, cum hæc varientur ex qua-
libet vel minima circumstantia: vanæ
igitur, atque inutilis istorum fuit indu-
stria, cum adhuc eodem res laboret incom-
modo, siquidem adhuc possunt species
occurrege, quæ juris hominem consul-
tum desiderent ad eas interpretandas se-
cundum regulas juris. Dicet fortasse
quispiam, hi scriptores id minus præsti-
terunt, ut suis libris celebriores comple-
terentur quæstiones, quæque facilius
pos-

possent accidere , unde eorum lectio non minus utilis est, quam necessaria . Et hoc quidem non invitus concederim , sed non ideo efficitur jus Romanum diligentia curia addiscendum non esse , nam ad hoc, ut recte illorū sententiæ dijudicentur, hujus cognitio necessaria est , cum ex Romani juris regulis sint excogitatæ; quandoquidem certum est non tantum scriptorum authoritati nos tribuere debere , ut sine legibus eis credamus ; & utinam id genus scriptores semper vera dicerent : memorare possem quoties illi falsas opiniones ex ignoratione Romani juris tutatis sint , ni ea res longius nos ab incæpto traheret . Deinde illud nobis animadvertendum est , cum difficillimum sit similes omnino species reperiri , ita ut quod de una dictum sit, id ipsum recte dicatur de altera, necesse est omnino, ut jus optimo noscatur , ne ad receptas in foro sententias species longe inter se dissitas aptemus, quod nō potest caveri, nisi ab eo, qui summam juris Romani peritiā naclus sit.

Restat ut iis respondeamus , qui jus Romanum magna ex parte apud nostros exolevisse opponunt , & novum jus receptum esse , & novam methodum forem sem in causis agendis . Et quidem dicere

bis

90 DE JURIS CONSULTO
hic possem leges novas pauciores esse,
quam vulgo creditur, cum s̄epissime ac-
cidat, ut ex ignoratione antiqui juris iis
de rebus novæ leges ferantur, quæ ipso
antiquo jure erant comprehensæ; hoc
Macrobius animadvertisit, sic enim loqui-
tur de lege Licinia (°) *Lex vero hæc*
paucis mutatis in plerisque cum Fannia
congruit, in ea enim ferenda quæ sita no-
væ legis autoritas exolescente metu le-
gis antiquioris; ita hercules ut de ip-
sis duodecim tabulis factum est, quarum
ubi contemni antiquitas cœpit eadem il-
la, quæ illis legibus cavebantur in alia
latorum nomina transferunt. Quod qui-
dem si legum authores animadvertisserent
jus Regni nostri & brevius, & certius es-
set. Sed etsi demus jus Romanum mul-
tis in partibus antiquatum esse, non ideo
minus diligenti cura est perdiscendum,
cum ex eo tanquam Justitiæ, Æquitatis
que fonte jus novum lucem accipiat, un-
de recte possit interpretari ex legum lato-
rum sententia, siquidem ex Romanis le-
gibus non ipsarum tantum peritia com-
paratur, sed multo magis ars juris, seu
ci-

(°) lib. 2. cap. 13.

civilis sapientia, quæ ubique & quibus-
cumque in legibus opus est, ut cognos-
catur. Quod attinet ad novam me-
thodum forensem, qua hac tempestate
utimur in causa agendis, non omni-
no verum est eam aliter observari
quam Romanis legibus est præscriptum;
nam ferme omnia, quæ ad forensem usum
accommodata sunt ex jure Romanorum
originem habent, et si adeo suam simpli-
citudinem amiserunt, ut potius novae stro-
phæ forense videantur, quam cautiones,
& formæ a Romano jure propositæ ad ju-
dicia recte peragenda; & hinc sit ut hæc
eadem facillima sis videantur, qui optimè
in jure suat versati, & contra difficil-
lima, & penè dixerint Delphico cuidam
Oraculo proxima vulgaribus pragmati-
cis, & leguleis: cuius seū locupletes testes
sunt doctissimi Civitatis nostre, & Ma-
gistratus, & causarum Patroni, qui cum
Romanis legibus imbuti sese foro tradi-
dissent, veram hacten sive novi juris cogni-
tionem, & rerum ipsarum forensiam pe-
nitiam. Sic igitur sentio, hoc iudicium
meum est, huc respicit nostri operis in-
stitutum, debere adolescentes summa ope-
rati, ut veram Romani iuris nanciscan-
tur cognitionem, & solartiam legum fa-
ter-

92 DE JURIS CONSULTO
terpretandarum, quod a nobis hoc alte-
ro libro præstabitur; ita enim fiet, ut
facillima evident, quæ fori propria sunt,
unde sentient se aptissimos ad causas
agendas. At qui literis, & legibus vel
leviter aspersi statim obruuntur ambitio-
ne, & foro, inutilia hæc omnia reputa-
bunt, inutilenque dicent operam, at-
que industriam nostram; cuius rei his ver-
bis rationem reddit Franciscus Duarenus
(P): *Sunt enim plerique, qui eo tantum*
animo in forum se conferunt, ut quæstum
faciant quo jure, quaque injuria, & ut
litibus inter homines ferendis dent ope-
ram: quo scelere nullum est in Republi-
ca gravius, aut animadversione dignius.
Hi altercationes Doctorum, & Interpre-
tum juris, opinionumque varietatem il-
lam, quæ in vulgaribus commentariis
legitur ad eam rem sibi non parum con-
ducere existimant, quod quamcumque
causam tueri velint æquam, iniquam, ju-
stam, injustam nunquam defutura sit eis
Doctoris alicujus authoritas, aut cavilla-
tiones ab iis excogitatae, qui omnia vo-
ca-

(P) in oratione recitata, in coopta-
tione Nicolai Baguerii.

*care in controversiam solent; vix enim
ulla est tam iniqua, absurdaque opinio,
si omnia omnium scripta excutias, quæ
non defensorem aliquem, assertoremque
habeat. Qui tam prava mente, ingenio-
que prædicti sunt, mirum profecto non est,
si institutum nostrum tanquam foro non
accomodatum, idest a forensibus impostu-
ris alienum, ipsis non placeat, cum modis
omnibus enitamur, ut Justitiæ & Æqui-
tatis artem, ac viam magis, quam liti-
gandi, cavillandique deceamus. Sed
jam ad instituta pergamus.*

Interpretandi ratio, in qua potissi-
mum Jurisconsulti versatur facultas, aut
consistit in interpretatione verborum le-
gis, aut in interpretatione sententia, quod & Cicero animadvertisit in libris *de Oratore*: quapropter operæ pretium me-
facturum existimo, si de ipsis Romanarum
legum verbis quædam primo pro-
ponam, quæ omnino juris studiose per-
specta esse debent; non enim minus puto
necessarium certas regulas constituere,
quibus verba legum intelligantur, quam
quibus intelligatur sententia; nam quo-
modo hæsitantes in ipsis legum verbis ea-
rum mentem adsequi possumus? Et qui-
dem non semel accidit, ut ex verborum
mi-

94 **D E J U R I S C O N S U L T O**
nus recta acceptione legum sententiis
ignoretur, quod maxime appareat in li-
bris juris nostri, in quibus aliquando
videmus peritissimum quemque labi-
nendum eos qui summis tantum labiis la-
tinam linguam degustarunt, ut fucus,
olim veteres Interpretes, qui ex Bar-
toli schola sunt profecti, homines caste-
roquin solertissimi in legum sententiis
eruendis. Hoc ipsum sentit de legum ver-
bis vir doctissimus Antonius Angustinus
sic enim ait (9) *Namque ita existimat*
nam non posse quemquam aliorum di-
spatiosas definire, aut de jure interroga-
tum respondere, aut disceipulos docere
suos, aut defendere clementes, que juris-
consulti munia esse putantur, si de legum
ipsarum verbis dubitaret.

Principio monendi sumus, libros jus-
ris, quibus utimur eti confilio, atque
authoritate Justiniani Imperatoris com-
positi, nobisque traditi sint, tamen non
per omnia ea mente legendos esse, ut Ju-
stinianus illorum author habeatur: siqui-
dem, ut incipiamus a libris Pandectarum,
in iis veterum Jurisconsultorum senten-
tiae,

(9) in prefat. emend. Pandect.

tis, & opiniones referuntur certo ordine per Tribonianus, aliosque socios iussu Justiniani dispositos. In quibus etiam resuuntur tum leges antiquæ, tum Senatus consulta, tum jus Prætorium, que ante Justinianum erant pastore Romani juris. Nèc metuemus id contra Imperatoris voluntatem a nobis dicti, qui jus omnem vetus suum fecit, ut pote cui sciam impertiit autoritatem, quandoquidem non ea fuit Justiniani sententia, ut veterum Prudentium scripta sibi vendicaret, sed ut illoram dispersæ sententiaz ad unum, eundemque locum facientes colligerentur, & tanquam ab Imperiali autoritate profectæ vim legis haberent, ita ut si qua alia responsa extra suam compositionem extarent, vel similia, vel contraria, ritua omnino essent: quod adeo verum est, ut ipsemet fateatur tantam a se antiquitati habitam reverentiam (1), ut nomina Prudentium taciturnitati nullo modo tradere sit pañus, sed ut cœusque nomen singulis capitibus inscriberetur. Quapropter nescio quid in mentem venerit Stephano Forcatulo his ineptissimis

(1) in l. 2. C. de vet. jur. encl.

96 DE JURISCONSULTO
mis verbis Julianum reprehendere ()
Os impudens hominis, peream si est dignus pascere porcos Papiniani. & tamen non est veritus suarum filius divinas sententias sibi vendicare.

In legendis igitur Pandectarum libri valde conduit, si animadvertisimus quan- nam ratione caput, quod interpretatur erimus ab ipsis authoribus sit conscri- ptum; siquidem varie a Jurisconsultis jus civile tractatur, aut enim libero Scripto- rum officio funguntur, ut apparet in li- bris Quæstionum, Opinionum, Sententia- rum, Regularum, aut ad aliorum inter- rogationem respondent, ut in libris Re- sponsorum, & Epistolarum, aut Leges, Senatusve Consulta, Principum Consti- tutiones, Prætorum, Proconsulum, Ædi- lium Edicta interpretantur; hujus gene- ris sunt ea capita, quæ ad Edictum, ad Leges, ad Senatusconsulta, ad Orationem, Divi Marci, Divi Severi &c inscripta legimus. Et quamvis hæc omnia generali nomine Responsa Prudentum solemus appellare, tamen dubitandum non est quin inter se distinguantur: minime enim

af-

(s) apud Hilliger. lib. 8. cap. 20.
tit. D.

affentior iis, qui existimant jus respondendi, & jus interpretandi pro synonymis accipienda esse; nam cum de jure respondebant Prudentes id eis ex publica auctoritate concedebatur, ita ut non liceret Judici ab eorum responsis recedere; at cum jus interpretabantur, privata auctoritate id faciebant, ita ut eorum sententiae utpote a sapientibus viris profectæ, summam auctoritatem in Judiciis obtinerent; vim tamen legis non haberent: quorsum enim spectat Theodosii, & Valent. Impp. constitutio (^t), qua confirmantur quorundam Jurisconsultorum scripta universa; nisi ut cognoscamus ea ad vim legis Imperiali auctoritate opus habuisse? Publice quidem jus interpretabantur Prudentes, sed id saepe faciebant, ut ignaros ad jus civile erudirent, unde dicebantur Antecessores, & Sophistæ, si verum est quod tradit Rævardus in libro de auctoritate Prudentum.

Sed haec non eo pertinent, ut cognoscamus quænam capita in Pandectis vim legis habeant, quænam secus, cum omnia

G

Ju-

(^s) in Cod. Theod. tit. de responsis
Prudentum.

98 D E J U R I S C O N S U L T O
Justinianus sua cōfirmaverit authoritate;
verum ut recte accipiamus eorū singula
verba, quibus Jurisconsulti utuntur; nam
quoties caput acceptum est ex libris Re-
sponsorum, in eo legimus verba illa: *Pau-*
lus respondit, Scævola respondit, Mode-
stinus respondit, vel tantum respondit,
vel respondi; hic enim erat mos Juris-
consultorum, ut prius proponerent ver-
ba, quibus consulebantur, & deinde quo
responsioni authoritas accederet pro-
prium nomen apponebant; & hujus rei
exempla passim occurrunt in his libris,
in quibus nisi attente distinguantur ver-
ba interrogationis a verbis Jurisconsul-
torum facile in errores incidimus, qui-
bus libri veterum Interpretum abun-
dant: sit exempli loco l.57. *D. ad Trebel-*
lianum, ubi ex libro octavo Responso-
rum Papiniani cujusdam voluntas refer-
tur, ut quidquid ad hæredes ex hæredi-
tate sua perveniret, post mortem eorum
restitueretur patriæ suæ Coloniæ, seu Ci-
vitati Beneventanorum; consultus Papi-
nianus respondit non esse fructus resti-
tuendos, quos hæredes medio tempore
perceperunt: ex hoc capite quidam ine-
ptissime non distinguentes verba interro-
gationis a verbis Papiniani existimarent

Pa-

Opinienum esse Beneventanum. In his
compositionis illud quoque monendi sumus
volere Jurisconsultos de jure tantum re-
spondere, non autem de facto, ut elegan-
ter Duasenus animadvertit (^u), ne se-
se involverent factorum quæstionibus,
magis propriæ sunt Judicis, quam
ejus, qui de jure consulitur: huc perti-
nent peculia ria verba Scævolaæ, quibus
utitur in suis responsis, respondi secun-
dum ea, qua proponerentur &c.

Quando Jurisconsulti Magistratum
Edicta interpretantur, videndum dili-
genter quænam Edicti pars exponitur, &
num prius Edicti verba proponantur, &
postea interpretationis; quod idem dicen-
dum de Senatusconsultis, & Principum
Orationibus; hinc legimus saepe in eorum
fragmentis aliquid factum esse Oratione
Imperatoris, vel Senatusconsulto, siqui-
dem, ut Cujacius ait (^x), fieri Sena-
tusconsulto, fieri Oratione perinde dict
potest; nam moris erat, ut Romanus
Princeps vel per se, vel per Quæstorem

G 2 Ora-

(^u) in l. 122. de v. oblig.

(^x) lib. I. quæst. Pap. in l. I. de offic.
ejus.

Orationem recitaret in Senatu, ad cuius sententiam Senatusconsultum fieri volebat: huc pertinent verba illa, quæ passim occurrunt: *Oratione D. Pii, D. Severi, D. Marci;* quæ verba ab indoctissimo quodam ætatis suæ pragmatico sic accepta esse refert Mænagijs *in amœnitatibus juris*, ut significant preces *Sancti Marci*: o jocosum caput! cuius farinæ homines utinam apud nos nulli essent.

Sæpiissime Jurisconsulti ad aliorum scripta suas interpretationes, seu notas apponunt; idque significant illa verba, quæ sæpiissime capitibus Pandectarum legimus præposita: *Paulus ad Sabinum, ad Plautium, Julianus ad Ursejum Ferocem, Pomponius ad Quintum Mutium, ad Sabinum &c.* In his capitibus legendis summam diligentiam adhibere debemus, ut unius Jurisconsulti verba a verbis alterius distinguantur; nam quandoque utriusque nomen extat, ut in l. 49. *D. ad leg. Falcid.*, ubi prius leguntur verba *Plautii*, deinde *Cassi*, & postremo *Pauli ex libro quarto ad Plautium*; & tunc facile explicare possis singulorum verba verum, idque sæpius, continuata oratione utriusque authoris verba apponuntur, quæ nisi a perito difficile secernuntur,

unde non solum minus rectæ interpretationes originem habent, ut videlicet in *I. i. D. de reg. jur.*, ubi cum nulla adhibita distinctione referantur verba Flautii, & Pauli, non sine confusione ab interpretationibus ea exposita est, a quorum erroribus longe est vir doctissimus Jacobus Gothofredus, quia probe utriusque authoris verba distinguit. Quapropter ubi incidimus in ea capita, quæ præfatas habent inscriptiones, ut plurimum existimare debemus ea iagipere a propositione Sabini aliqua, vel alterius Jurisconsulti, ad quem notæ scribuntur, quod & Cujacius animadvertisit (^y). Hæ Jurisconsultorum notæ non solum expositiones, & interpretationes aliorum autherum continent, sed multoties reprehensiones illorum, atque emendationes, ut fuerunt notæ Ulpiani, & Pauli ad corpus Papiniani factæ, quas infirmari, & nullum robur habere præcipiunt *Impp. Theodosius, & Valent.* (^z), tanti apud eos consul-

G 3 tissi-

(y) lib. 17. quæst. Pap. in l. 2. D. quib. mod. usu fr. amittatur.

(z) in Cod. Theod. tit. de responsis Prud.

102 DE JURISCONSULTO
tissimi viri fuit authoritas; Sed Justinianus eorum constitutionem abrogavit, & notas Ulpiani, & Pauli firmas esse voluit. Illi vero Jurisconsultorum libri, qui ex aliis scripti sunt, ut *Jabolenus ex Caffio*, *Salvius Julianus ex Minicio Natali* nullas continent reprehensiones, sed ea mente scripti sunt, ut aliorum sententias supplerent, illustrarent, seu iis aliquid de suo adjicerent: quorum exemplo fateatur Edmundus Merillius se libros ex Cujacio scripsisse; sed non bona fide agit Merillius, siquidem non ut suppleret, illustraret, vel aliquid de suo adjiceret variantes Cujacii sententias ipse concinnavit, sed ut hominis opiniosissimi (quo verbo utitur Merillius) authoritas imminueretur.

Illud etiam monendi sumus, non uno modo solere Jurisconsultos suam sententiam proponere, eorum enim responsione locatio, Theophilo authore (a) dividiri potest in sententiam, & opinionem; sententiam dicimus cum perfecte, & indu-

bis

(a) §. 8. *Instit. de jur. nat. gent., & civ.*

bis loquuntur, veluti hoc facere licet,
hoc facere non licet; opinionem vero
cum suspense, hæfitanter, & dubitandi
modo loquuntur, ut, videtur mibi, ma-
gis est, probabilius est, verius est, facilius
est, forsitan &c., quibus loquendi generi-
bus more Academicorum, inquit Caja-
cius, suam sententiam sanguis exprimunt,
& placuisse illi Accursum.

*Sub dubio sepe respondent forte
periti.*

Et hac in re ejusmodi regulam sequi de-
bet: Illud ut ius certum a nobis ha-
bendum est, quod aliquo modo probare
videtur Prudentes; exemplis rem expli-
cabimus: in I. I. D. de pign. & hypost. dif-
ferentiam Papinianus proponit inter h y-
pothecam generalem, & specialem; nam
in generali & praesentia, & futura bona
recte obligare possumus, at in speciali
possumus rem praesentem obligare, futu-
ram vero cum nobis aliquo modo debe-
tur, secus nequaquam: fingamus igitur
speciali hypothecæ alienum fundum, cre-
ditore non ignorantem, subjectum esse, &
postea ejus fundi dominium quæsumus
debitori, an dabitur creditori utilis actio
ad rem pignori obligatam repetendam
queritur apud Papinianum, & ait diffi-

104 DE JURISCONSULTO
cilius creditor i hanc actionem dari , sed
faciliorem esse ei possidenti retentionem .
Quibus ex verbis hoc pro jure certo ha-
bendum est , creditori non possidenti rem ,
quæ post obligationem in dominium de-
bitoris pervenit ad eam habendam actio-
nem nullam dari , sed si possideat reten-
tionem eum habere per exceptionem doli
mali . Huic similis est locutio Ulpiani in
I. I. D. de inoff. testam.. ubi cum ageret de
personis , quibus licet de inofficio disputare , ait : *Cognati proximi , qui sunt
ultra fratrem , melius facerent , si se sum-
ptibus inanibus non vexarent ;* his verbis
significatur cognatis querelam non com-
petere . Idem Jurisconsultus in *I. I. §. ult.
D. quando appell.* , cum ageret de absente ,
cui provocandi jus datur etiam post tem-
pus jure præfinitū ait ; id verum esse modo
per procuratorem non sit defensus ; nam
se ille (procurator) non provocavit , diffi-
cile est , ut hic (absens) audiatur : ex qui-
bus postremis verbis vulgares quidam
Interpretes in hanc sententiam iverunt ,
Ulpianum existimare cum difficultate
absentem admittendum esse , admitten-
dum tamen ; sed Ulpiani mens fuit , ut
nullo modo admitteretur absens ad pro-
vocationem , cum eam neglexerit Procu-

ra-

zator, ut recte sentiunt docti viri (b).

His proximæ sunt illæ veterum loquendi formulæ, *vereor ne*, *videndum est*, *videamus*, de quibus etiam in suis disputationibus agit Duarenus; iis enim Jurisconsulti, et si dubitanter sententiam suam proponunt, eaque ut jure certo uti debemus: petamus exemplum ex difficillimo Pauli responso in *I.a. D.M.* *prætor. stipulat.*, ubi nos docet *Consul-*
tus, *prætorias stipulationes*, quæ rei con-
tinent restitucionem, ut est *stipulatio de*
operis novi nuntiatione, *individuas es-*
se, adeoque in *personas hæredum* nun-
quam pro parte committi; eas vero, quæ
incertam continent quantitatem, ut *sti-*
pulatio judicatum solvi, in *personas hæ-*
redum scindi: sed quærerit an si unus ex
hæredibus promissoris totam rem possi-
deat, in *solidum teneatur*, & ex *sen-*
tia Juliani ait, in *solidum condemnandum*;
sequitur deinde Paulus: *in quan-*
tum autem ipse (*hæres promissoris*) *ea*
stipulationes, *vel fidejussiones* (*spoponde-*
runt) *an omnino teneantur*, *dubitari po-*
dest, & his verbis respondet: *videndum*
est,

(b) vid. Gonzalez in notis ad cap. 15.
 de sent., & re jud.

106 DE JURISCONSULTO
est, ne non committatur (stipulatio); quibus verbis, ut recte inquit Cujacius (c), modeste, ut juris autores solent, plane confirmat, uno ex hereditibus promissoris judicatum solvi damnato judicio in rem, quod totam rem possideret, esse quidem adversus eum actionem judicati, sed nullo modo adversus eum ex hac causa, vel fiduciarios, qui judicatum solvi sponderunt, stipulationem judicatum solvi committi: hoc est teneri eum, qui rem possidet ad restitutionem totius rei, quia teneatur tanquam possessor, non tanquam heres; sed ad præstationem ejus, quod interest, non teneri, nisi pro parte hereditaria; unde stipulatio judicatum solvi non committitur in solidum in personam ipsius, sed tantum pro parte. Hoc exemplo satis adparet eo genere loquendi certam nobis sententiam veteres tradere, quod diligenter animadvertisendum est, ne in errores incidamus, quibus aliquando Accursiani involvuntur, qui hoc genere loquendi opinantur Jurisconsultos quæstiones proponere, sed ad eas non respondere; quapropter Accursius explicans su-

pe-

(c) in lib. 73. *Ponti ad edictum, &c.*
25. observ. 29.

periosa Pauli verba sic cum caspit & solidum tenentur fidejusfores, ut & res principalis, hæredes sicutem pro parte, licet Paulus surda auro transducas quæstionem non solvit.

Aliquando juris authores propriam sententiam preponunt, & quedam objiciunt dubitantis modo, quæ etsi non dilucet, tamen confirmant, non sejiciunt propositam sententiam; quo pertinent illa verba, quamvis dicere possit, nisi quis dicat &c., de quibus hanc regulam tradit Domellus (^d): Scio hæc verba, nisi quis dicat, nisi quis dubitet interdum habere correctionem præcedentem, sed hoc tunc fieri abservabimus; cum igitur quis scribit, & bis verbis utitur, nominatim adscribit, se hanc correctionem probare, ut in Lvihi pere 59. D. de leg. 2. At ubi nobil tale scriptura est, animadvertis ueteres his verbis uti solitos; cum sententiam alienam recitanti, quam tamen vel improbent, vel etiam contemnendam present, ad quam ideo non respondent pluribus, quie non existimant magna refutazione indigere. Petamus exemplum ex l. 16.

D.de

(^d) in lib. de prescript. verb. cap. 12.

D.de præscr. verb. ubi cum docuisset Ulpianus ex contractu innominato facio, ut des, nasci civilem actionem, nempe præscriptis verbis, ut decem pacti sumus, si servum fugitivum indicavero, & indicavi, mox hæc habet: *nisi quis & in hac specie de dolo actionem competere dicat, ubi dolus aliquis arguatur.* Quæ verba perperam a quibusdam Doctoribus accepta sunt, quasi dixisset Ulpianus præter actionem præscriptis verbis in specie proposita etiam de dolo actionem competere; quod certe contrarium est Prætoris edicto proposito ab ipsomet *Vlp. in l. i. D. de dolo malo*, ubi cavetur, ut actio de dolo ex iusta causa detur, cum alia actio non extat, sic enim verba Prætoris sunt: *quæ dolo malo facta esse dicentur, si de his rebus alia actio nō erit, & iusta causa esse videbitur, judicium dabo.* Cum igitur in d.l. solent dixisset Ulpianus actionem præscriptis verbis competere, videtur postremis verbis objectionem proponere, quam tacite repudiat. Sed hæc velim, ut non accipientur tanquam regulæ indubitate, nam potest aliquando evenire, ut juris authores superioribus loquendi formulis utantur ad sententiam suam proponendam, ut in *cit. l. 2. de prætor. stipulat.* hæc

ver:

verba *quæcumvis dici possit* a Cujacio accepta sunt, quasi Paulus iis voluisset sententiam suam confirmare: quapropter his in rebus judicium, & diligentia adhibenda est, sine quibus frustra regulas, & monita confidere tentabimus.

Solent etiam ~~sepiissime~~ juris authores aliorum referre sententias, quas nec probant, nec aperte improbant: qua in hoc monito utemur, ut siquidem sententia, quæ refertur, non pugnet cum receptis juris regulis, vel non extet contrarium in aliis locis, ea uti debeamus tanquam certo jure, ut in *I.5. D. ad I. Aquil.* talis proponitur species: Sutor puero discenti ingenuo filiofamilias parum bene facienti quod demonstratum erat forma calcei cervicem ita percussit, ut oculus puero perfunderetur; & refert Illpianus, Julianum dubitare, an sutor teneatur ex locato tanquam qui puerum docendum conduixerit, nec exponit utrum recte, an secus Julianus senserit, & an competit actio ex locato; quod nos affirmare debemus, cum nullibi extet contrarium in libris juris, imo aperte sententia Juliani proponitur, & confirmatur ab eodem Illpiano in *I.14. D. locati.* At si aliqua inventiatur proposita sententia, quæ expressæ
pu-

110 DE JURISCONSULTO
pugnet cum aliis locis, tunc eam abjice-
re debemus; neque hujus rei defunt
exempla: in l. 5. D. de rei vind. ab Ulpiano
Vari, & Nervæ refertur sententia existi-
mantium utilem vindicationem dandam
esse Domino ad arborem suam repeten-
dam, quæ in alienum agrum translata
coaluit. & radices immisit; sed alibi idem
Ulpianus in l. hoc amplius §. 2. D. de dam.
infecto sic ait: *Nec arbor potest vindicari*
a te, quæ translata in agrum meum cum
terra mea coaluit. Quid dicemus in hoc
sententiarum discrimine? Nempe priorem
Nervæ, & Vari sententiam referri tan-
tum ab Ulpiano, nec probari; sed nos po-
steriore, utpote quæ Ulpiano placuit, uti
debere, ut Donellus existimat (^e). Id
ipsum agnoscit Cujacius (^f) in l. 1. D. de
remissionibus, ubi refertur tantum non
probatur Juliani sententia, qui putabat
fructuario dari vindicationem servitu-
tum, nam obtinuit aliorum sententia
existimantium fructuario non dari vin-
dicationem servitutum, & merito; nam
fructarius fundi vindicationem non ha-
bet,

(e) lib. 4. com. cap. 34.

(f) lib. 1. obseru. cap. 16.

bet, absurdum autem est cui non das fundi vindicationem, ei juris fundo debisti vindicationem dare. Quandoque evenit, ut binas simul Jurisconsulti sententias proponunt, nec satis appetet utri magis accedant, unde juste dubitare possis utram sequi debeas, ut in l. 8. D. com. prædiorum sic ait Paulus: *in tradendis unis ædibus ab eo, qui binas habet species servitutis exprimenda est, ne si generaliter servire dictum erit aut nihil valeat, quia incertum est, quæ servitus excepta sit, aut omnis servitus imponi debat.* Quid erit ergo? in proposita specie nulla servitus imposta erit, an omnis? Et Cujacius in interpretatione verborū Pauli his verbis rem docet: *Hæ duæ sententiæ referuntur a Jurisconsulto quæ verior sit non dicitur, sed quoties Jurisconsultus duas proponit sententias eā semper probat quam posteriore loco ponit.* Quapropter ex verbis Pauli infertur omnem servitutem impositam videri, sicut etiam si quis generaliter excepterit servitutem, nec dixerit quam exciperet, verius est cujuscumque generis servitutem volet, exceptam vide ri.

Hoc etiam monitos velim juris studiosos, ut nunquam ex uno tantum capite

112 DE JURISCONSULTO
te jus certum sumant, sed ut & antece-
dentia, & sequentia legant; nam s̄epissi-
me Compositores verbis unius Juriscon-
sulti, ex alio authore aliud caput interse-
runt, quod nisi proxima legantur perpe-
ram fortasse accipientur: plurimum in
Digestis, inquit Cujacius (§), positum
est in legum ipsa dispositione, & ordine,
& uestitur quodammodo una ex aliis,
præcedentia, & sequentia legenda, ut
aliquid deprehendatur quod ad legem fa-
ciat, cui damus operam; & qui volunt le-
gere legem aliquam, debent prius spectare
quid sit in præcedenti, quid in sequenti,
ita verum percipient legum sensum s̄epis-
sime. Videmus multoties quod proponi-
tur in uno capite in sequenti immuta-
ri, & pro jure certo proponi, ut in *I. so-
cium 61. §.1. D.* pro *Socio* dicitur, *socium*
non posse consequi actione pro *socio* im-
pensam, quam in curando se fecit si vul-
neratus est, cum resisteret communibus
servis venalibus ad fugam erumpentibus;
sed hæc sententia mox in capite sequen-
ti corrigitur, ubi refertur Julianum exi-
sti-

(§) lib. 2. quæst. Papin. in *I. 38. de
Pactis.*

stimare posse impensam consequi, quæ sententia obtinuit. Simile exemplum habemus in *L.6.D. de rer. divis.*, ubi referatur Martiani sententia existimantis cœnotaphium, seu monumentum purum, locum esse religiosum; at in capite sequenti ait Ilpianus: *Sed Divi Fratres contra rescripserunt*; ut prætermittamus innumera exempla, ex quibus cognoscî posset, quædam capita iuris nostri omnino non posse intelligi, nisi cum aliis conjungantur. Animadvertisendum quoque est, non semel in Pandectarum libris contrarias inter se Jurisconsultorum sententias extare, quas frustra in concordiam adducere quidam conati sunt; idque de diversis authoribus mirum non est, si dicatur, cum diversis rationibus potuerint uti ad æquum, bonumque explicandum; tantum Compositorum inquit aliquando accusare possis, qui non sine oscitantia has contrarias sententias apposuerunt; quin etiam non semel unius, ejusdemque Jurisconsulti extant variatae opinione, ut Papiniani, qui sententiam, quam tuetur *lib.10.quest.17* *lib.27.* mutat, & retractat, ut videre est in *L.6., & 7.D.de servis exportandis*, quod Cuiacius animadvertisit, qui ingenue fa-

114 DE JURIS CONSULTO
tetur multa in libris juris contraria legi.
In diversis, & discordantibus sententias
eam sequi debemus, quam vel authorita-
tas, vel certa interpretatio comprobavit.

Priusquam hinc abeamus, illud viden-
dum est breviter, de quo tot, tantæque
apud politiores Interpretates querelæ, num
Tribonianus in Pandectis veterum Sen-
tentias aliquando immutaverit, interpo-
laverit. Et quidem Duarenus (^h) anno-
tat Compositores, et si nomina Juriscon-
sultorū singulis capitibus præposuerint,
tamen multa eorum scriptis adjecisse, at-
que detraxisse, ut hodie quæ fuerit vete-
rum sententia ex his libris certo cognoscere non possimus. Mihi vero videtur,
Tribonianum aliquando jus vetus im-
mutasse, sed eo modo, ut Justiniani pa-
reret voluntati, qui in *I.z.C. de vet.jur.*
encl. potestatem fecit Compositoribus,
ut jus desuetudine abrogatum, si quod
extaret, omnino tollerent, & quod esset
superfluum, atque simile, & contrarium
amputarent, sicque omne id, quod Pan-
dectis includeretur, ad sui temporis ratio-
nem accommodarent: quod ipsum Juliano
per-

(h) *de inscript.Pandect.*

permisum fuisse in compositione Edicti Perpetui Balduinus (ⁱ) & Struvius notant (¹). Quapropter mirum non est si quandoque jus temporibus Jurisconsultorum nondum receptum in eorum fragmentis legamus, uti passim a doctis viris est animadversum; ut in *I. i. D. de legat.* lib. 1. hæc verba, quæ leguntur sub nomine Ulpiani, per omnia exæquata sunt legata fideicommissis, videntur Tribonianii esse, cum legatorum, & fideicommissorum exæquatio introducta sit constitutione Justiniani *I.2. C. com. de legat.*; & ideo si fides Duarenii adhibenda est, in quibusdam exemplaribus illius capitis nulla est inscriptio, in quibusdam *Ulpianus*, in quibusdam *Imperator*. Sed in eo a Compositoribus peccatum est, quod nonnunquam veterum sententias, & jus illorum tempestate receptum uno in loco mutant, & non mutant in alio, & ea potissimum causa est, cur aliquando in his libris contraria, & opposita legamus, ut monemur a Cujacio (^m). Sed vereor ne sæpe Compositores utilia reseca-

(ⁱ) *in notis ad Pandect.*

(¹) *in hist. sub Cæsar. §.7.*

(^m) *lib. 5. obser. cap. 38.*

116 DE JURISCONSULTO
verint, apposuerint inutilia, unde ambiguos sensus, difficillimas sententias effecerunt: quod ipsum in collectione Decretalium factum esse queruntur eruditis; quapropter doctissimi juris Pontificii Interpretes Franciscus Florens, & Bernardus Vanespen nos monent, ut in legendis Decretalium libris antiquas collectiones adhibeamus; in quibus integra extant Decretalium verba; quod in jure civili sperare non licet. Verum non tanta Triboniano, & Sociis potestas facta est, ut pro arbitrio quidlibet quoquo modo immutarent, adjicerent, diminuerent, ut ubi affirmatio erat sibi negatio reponeretur, ut recte sentit Rævardus in libello, cui titulum fecit Tribonianus. Quanta igitur est nostrorum Interpretum inscitiane, an temeritas, qui passim Tribonianum accusantes, omnia in Pandectis pro arbitrio figunt, atque refigunt, dum se putant genuinas Juriſconsultas sententias tradituros: ipse met Cui emendatorum juris Civilis haud primitus inquit (n), aliis authoribus licet quod non licet nostris, nam in jure si quid vel tantillum mutes deterius facies.

{n} in l.8. & seq. de excusat.

Hac arte omnibus certe Antonius Faber præstat, qui unus plusquam omnes ingensio suo indulget; laudandi quidem illi sunt, qui ubi ratio expostulat, locum aliquem restituunt, sed vituperandi qui sine necessitate ea verba emendant, quæ sine emendatione rectum sensum efficiunt, quo nomine Cujacius non semel a Donello reprehenditur.

Ad multas difficultates tollendas prodiderit valde, si in legendis Jurisconsultorum fragmentis, inscriptiones inspicimus, easque conjungamus cum aliis ejusdem authoris ex eodem libro; quod tanti fuit apud doctos viros, ut Jacobus Labittus, & Antonius Augustinus euin adgressi sint laborem, ut libros omnes Jurisconsultorum, ex quibus fragmenta in Pandectis relata excerpta sunt in unum velut corpus, sed per indicem tantum compegerint: quo (utor verbis Gothofredi) ceu maximo juris arcano relata in unum quasi locum omnia capita ejusdem inscriptionis, authoris, & libri, singularium librorum cognitionem, congettationem, & argumentum lectoribus exhiberent; tum etiam in iis cujusque capitibus quasi quædam antecedentia, & consequentia, & sic causæ quodammodo legum ipsarum

18 De J U R I S C O N S U L T O
rum cernuntur. Qua eadem ratione, op-
nor, vir doctus Franciscus Balduinus or-
dine authorum juris sententias explicare
conatus est, ut ipse fatetur in libello *de*
nova juris civilis demonstratione; eum-
que postea imitatus est Cujacius, qui con-
tinenter explicat Africani, Pauli, Papi-
niani, aliorumque libros. Et probatur
mihi valde institutum Jacobi Russardi,
qui in editione Pandectarum Florenti-
norum præter cætera id præstítit, ut in
singulis Prudentum capitibus, & alia
ejusdem inscriptionis indicaverit; suique
consilii rationem reddit his verbis: Om-
nis pene difficultas, & obscuritas juris
civilis ex eo nata est, quod nullus Juris-
consultorum liber integer nobis supersit,
nulla pene unius oratio perpetua, sed
fragmenta tantum binc, & inde, & ex
hujus, atque illius authoris libro non sa-
tis apte plurumque coagmentata. Itaque
vehementer adjuvantur nostra studia ab
inscriptionibus, quarum öpe locos co-
rundem Jurisconsultorum a compositoriis
bus dissipatos, & longissime a se disjun-
ctos rursus conjungere licet. Hæc quidem
adeo vera sunt, ut aliquando utile sit
etiam ex diversis locis, seu diversis libris
Jurisconsultorum acceptas sententias si-
mul

mul conferre, quo una ab altera lucem accipiat; nam cum totum hoc juris civilis corpus, ut eleganter Duarenus scribit, (°) quasi magna quædam lex habenda sit, cuius plusima sicut capita, sed confusa, & absque ordine usq[ue] in unum locum coacervata, quæ dispositionem, ordinem, ac methodum desiderent, nec satis aliter commode explicari possint, consequens est, ut non possit una pars sine altera, quæ ad rem faciat, intelligi, nam incivile est, inquit Celsus (P) nisi tota lege perspecta una tantum particula ejus proposita judicare, vel respondere.

Sed quoniam Pandectarum exemplaria non semel diversa sunt inter se, quænam potius sequenda sint, quæserit fortasse quispia. Et quidem etiæ doctis viris videtur omnes Pandectarum editiones, sive Noricam auctore Haloandro, sive vulgatā, ad quam veterum glossæ sunt appositæ e Florentino Codice emanasse, sed ex imperitia librariorum in describendo lectionum varietatem originem habuisse; tamen hac de re ita sentio, cum agitur de controversiis in foro

H 4 agi-

(°) in l. 17. D. soluto matr.

(P) l. 23. de legib.

120 DE JURISCONSULTO
agitandis non esse recedendum ab ea le-
ctione , quæ vulgo recepta est , ita ut se-
cundum eam interpretatio procedat , et si
fortassis subtilis disputatio in contrarium
nos traheret : huc aptari possent verba
Pauli in l. 22. de legib. *Minime sunt mu-*
tanda quæ interpretationem certam sem-
per babuerunt ; nisi vulgaris lectio mani-
festæ æquitati pugnet , tunc enim tan-
quam mendosam rejiciendam esse non
invitus affirmaverim . In disputationi-
bus vero Academicis et si exemplar Flo-
rentini Codicis summæ sit authoritatis ,
tamen illa potius lectio probatur mihi ,
quæ magis ratione nititur ; ea scilicet ,
quam & notæ juris regulæ , & anteceden-
tia , & sequentia verba expostulant .

Sequitur , ut de Justiniano Codice quæ-
dam dicamus , in quo continentur Impe-
ratorum Sanctiones , quas specialiter Con-
stitutiones dicimus ; nam aliquando etiam
Jurisconsultorum opiniones Constitutiones
dicimus legimus (4) . Dicuntur etiam Pla-
cita Principum , nempe Placita juris . Et
nos moner Cujacius (5) plerumque in
Pandectis cum legimus aliquid placuisse
de

(4) *vid. l. 91. de verb. oblig.*

(5) *lib. 2. quæst. Pop. in l. 1. de usurris.*

de Principum constitutionibus esse intelligendum, verbo placuit (inquit vir doctus) plerunque scribabantur *constitutiones Principum*. In hujus Codicis confectione potestas Compositoribus facta est, ut si qua vel obsoleta essent in priorum Principum constitutionibus vel similia, non minus ac in libris Pandectarum immutarent, & corrigerent; & non minus in hisce constitutionibus, quam in libris Jurisconsultorum id efficerent, ut unam, eandemque constitutionem inter plures quandoque partes dispertirent, pluribusque loeis accommodarent, ut notant Hotomanus, & Cujacius in suis observationibus; unde mirum non est, si multoties docti viri querantur ex osciantia Triboniani minus recte interpolatas esse constitutiones, & minus recte in varias partes divisas, ita ut ex divisione difficultatem accepentes, dum quod padra est Gothofredus in prolegom. Codicis Theodosiani: Nec minus ex eo appareat ejusdem incuria, quod cum hic Codex bis sit compositus, in novissimo, quo utimur, quedam constitutiones omissae sint, quæ cum extarent in priore, in Institutionibus citantur, & in hoc Codice non extant.

Illud

Illud Jurisconsultum non ignorare
necessere est, Principum constitutiones, qui-
bus hic Codex componitur, triplicis ge-
neris esse; Rescriptum, sive Epistolam,
Decretum, & Edictum (s). Rescriptum
dicitur, cum Princeps ad relationem
Magistratus alicujus, ut Theophilus ex-
plicat, vel aditus per libellum a prae-
personis jus pronunciat; cuius rei
in Pandectis exempla occurrant, ut in
I. 33. D. de re jud. sic ait Callistratus:
D. Hadrianus aditus per libellum a Julio
Tarentino &c. in hac verba rescripsit.
Eodem pertinet quod saepius legimus: *ex*
epistola D. Severi, D. Antonini, D. Ha-
driani. Hunc morem rescribendi & Ro-
mani Pontifices sequuti sunt, unde De-
cretalium Epistolarum libri ortum ha-
buerunt, qui juris Canonici partem con-
stituunt. Hujuscemodi Imperatorum Re-
scripta (recte monet (t) Duarenus) olim
non usquequaque vim legis habe-
bant; cum enim in singulas causas, sin-
gulaque negotia, & personas impetrare-
tur.

(s) *I. I. D. de const. Princip. & Theopb.*
in §. 6. de jur. nat. gent. civil.

(t) *in tit. de condit. indeb. cap. 6.*

tur, non erant constitutiones generales, adducebantur tamen, & proferebantur sicut hodie adduci solent res judicatæ in supremis Curiis, quæ etsi propter Judicium authoritatem magni præjudicii sint, non tamen vim legum habent; & refert Capitolinus, Imperatorem Macrinum statuisse, omnia Rescripta veterum Principum tollere, ut jure non rescriptis ageretur, & ne ad alias causas facta præferrentur, quæ ad gratiam composita videbentur. Sed per constitutionem Justiniani, quæ extat in titulo *de novo Codice faciendo* secus se res habet; nam voluit Imperator, ut omnes Principum constitutiones, quæ in Codice referuntur, tanquam generales leges observentur. Verum non ideo minus in his Rescriptis diligenter factorum species considerandæ sunt, ad quas sunt accommodata, ne aliquando generales regulas ex speciali facti circumstantia conficiamus contra Imperatorum voluntatem; & in hoc, non semel Accursiani falluntur. Ut res, magis, magisque in apergo sit, demus exemplum: in *l. si fundum. C. de rei vind. restribunt* Imperatores, eum possessorem, qui fundum obnuntiante domino ab alio comparavit, vel alio modo mal-

mala fide cōtraxit, tam fundum restituere debere quam fructus, quos eum mala fide percepisse fuerit probatum. Ex hujusmodi rescripto hanc assertionem Accurſius, eumque sequuti veteres Interpretes conficiunt, malæ fidei possessorem, si possessionis titulū habeat, perceptos tantum fructus restituere debere, non autem eos, qui honeste percipi potuerunt; & quamvis contrarium in aliis juris locis scriptum sit, nempe possessorem malæ fidei omnes fructus restituere cogendum sive perceptos, sive ejus culpa non perceptos, tamen quia Imperatores de solis perceptis rescriperunt, distinctionē commenti sunt inter possessorem cum titulo, & possessorem sine titulo. Verum eorum interpretatione omnino est rejicienda; siquidem non ex eo, quod Imperatores de solis perceptis fructibus responderunt, de non perceptis contrarium voluisse est dicendum; nam facti species ita apud eos erat proposita ut a malæ fidei possessore percepti tantum fructus peterentur, non autem qui percipi potuerunt, quia nulli erant, nam fortassis malæ fidei possessor omnes fructus perceperat, nec ullos imperceptos reliquerat, quapropter de his Imperatores non responderunt, quia ad controver-

Gam

siam non pertinebant . Ex his facile est conjicere , summa diligentia Codicis re-scripta esse legenda , quorum difficultas ex eo quoque potissimum provenit , ut animadvertisit Duarenus (^u) , quod ut plurimum libelli oblati descriptio , quo hypothesis continebatur , desideratur , & sola Imperatorum leguntur verba . Et ideo parum in jure nostro versati videntur , qui putant difficiliorem esse Pandectarum , quam Codicis interpretationem ; nam secus sese rem habere his verbis a Cujacio docemur (^x) : *Juris, quam constitutionum facilior cognitio , & tractatio est, illo continentur Leges, Edicta, Senatuscousulta certa, Jurisprudentum Interpretationes, atque Responsa inter se congruentia, aut repugnantia, si qua sunt, ita disposita, ut quae prævaleant non sit obscurum: constitutionum vero quasi incertum jus, est varium, atque multiplex, & per difficile igitur, & si per difficile penne captu impossibile . Et paulo post: denique ita censeo Codicis majus esse opus, majusque negotium; frustra enim Codici de-*

(^u) lib. 2. disput. cap. 5.

(^x) in epist. Cod. parat. praefixa.

detur opera, nisi & Digestum, & alia ple-
raque adminicula suppetant, cum tamen
Digesta Codicis adminiculo nequaquam
indigeant. Sunt & in Codice Decreta
Principum, quæ sunt sententiæ ab iis pro-
mulgatæ causa cognita, nempe adhibito
Jurisconsultorum consilio, inter duas par-
tes, de quibus etiam in Pandectis extant
exempla, ut in l.3.de his, quæ in test.de-
lentur. Sunt, & Edicta Principum quan-
do nempe Princeps sponte ad publicam
utilitatem quid edicit, sancit, & gene-
raliter definit. Extant quoque in Codice
epitoma Novellarum Justiniani, de qui-
bus infra quædam adnotabimus.

Non abs re videtur breviter hic de ea
quæstione inquirere, an Codicis leges de-
rogent Pandectarum juri. Et quidem
Accursius, cæterique ejus scholæ Inter-
pretes videntur parum sibi hac in re con-
statere; nam aliquando magnopere tor-
quentur in conciliandis Pandectarum le-
gibus cum legibus Codicis, & aliquando
expresse docent illas ab his emanari.
Tractatur hæc quæstio cum ab aliis do-
ctis viris, tum acutissime ab Huberto
Gyphanio, qui indistincte docet Codi-
cem Pandectis non derogare, sed quibus-
dam contrarium videtur. Ego vero hac
de

de re ita sentio : cum tota hæc Justinianei iuris compositione sit veluti una magna Lex in plurimis capitulo dispersa , videatur esse contra mentem Imperatoris , si velimus dicere hujus compositionis partem unam alteri derogare , cum turpe sit in una , eademque lege discrepantes partes inveniri . Nec illud refert quod Justinianus Codex , quo nunc utimur , post Pandectas sit editus , siquidem nec Codex , qui prioris prælectionis erat , a Pandectis emendebatur . Verum cum in posteriore Codice hæc fuit Justiniani voluntas , ut quædam constitutiones apponentur , quæ abrogaret , & emandarent jus antiquum , ut fuerunt quinquaginta decisiones , & quædam aliae constitutiones , dicendum est per Codicem aliquando Pandectaris derogari , sed id fieri potius ex accidenti , ut ita dicam , quam ex propria Codicis compositione , nempe quia in hoc Codice quasdam leges Imperator apposuit hac potissimum ratione , ut derogarent juri veteri . Quapropter ubi separamus leges Codicis contrarias legibus Pandectarum , dicensus has ab illis emanari , ut non semel nos monet Duarenus , & Donellus . Et non est audiendus hac in re Gyphanius , qui eo tantum casu
Con-

128 DE JURIS CONSULTO

Constitutiones Pandectis derogare existimat, cum id ipsis constitutionibus non expressum; siquidem non est necesse recte sentit Oujacius, ut in posteriori constitutione apponatur expressa superioris derogatio; nec iterum audiendus est Alciatus, qui jus vetus relatum in Digestis tantum per quinquaginta decisiones emandari putat (y). De Institutionibus hoc idem videtur doctis viris, nempe eas derogare juri Pandectarum, si quando contrariae inveniantur. De Novellis Justiniani constitutionibus opus non est, ut multa dicamus; siquidem constat eas ad derogandum juri antiquo fuisse editas; aliquando renovant potius jus antiquum, & interdum sibi invicem derogant, & alia aliam tollit (z). Et quamvis greco sermone (non omnes tamen) sint compositæ, tamen in foro utimur versione latina, quæ authenticæ nomen sortita est, ea ratione, ut putat Alciatus, quia autoritatem habeat, rejecta Juliani interpretatione in epitomen redacta.

(y) vid. Cujac. in princ. paratit. Cod.

(z) vid. Struvium in hist. jur. Just.

Index titulorum non idem apud omnes c^t, alium enim in vulgaribus exemplaribus habemus, alium nobis exhibet Cujacius; ex quo fit, ut diversimode allegentur tituli. Ex his Novellis ut plurimum excerptæ sunt Authenticæ, quas in Codice legimus opera Irnerii, ut vulgo creditur; iis tamen non usquequam credendum est, nam aliquando minus recte ex Novellarum mente sunt conceptæ, unde ad fontem recurrendum est, cum difficultas incidit.

H^ts quidem libris constat jus, quo utimur. Quid vero dicemus de eo jure, quod extra hoc corpus vagatur, ut sunt Constitutiones Theodosiani, Gregoriani, & Hermogeniani Codicis (quas adeo immutatas censet Duarenus, ut potius Alarici Gothorum Regis, quam Imperatorum dicendæ sint Constitutiones) libri Sententiarum Pauli, Institutionum Caji, Regularum Ulpiani, Responsorum Papiani recentioris Jurisconsulti, Collatio legum Mosaicarum cum Romanis a Pithæo edita? Et quidem et si hæc omnia antiqui iuris fragmenta vim legis non habeant, tamen mirum quantum Jurisconsulto prosunt tum ad antiquitatis notitiam, tum ad rectam cognitionem juris.

130 De Juri consulto
Justinianei : Isidorus in *can. fuerant*
dist. vii. ait *etsi legum antiquorum nul-*
lus sit usus, notitia tamen necessaria vi-
detur; quapropter næ quam sunt inep-
qui has reliquias spernunt, abjiciuntque
quibus optimus quisque tantum tribuit,
quantum cuicunque venerandæ anti-
quitatis monumento, multis rebus ne-
cessario. Et audiamus quæso Cujacium
hac de re loquentem in lib. 9. qu. Pap. in
I.xi. de legat. 1. Interpretes multum diffe-
miles ab Aristone, quem Plinius scribit
sic jura publica tamquam privata^a, sic
antiqua tamquam nova, sic rara tam-
quam acida tractasse; nec erit unquam
fidus interpres juris, nisi qui & anti-
quum, novum, & medium jus bene co-
gnoverit. Ergo imitemur Aristonem, &
nullius juris cognitionem negligamus.
In quo Doctores nostri versari errore ma-
bunt, quam veritatem cognoscere (a).
Quin etiam possunt a nobis in argumento
tum trahi ad quæstiones, atque articulos
juris enodandos; ne metuemus au-
thoritatem Bartoli, qui censet tunc leges

(a) vid. *Duar. lib. I. de jure accresc.*
cap. 20.

correctas in argumentum trahi posse, cum eadem in juris corpore adhuc extent, si enim omissæ sint, haudquaquam iis nos uti debere; nam quid interest utrum leges correctæ extent in corpore juris, an secus, & utrum expresse correctæ sint, an tacite tantum sublatæ, ut bene aduersus Bartolum disputat Viglius Zuchemus Jurisconsultus tersus, & elegans (b).

Quæ hactenus dicta sunt, eo pertinent, ut probe legum verba accipientur, ne variis difficultatibus involvamur, & ut recte interpretatio procedat: siquidem, ut acute Grotius monet (c), rectæ interpretationis mensura est collectio, seu explanatio mentis ex signis maxime probabilibus; ea signa dum sunt generum verba, & aliæ conjecturæ, ut ratio legis, usq; æquitas, de quibus infra agemus. Et hinc apparet in quo differant novi Interpretes a veteribus, illi enim ad eruendas legum sententias in verborum explanatione toti sunt, hi vero ex aliis conjecturis mirum in modum ingenium exercuerunt

I 2 runt

(b) in §. I. Instit. de testam. ordinand.

(c) lib. II. cap. N 6. de jur. bel.

sunt in applicanda legum sententia ad varias species, quapropter quanto illi industria, & diligentia, tanto hi ingenio, & acumine præstant. Jurisconsulto igitur necesse est, ut omnino legum verba nota sint, seu ut statim ex verbis intellegat quid legibus sit expressum; idque non male Hopperus historicam legum interpretationem vocat. Sed quo magis, magisque verborum legum explanatio nota sit, quasdam regulas proponamus, quæ vulgo proferuntur, & necesse est, ut Jurisconsulto sint cognitæ.

Et primo, verba legum accipienda sunt magis secundum significationem receptam in jure, quam ex communi usu; unde titulus extat in jure nostro *de verborum significatione*, & Ælius Gallus librum composuit *de verborum, quæ ad jus pertinent, significatione*, ut est *inscriptio l. i 57. ejusdem tit.*; nam juris autores ex propria arte verbis utuntur, de nihil dicamus de verborum structura, in qua non semel recedunt a vulgari uso latini sermonis, quæ de re Briffonius perutilem compofuit libellum, & Carolus Dukerus librum edidit *de verbis non satis probatae latinitatis*, aut non ex recepta significatione ruel contra grammatical-

secundum regulas a Jurisconsultis usurpatas. Latine quod vulgo dicitur, verba artis ex arte: *Dialecticorum verba* (inquit Cicero primo Academicorum) nulla sunt publica; suis utuntur, & id quidem communis omnium fere est artium. Hoc Modestinus nos docere voluit in l. 203. de verb. sign. dum ait: *licet capitolis latine loquentibus omnis causa existimationis videatur, tamen appellatio capitalis (in jure) mortis, vel amissionis civitatis intelligenda est;* Quapropter Iulianus in l. i. D. an per al. caus. appel. explicans rescriptum Divorum Fratrum, quo cautum fuit, ut in causis pecuniariis pro alio respondere licet in judicio, in causis vero capitalibus nequaquam, recte infert, pecuniariam causam, ex qua ignorantia sequitur, posse per procuratorem peragi, quia est causa existimationis, quae secundum juris significacionem non comprehenditur verbo capitalis. Et hinc cum legimus in jure bonorum possessionem, intelligimus hereditatem, quae jure Praetorio defertur, non corporalem bonorum apprehensionem, ut ex usu latini sermonis verba sonant. Sic etiam cum legimus emancipationem, si nudum somum spectemus (ait Cujacius) si pro-

prietatem nudam, significationemque simplicem, eo nomine significatur venditio *imaginaria*, quare Horatius ex verbi proprietate sic ait (^d):

Eheu Romani (posteri negabitis)

Emancipatus fœminæ &c.

quo in loco explicando quidam torquentur, & meo judicio perperam, nam Horatius improbat M. Antonii mollitiem, qui sese fœminæ, idest Cleopatræ emancipaverat, seu in mancipium, & dominium tradiderat; & ideo recte idem Cujacius monet parum interesse, utrum emancipationem dixeris, an mancipacionem. In jure vero non proprietatem nominis, sed rei effectum, & exitum spectamus, nam aliquem emancipatum intelligimus liberatum patria potestate. Verbum *usurpare* apud Latinos est in frequenti usu habere, apud nostros usucaptionem interrumpere; ut videre est in *tit. de usuc. in Digestis*, & hujus generis sexcenta. Eodem referri potest significatio earum rerum, quæ jure civili aliquo modo determinata est, quibus semper intellegitur quod jure est receptum, e. g. cum legi-

(d) *Epod. 9.*

legimus infantem , ex usu juris intelligimus minorem septem annis , l. 18. C. de *jur. delib.* , & quamvis infans ex eo dicatur, quia fari, & loqui non potest, l. 1. §. 1. D. de *adm. tut.* , nihilominus etiā demus minorem septem annis , loquai posse aliquando , tamen infans erit ; quapropter cum Hilpian. in l. 1. D. de *verb. oblig.* dicat stipulationem contrahere non posse nisi utroque loquente , & ideo neque mutuum neque sedum , neque infantem recte stipulari ; infans intelligitur non natura, sed jure , nam etiā minor septem annis loquatur ; tamen stipulatio non consistit.

Observandum præterea est , voces legum accipiendas ex usu eorum temporum , in quibus scribuntur , nam quædam voces diversis temporibus diversam significationem accipiunt : ut vox *sponsalia* in jure Romano semper significant mentionem , de propositis futurorum nuptiarum, ac in jure canonico accipiuntur interdum pro ipso matrimonio , unde invaluit distinctio inter sponsalia de præsenti , & de futuro : idem dicemus de voce *usura* , quæ in jure Romano latiorem , in jure canonico strictiori significationem habet.

Huc etiam pertinet regula , quam pro-

136 DE JURISCONSUTO
ponit Ulpianus in l. i. §. 1. D. quod quis
jur. verba semper cum effectu accipienda
eſſe; quapropter cum lex quid exprimit
non verbo tenus, sed effectus considera-
tur: cum legimus in jure aliquid esse de-
bitum, intelligimus vere debitum, non
quod verbo tenus est debitum, sed effe-
ctum non habet, ut est id, quod summo
jure debetur, sed per exceptionem aufer-
tur; veluti si promiserim quid stipulan-
ti, & stipulator postea pactus sit se non
petiturum, nihilominus teneor stipula-
tione, sed habeo exceptionem pacti: fin-
gamus igitur, me hujusmodi debitum
constituisse soluturum, queritur an præ-
atoria actio nascitur ex constituto? ait qui-
dem Prætor, ut refert Ulpianus in l. i. de
constit. pec., se actionem daturum adver-
sus eum, qui pecuniam debitam consti-
tuit, sed superior pecunia non est debita
juribus, ut inquit Pomponius, id est non
debetur revera, unde regula, nihil inter-
est ipso jure quis actionem non habeat, an
per exceptionem infirmetur, l. i. 12. de reg.
jur., quapropter ex superiore debito non
nascitur actio ex constituto. Sic etiam in-
telligimus quod dicitur, non nasci condi-
tionem indebiti, cum debitum est solu-
tum, nam de ejusmodi debito non accipi-
tur.

tur definitio. Ex eodem principio explicatur vulgo quod tradit Justinianus in §.item 18. de rer. divis., nempe lapillos, & gemmas fieri inventoris, hoc est ejus, qui cum effectu invenit, seu occupavit. Et placet valde opinio Bartoli, quam & Connanus probat (e), si statuatur pena in eos, qui noctu cum armis fuerint inventi, non teneri statuto eum, qui visus eo tempore fuerit armatus, nisi deprehendatur.

At quid dicemus, si verba legum sint ambigua, vel obscura? Et quidem certum est aliud esse ambiguum, aliud obscurum, l. 40. *D. de pactis*: Ambiguitas, quæ à μηδεσθαι græcis dicitur, est (ut ex Accursio Cuiacius notet), cum quod dictum, vel scriptum est duas, pluresve res significare videtur, vel cum ejus, quod dictum, vel scribitur, intellectus diducatur in duas partes; cum idem sermo, ut ait l. 67. *de regj. jur.*, duas sententias exprimit: Obscuritas aliud est, in obscurum queritur quid dictum, in ambiguo utrum dictum sit hoc, an illud. *Quint. lib. 7. c. 10. De ambiguitatibus singularem librum Julianus scripsit*, qui eleganter a-

Cu-

(e) lib. 3. com. 3. in fin.

Cujacum est expositus. Si de ambigua igitur voce legis loquamur, haec prima, & præcipua regula nobis a veteribus tradita est: *In ambigua voce legis ea potius accipienda est significatio, quæ vitio caret,* l. 18. D. de legibus: At quomodo deprehenderimus significationem, quæ vitio caret? Apte ad hanc rem doctiss. Grotius (f) tres locos constituit, ex quibus conjecturæ voluntatis promuntur, cum sermo est ambiguus: *ex subjecta materia, ex effectis, ex conjunctis.* Interpretatio ex subjecta materia Jurisconsultorum peculiaris est, ex ea enim facile deprehendimus quid legis author intellexerit; eleganter ait Paulus in l. 3. de reb. dub., *in ambiguo sermone non utrumque dicimus, sed id dumtaxat, quod volumus:* hoc subjecta materia facile indicabit, ut in hac specie: *Quidam damni infecti repromiserat vicino;* ex ejus ædificio tegulæ vento dejectæ ceciderant in vicini tegulas, easque fregerant; quæsitum est, an aliquid præstari oporteat? Lex quidem jubet, ut qui repromisit damni infecti, si damnum factum sit, teneatur illud præstare: Sed ambigitur, num omne damnum in condemna-

(f) *de jur. belli, cap. 16. lib. 2.*

damnationem veniat, an illud tantum, quod vitio ædificii, & infirmitate factum est; & hanc ambiguitatem Alphenus Varus in l. 43. *de damy. infect.* ex subjecta materia diluit, nam interpretatur illud tantum damnum, quod vitio ædificii factum est, non vento, aut aliqua vi extrinsecus admota, de quo & lex ipsa, & promissor sentiit. Eodem spectat Juliani regula in l. 67. *de reg. jur.* Quoties idem sermo duas sententias exprimit, ea potissimum accipiatur, quæ rei gerendæ aptior est. Hinc etiam efficitur, ut idem verbum modo generaliter, modo specialiter intelligatur ex subjecta materia, seu ex instituto loquentis; ut vox servitus significat omnem servitutem tum personalem, tum prædii; sed non semel in jure cum absolute legimus servitutem, intelligimus servitutem prædii, non personæ, ut in l. 4., & pene toto titulo *de servitutibus*; quapropter dum Ulp. in l. 72. *de verb. obligat.* ait generaliter servitutes divisionem non recipere, de prædialibus intelligit, nam constat usumfructum recipere divisionem. Sæpe quoque effectus, & consequentia genuinam verborum sententiam ostendunt, quæ est secunda species ambigui interpre-

tan-

tandi: ubi enim verba legum uno sensu accepta vel nullum, vel absurdum effectum post se trahunt, alio sensu accipienda sunt, quo scilicet vitio careant: Is ab antiquis Interpretibus, & ab Everardo in *topica juris* dicitur *locus ex absurdo*. Qua regula vulgare illud Doctorum temperandum est ex l. 10. *D. de Public. in rem act. ubi lex non distinguit, nec nos distinguere debemus*; Nam quando lex accipitur sine ulla distinctione, & absurdum secum trahit effectum, procul dubio est distinguenda.

Magna etiam ambiguis legibus lux assertur, si cum antecedentibus, & consequentibus conjungantur, facile enim apparet quid senserit legislator; unde Celsus nos monet, *incivile esse, nisi tota lege perspecta, una aliqua particula ejus proposita judicare, vel respondere*. Quod non tantum de una, eademque lege accipiendum est, sed de tota hac, qua utimur, librorum juris compositione, quæ mutuo cohæret, & ambiguitas unius partis ex alia tollitur: quapropter non potest recte quis Jurisconsulti officio fungi, nisi prius totum jus veluti in uno conspectu habeat. Eodem sensu eleganter a Paulo dictum est in l. 25. *de legibus, non est*

*est novum, ut priores leges ad posteriores trahantur: e.c. jus est, ut possint Parentes liberis mentecaptis substituere, legitima portione eis relata l. 9. C. de impub. & al. subst. Quæritur quomodo intellegenda sunt illa verba *legitima portione relicta*, ambiguum est, utrum legitima relinquenda sit titulo institutionis, an quovis modo, ut titulo legati, vel donationis: Et olim quidem poterat legitima quœvis titulo relinquiri, l. Papinianus §. si quis mortis D. de insuff. testam.; sed cum postea ex Novella Justiniani lege titulo institutionis relinquenda sit legitima, prior Constitutio ad hanc posteriorem trahitur, nempe ambigua verba *legitima portione relicta* accipiuntur tantum de titulo institutionis.*

Hoc etiam in ambigua voce legis faciendum est, ut quando res aliqua privilegio nititur, pro ea respondeamus, ut hac definitione nos Paulus monet in l. 85. de reg. jar. *In ambiguis pro dotibus respondere melius est; qua regula, ut eleganter ait Cujacius, instruit Paulus non Judices, sed Jurisconsultos, ait enim respondere; respondere autem est proprium Jurisconsultorum, pronunciare Judicium. Exemplum habemus ex Iuli-*
pia-

142 DE JURIS CONSULTO
piano in l. 2. de partibus doctis lib. Si convenerit, ut soluto matrimonio liberis intervenientibus dos apud virum remaneat, ambigua haec oratio est; potest enim intelligi, ut sive morte viri, sive mulieris, sive quocumque alio modo dissolvantur matrimonium dos sit penes virum vel liberos eius; vel potest intelligi, ut tantum per mortem mulieris dissoluto matrimonio penes virum dos remaneat; quae posterior interpretatio cum benignior sit, & causam dotis adjuvet, ne mulier indotata remaneat, Papiniano placuit, & probatur ab Hippiano. De libertate idem dicemus multo magis, nam, ut loquitur Paulus in l. ro. §. 1. de maria et iusta, in obscurro favorabilius respondemus servum liberum fore. Et generaliter semper in ambiguis benigniora præferendae sunt, etiam si causas proponamus, in quibus nullus favor, nullum privilegium inest, sed quae jure communia nituntur. Fingamus lege cautum esse, ne filius Decurionis sustibus cædatur; ambiguum est utrum is solus Decurionis filius dicatur qui conceptus, & natus est ex Decurione, an vero & is, qui antea natus est quam Pater Decurio fieret: Et quidem si utrumque filium Decurionis dicamus be-

benignior erit interpretatio, quia sequenda est Hippiano anthore in l. 23. §. 1. de Decurionibus. Quapropter generalis regula est, in paenitibus causis benigniorem sequendam esse interpretationem, seu benignius esse interpretandum, ut loquitur Paulus in l. 1. c. 5. de reg. iur.

De obscuris legibus videamus, seu in quibus queritur quid dictum sit: sunt equidem in libris nostris quedam obscuritates, sed quae facile evanescunt si Romanarum rerum notitia imbuti simus. Obscuritates (ut scire inquit apud Gellium (§) Sextus Cecilius) non ad signemus culpe scribentium, sed inscitiæ non ad sequentiam, quamquam si quoque ipsi, qui quæ scripta sunt minus percipiunt, culpa vacant, nam longa etas verba, atque mares veteres oblitteravit, quibus verbis enervibusque sententia legimus comprehendebat; loquitur quidem de legibus Deceunviralibus, in quibus minus adhuc erat sibi durata temporum illorum rusticitatem quedam inerant obscuritates, quæ non ita obviae sunt in jure, quo utimur. At si forte inciderint, videndum est num

CON-

(§) Lib. 20. cap. 1.

144 DE JURIS CONVENTU
consuetudo obscuritatem interpretata sit,
optima enim est legum interpres confusa-
tudo, ut dicitur in l. 36. *D. de legibus*, veb-
quid receptum sit interpretatione viro-
rum Prudentum. Postremo iisdem regu-
lis tintur, quibus in ambiguis legibus
nos uti debere diximus, nempe ex subje-
cta materia, ex effectis, ex conjunctis; &
principue inspiciendum est, num factum
magis, quam jus sit obscurum, nam se-
per in dubiis benigniora præferenda sunt,
ut Cajus monet in l. 56. *de reg. jur.*, cui
regulæ hanc speciem apponit doctiss. Go-
thofredus ex Ulpiano in l. 11. §. 1. *dereb.
dub.*: Legatum relictum est ancillæ sub
conditione si primum marem p^{re}severet
& uno utero mas, & femina nata est, sic
ut incertum sit utrum marem, an femi-
nam prius ediderit. In hac obscuritate
facti benignior facienda est interpretatio,
seu præsumendam primum marem natum
esse, quo ancilla ad libertatem possit per-
venire.

Hæc omnia si in promptu sicut ju-
ris studio facile dijudicabit ea, qua-
evera pars videntur, nam et si faten-
dum est aliquando pugnantia quedam in
libris juris reperiri, sive Compositorum
incuria, sive ex rei ipsius natura, tamen
quam-

quamplurima si recte accipiantur plana
fient, nec aliis contraria apparebunt;
sæpe enim antinomiae sunt ~~autem~~ ~~reversariv~~
secundum circumstantiam, ut non semel
Duarenus præsertim monet; quapropter
ei, qui multum in jure sit versatus, raro
occurrent antinomiae, qua de re sic pru-
denter idem Duarenus ait (^b): *Sed ple-
rumque accidit, ut homines non satis
exercitati, ac triti in hac civili scien-
tia rationes diversitatis non facile per-
spiciant, quamvis alioqui nec judicio-
careant, & doctrina, litterisque sint in-
structissimi: Nos autem, qui juris scien-
tiam profitemur, et si his omnibus rebus
fortassis inferiores, propter assiduam ta-
men lectionem, studium, meditationem,
contentionem, hoc adsequimur interdum,
ut diversitatem, ac dissimilitudinem re-
rum, quæ similes videntur aliis, facilius
percipiamus, & observemus. Nam & in
rebus quotidianis idem accidere solet, ut
Galeni exemplum satis ostendit de ge-
mellis, qui propter summam, quæ inter
eos est similitudinem, non possunt a quan-
libet oculatis hominibus discerni; sed
qui cum eis assidue morantur, ac vivunt,*

K

dissi-

(^b) *in tit.de legib.cap.10.*

146 DE JURISCONSULTO
diffimilitudinem eorum cognitam, & perspectam habent. Quo nomine Budæus a Cujacio reprehenditur his verbis (ⁱ): *Antinomiae quæ sint, Budæus non percepit, sed habet pro antinomiis, quæ facilia sunt; & alibi idem Cujacius et si diversa ex causa sic reprehendit Carolum Sigoniu[m] (¹): Alii quam Jurisconsulti bis de rebus, quæ nostræ artis sunt propriæ, scribere non timent: Navim agere ignarii n[on] navis non est, inter quos Sigonius quem tamen honoris, & laudis causa nominamus; sed quis non peccet in arte non sua? Is non Jurisconsultus dum de jure libros scribit, & in eis, quæ attinent ad manumissionem vindicta, multa peccat &c.*

Hactenus exposuimus, quibus modis ex ipsis verbis voluntas legum dignoscenda sit, quod recte cognovisse non parum interest, sic enim quid sibi voluerit legis author, intelligimus: *quod enim certius, inquit Cicero (^m): legis scriptor voluntatis suæ testimonium relinquare potuit, quam quod ipse magna cum cura,*
at-

(ⁱ) in l. 5. C. de cond. indeb.

(¹) in tit. Cod. de vind. liber.

(^m) lib. I. de invent.

atque diligentia scripsit; Et hoc passim in Pandectis a Prudentibus, præcipue in interpretatione Edicti Perpetui fieri vide-
mus. Antistitium Labeonem Jurisconsul-
tum nobilissimum, cum alicubi valde
commendasset Gellius, ad postremum ad-
dit: *Latinarum vocum origines, ratio-*
nesque percalluerat, eaque præcipue
scientia ad enodandos juris laqueos ute-
batur. At non sola verba plenam scri-
bentis voluntatem nobis demonstrant,
nam sæpiissime præter simplicem verbo-
rum significationem videtur aliud sen-
sisse legis author, quod cognosci potest
vel ex ratione, vel ex æquitate, quæ es-
se supra diximus alia argumenta, qui-
bus præter verba, mentem legis inspici-
amus; quapropter haud injuria doctissi-
mus Grotius (n) eos reprehendit, qui
confundunt rationem legis cum men-
te, seu voluntate legis, cum ratio
sit unum ex indiciis, sive argumentis,
quibus intelligimus, quid sibi voluerit
legislator, seu quibus mentem veniamur,
ut eleganter ait ipse Grotius. Et acute
haec ipsa distinguit vir nostra ætate cla-
rissimus Johannes Baptista Vicus in libro

148 DE JURISCONSULTO
de uno universi juris principio, & fine
uno. Et quidem cum prudentissimi le-
gum authores leges suas scribunt, vel ge-
neraliter loquuntur, vel ea eligunt, quæ
frequenter accidunt; nam omnino fieri
non potest, ut omnes species, omnes ar-
ticuli legibus comprehendantur; qua-
propter potestas facta est viris prudenti-
bus, ut si quando cognoverint aliquam
facti speciem verbis legum non com-
prehendi, at comprehendendi ipsarum vo-
luntate, tunc statim secundum legem
pronuncient; huic enim incommodo
authores legum occurrere non potue-
runt, occurruunt sapientes viri, prout
se offeret occasio; quod videtur Julianus
sensisse his verbis (°): *Neque leges,*
neque Senatusconsulta ita scribi pos-
sunt, ut omnes casus, qui quandoque in-
ciderint, comprehendantur, sed sufficit ea,
quæ plerumque accidunt, contineri. Et in
hoc versatur præcipue munus Juriscon-
sulti, ut ea, quæ non expressit, sed ta-
men sentiit Legislator, ipse pronunciet,
ita ut si ille præfens adesset, ita ediceret;
unde erit & ad respondendum, & ad
agendum, & ad cavendum peritus, quæ
pro-

(°) 1.9.de legibns.

propria esse Jurisconsulti dictum est libro superiore. Hoc Aristoteles acute admundum proponit in libris Nicomach. ad hunc modum : *Quando loquitur quidem lex universaliter, accidit vero præterea aliquid præter illud universale, tunc recte agit, qui id quod omisit legislator, & in quo peccavit simpliciter loquens, corrigit omisum, ita quemadmodum legislator loqueretur, siquidē præsens ibi esset, & quemadmodū si scivisset, legē tulisset.* Et hoc generale est nō tantum in iis, quæ ex scripto jure veniunt, sed & quæ veniunt ex moribus, vel ex jure gentium. (P) Id quidem præstari non potest, si verba tantum legum teneamus, sed necesse est, ut teneamus earum vim, & potestatem, ut eleganter ait Celsus (q): Hæc, propria est *justi*, atque *injusti* scientia, ut ab Ulpiano (r) ea definitur ars, quam profitemur; nam dum verba tantum legum interpretamur proprio munere non defungiimur, id enim, & qui cœteras artes profitentur præstare possunt; at dum

K 3 ci-

(P) vid. Grotium de jur. bell. lib. 2. cap. 2. num. 6.

(q) in l. 16. de legib.

(r) in l. 10. de just., & jur.

150 DE JURISCONSULTE
civium componimus controversias ex le-
gum voluntate, in propria versamur arte,
in qua summa doctrina, summo inge-
nio est opus. Et libenter accedo Francisci
Connani sententiae (^s) existimantis, ma-
gis ingenio in hac arte opus esse, quam
diligentia, & labore, et si utrumque re-
quiratur; quidquid ignavum vulgus
contra sentiat. In hac quidem arte quan-
tum veteres præstiterint Interpretes, om-
nibus ferme notum est; sed quoniam plus
æquo proprio ingenio indulgere volue-
runt, dubium reliquerunt apud doctos
viros, utrum eorum diligentia nocuerit
magis, an profuerit juris facultati. Mihi
vero impræsentiarum in animo est viam
aperire adolescentibus, qua intelligere
possint quid proprium sit hujus artis;
non ita ut ipse omnino dux essem, sed,
ut dici solet, digitum ad fontem intende-
re volo; nam paulatim & prudentia, &
cognitione rerum, & ipsorum librorum
juris affidua lectione magis, magisque in
sua arte proficient.

Sed hic in limine videndum breviter
quid sibi velit Justinianus in *L. ult. C. de
legibus*, dum ait: *Si in praesenti leges*
con-

(^s) cap. i. comment.

condere soli Imperatori concessum est , & leges interpretari solo dignum imperio esse oportet . Siquidem his verbis videtur omnis nostra disputatio inutilis futura , cum interpretatio legum non ad Juris consultos pertineat , homines quidem privatos , sed ex imperiali pendeat arbitrio . Verum animadvertisendum est Imperatorem hic loqui , quando lex scripta vel nullo modo intelligi potest , vel aliqua species occurrat , quæ utpote nova , neque verbis legum , neque sententia comprehendi potest , tunc enim prouidubio ad Principem eundum est , cuius propria est hæc interpretatio , quæ mera interpretatio ab eodem Justiniano eleganter dicitur ; tunc enim dicunt etiam Jurisconsulti ipſi , qui non tantum ſibi adrogant , ut de ea re quicquam statuere poſſint , dicunt Principem eſſe ad eundum , auctoritate , & conſtitutione Principum opus eſſe , ut in l. i. t. d. que D. de fideicom. libert. & alibi ; quo videtur Julianus illis verbis respexiſſe (t) : Et ideo de iis , quæ primo conſtituantur aut interpretatione , aut conſtitutione optimi

(t) in l. i. o. de legib. ubi vid. Cajac.

Principis certius statuendū est. Quare ait Cujac. in l. 10. D. de lib. & post. Justinianus supplet, quod destitutus lege Pomponius non potuit, interpretandi enim jus babemus, supplendi sine lege autoritatem non babemus. At quando incidentes species ad legum voluntatem trahi possunt, tunc Jurisconsultorum munus est hujusmodi interpretatio: Nam quī fieri potest, ut senserit Justinianus, ut in qualibet facti specie protinus Princeps adeatur, cum ad hoc, & Judices, & Jurisconsulti sint constituti? Sed age ad rem veniamus.

Præcipuus modus, quo præter legum verba aliud sensisse Legumlatores percipimus, est ratio legis, quæ & causa finalis, & impulsiva non male a quibusdam dicitur (et si quidam magis proprie aliud esse putent finalem causam, aliud impulsivam, sicuti non idem omnino est ratio legis, ac mens legis) : quapropter Ulpianus in l. 1. de ædilit. edit. causam Edicti ædilitii proponendi ait fuisse, ut occurratur fallaciis vendentium, & emptoribus succurratur. Lex vel generaliter scripta est, vel ita ut unam tantum speciem facti verbis exprimat; semper tamen ubi ejus ratio deprehendatur, eam esse legis men-

mentem , seu sententiam dicemus , ut in omnibus iis speciebus , in quibus eadem ratio adpareat , idem jus observetur , idque est , quod vulgo dicitur , *ubi eadem ratio, idem jus* : Et hoc cum Ulpiano in *L.201.de verb.signif.justam interpretationem appellare possumus* , quod sic explicat Cujacius (u) : *Justa interpretatione est, si augeantur significaciones verborum ex sententia legum; justa interpretatione, id est ipso jure, quia & ex legibus dicitur esse id, quod est ex interpretatione, siquidem idem Ulpianus in L.6.eod. tit. ait: Verbum ex legibus sic esse accipiendum tam ex legum sententia, quam ex verbis.* Et non videtur inepta Bartoli sententia , quam & Duarenus sequitur (x) , existimantis actiones directas non minus dici eas , quæ sunt ex verbis , quam quæ sunt ex mente legis ; utiles enim actiones illæ tantum dicuntur , quas per extensionem , suppletionem ad utilitatem publicam interpretatio introduxit , ut pluribus dicemus infra ; et si vulgo inter hæc nulla

con-

(u) in *L.2.D.de excus.tutor.*

(x) de oblig.&c. art. cap.7.

154 DE JURIS CONSULTO
constituatur differentia: Quin cōstans Interpretum sententia est, non minus nullam esse eam Judicis sententiam, ita ut appellatione non sit opus, ex l. 19. *D. de appellat.*, cum expresse contra iuris verba prolata fuerit, quam cum contra sententiam; & non minus peccat, authore Paulo in l. 28. *de legib.* qui contra legem facit, quam qui salvis verbis legis sententiam ejus circumvenit; quod ipsum sic expreſſerunt Impp. in l. 5. *C. de legib.*
Non dubium est in legem committere eum, qui verba legis amplexus, contra legis nititur voluntatem, nec pœnas inseratas legibus evitabit qui se contra iuris sententiam sœva (potius hic legerem severa) prærogativa verborum fraudulenter nititur.

Sed quoniam hanc interpretandi artem nulli melius quam Romani Jurisconsulti excoluerunt, ab eis exempla petamus, utpote qui optime cognoverint artem boni, & æqui, justi, atque injusti scientiam; ex ipsis enim non tam Romanas leges addiscimus, quam hanc artem, qua omnino in omnibus legibus recte interpretandis opus est, si recte velimus propria scientia nostris civibus consulere. Et quidem si diligenter libros Pandecta-

&tarum legimus, Jurisconsultorum operam, & studium in eo versari videbimus, ut Leges, Senatusconsulta, & præsertim Prætorum Edicta omni cura, & diligenzia explicit, eorumque rationes inquirant, unde ea deducunt, quæ ad causas, articulosque incidentes pertinent, & hinc passim in illorum fragmentis illa verba legimus: *unde tractatum est, unde quæ situm est, qua ratione &c.* Demus aliquod exemplum: ex D. Marci Oratione factum fuit Senatusconsultum, quo cavebatur ne tutor, vel Curator pupillam, vel minorem uxorem duceret, antequam finita fuerit administratio, ejusque rationem reddiderint; idque factum est ne daretur occasio tutoribus, vel curatoribus fraudandi minores; fieri enim posset, ut dum has nuptias ambiunt, administrationis suæ fraudem tegant. Si igitur hoc nobis Senatusconsultum erit interpretandum, semper dicemus ex sententia Senatus nuptias prohiberi, cum perspexerimus hujus fraudis suspicionem esse, quod recte a veteribus factum est, quorum interpretationes ad hoc Senatusconsultum habemus in Pandectis tit. de ritu nuptiarum. Verbis Senatusconsulti tutores, & curatores prohibentur; quid ergo

156 DE JURISCONSULTO
ergo si proponamus horum hæredem
quamvis extraneum nuptias appetere &
dicemus ex sententia Senatus, & hujus
nuptias prohiberi, uti recte Callistrato-
vifum est in l.64.his verbis: *Senatuscon-
sulto, quo probibentur tutores, & filii
eorum pupillas suas ducere, puto hære-
dem quoque tutoris extraneum sententia
apprehendi*: cum ideo (ratio Senatus
consulti) prohibuerit hujusmodi nuptias,
ne pupillæ in re familiaris circumscribi-
tur ab his, qui rationes eis gestæ tutelæ
reddere compellantur. Fingamus iterum
eum, de cuius nuptiis agitur, non esse
tutorem, sed ejusmodi, ut nihilominus
periculum tutelæ ad eum pertineat, ut
si quis se a tutela falsis allegationibus
excusaverit; dicemus ex eadem ratione,
Paulo authore in l. 60., & hunc sententia
orationis, seu Senatusconsulti contineri.
Ulterius progrediamur: verbis Senatus
consulti prohibetur tutor uxorem ducere
pupillam, sed an & sponsalia prohibita
sint? & recte idem Paulus existimat tuto-
rem ne desponderi quidem posse, non
minus enim fraudis suspicio est in nu-
ptiis, quam in sponsalibus. Possem &
alia exempla hujus Senatusconsulti affer-
re, quæ brevitatis gratia omitto.

Non

Non tantum ex ratione legis efficitur, ut verba latius accipiantur, seu ut plenam habeant significationem, vel plenam accipient interpretationem, ut cum nostris loquar (y) sed etiam quandoque strictius accipiuntur, modo ea legis videatur sententia, et si ut loquitur Paulus in *l. xi. de in jus vocando*, legis verba non patientur. Sit exempli loco nobilis sane species, quæ ab Illypiano proponitur in *l. 20. §. 2. de bonor. pos. contra tab.*. Ex manifesta Prætoris æquitate collatio bonorum inducta est, ut scilicet filii emancipati, qui ad bonorum possessionem contra tabulas Prætoris beneficio admittuntur, & fiunt participes cum his, qui sunt in potestate bonorum paternorum, etiam conferant in medium propria bona, ut simul cum suis dividantur: sive, duo sunt Fratres, unus emancipatus, alter suus, & emancipatus sit præteritus, suus institutus ex quadrante, extraneus ex dodrante; & emancipatus petat bonorum possessionem contra tabulas, & obtineat, an exit locus collationi?

Quam-

(y) *l. 38. §. in faviana de usuris l. 18. §. 1. de constit. pec. l. 4. de fundo dot.*

158 DE JURISCONSULTO
Quamvis ex verbis Edicti (inquit Ulpianus) collatio inducatur , ex mente Prætoris denegandam eam respondetur . Siquidem edicti ratio hæc fuit, ut emancipatus , qui partem detrahit , & incommodum affert suis hæredibus per collationem aliquo commodo eos sublevet ; at in præsenti specie suus per bonorum possessionem emancipati majus habet emolummentum , nam excluso extraneo hærede instituto in dodecante , veluti ab intestato duo semisses fiunt hæreditatis paternæ , & singuli singulos capitatus , quare emancipatus nihil confert fratri suo , quia concursus , seu interventus emancipati commodum affert suo hæredi , non incommodum ; nam sine bonorum possessione quadrantem haberet , non semissem.

Sumamus exemplum , in quo utrumque genus interpretationis adpareat , idque erit ex ea parte Edicti Prætoris , quis promittit se minores vigintiquinque annis restituturum : Edicti verba sic habent : *Quod cum minore , quam viginti-quinque annorum natu gestam esse diceatur , uti quæque res erit animadvertam . Ratio hujus Edicti , Ulpiano authore in l.i.de minoribus hæc est : nam cum inter* omnes

omnes constet fragile esse, & infirmum
bususmodi etatum consilium, & multis
captionibus suppositum, multorumque
infidiss expositum, auxilium eis Prae-
tor pollicetur hoc Edicto. Si nobis igitur
hujusmodi Edictum interpretandum pro-
ponatur, haec semper inspicienda sunt ex
Prætoris sententia, scilicet ut ille, qui
est restituendus, & sit minor, deque ejus
negotio agatur, & ut in agendo ali-
quo modo sua facilitate sit laesus: Finge
minorem filium familias petere restitu-
tionem, quid dicendum sit videamus; &
quidem ex sententia Prætoris, si in con-
tractu filii familias Patris commodum
versetur, continuo dicemus non esse re-
stituendum, quandoquidem, inquit Ulli-
pianus (2), non hoc Prætori fuit pro-
positum, Prætor enim minoribus auxilium
promisit, non majoribus; idque ratio Edi-
cti facit, nam ideo Prætor minoribus suc-
currat, quia horum ætas, & consilium fa-
cile detrimentum sentire potest, quod in
specie proposita non timetur, cum non
de minoris commodo, sed majoris aga-
tur; quapropter sic generaliter definit

III-

(2) in l.3. §. utrum.

160 DE JURISCONSULTO
Ulpianus, in iis tantum negotiis minor
est restituendas, quæ ipsius intersunt, pu-
ta si sit obligatus: Ecquidem Pauli sen-
tentia est in l. 68. de reg. jur. ubi persona
conditio beneficio locum facit, ibi defi-
ciente ea, beneficium quoque deficere.
Idem dicendum est, si dominus major
minori servo aliquid gerendum manda-
verit, vel quicumque aliis. Promittit
Prætor se restituturum, quod cum mi-
noribus gestum est; in quo si Edicti verba
captare volumus, dicemus in iis tantum
casibus minorem restituendum esse, in
quibus cum alio gessit, vel contractu
non autem cum quid fecit ipse solus
vel hereditatem adeundo damnosam,
lucrosam repudiando, vel cum sese obli-
gavit ex quasi contractu; haec enim vera
ba cum minoribus gestum non id viden-
tur significare; Ulpianus vero in l. 7. eod.
ex Prætoris sententia gestum erit, ita ac-
cipiendum nos docet, qualiter qualiter
sive contractum sit, sive quid aliud con-
tigerit; voluntas enim Prætoris fuit
ut restitueret minores laesos ob infirmi-
tem ætatis; non minus autem potest mi-
nor laedi, si quid solus egit, quam si egit
cum alio. Ex quo apparet justam inter-
pretationem efficere, ut verba aliquando
con-

contra propriam significationem accipiantur; & quidem recte; nam quorundam nomina, ut inquit Tubero apud Celsum,
 (a), nisi ut demonstrent voluntatem dicentis? cum igitur adparet aliud sensus Scriptorem, quam verba significant, ab eis recedendum est. Quapropter quod Marcellus existimat (b) in testamentis, nempe ut a significatione verborum recedamus, cum manifestum est, aliud sensus testatorem, puto & rectissime in legibus interpretandis dici posse. Quia eadem ratione Ilpianus in *l.i.nautæ, caupones &c.* in interpretatione Edicti verbum *nautæ* strictius, quam ejus fuit significatio ex Edicti sententia accepit. Prudenter Cicero pro Cæcina: *Stultum est, cum voluntas, consilium, & sententia legis intelligitur, verba amplecti, banc negligere.* Sed revertamur ad Edictum de Minoribus. Ait Prætor: *uti quæque res erit, animadvertis;* quæ verba ita accepta sunt a veteribus, ut promittat Prætor se emendaturum, restituturum, si minor

L quid

(a) in l.7.de sup.legat.

(b) in l.67.de legat.33

quid gerendo sit læsus , & si sit læsus sua
facilitate , seu lubrico ætatis ; quod recte
ex Edicti mente factum est. Proponamus
Minorem tutore , aut curatore authore
rem vendidisse , & ex pretio ejus credito-
ri suo satisfecisse , aut alio modo pecu-
niam in rem ejus versam esse , hæreditati-
tem repudiasse damnosam , ex mutuo sese
obligasse , sed ex pecunia , quam accepit ,
locupletiorem factum esse ; dicemus non
restitui eum , nihil enim hic proponitur
cur dicendum sit minorem læsum esse.
Sumamus & alias facti species : Gessit
quid minor , & læsus est , sed ideo quia etsi
consulto ab initio rem gessit , ut quivis
alius sani consilii fecisset , tamen postea
casu læsus est , ut si servum necessarium ,
vel equum ad usus familiares sibi com-
paravit , & mox decesserunt , non restitue-
tur ; non enim , inquit Ulpianus in l. 12. §.
sciendum eod . , eventus damni restitutio-
nenem induget , sed inconsulta facilitas .
Idem dicemus , si hæreditatem adierit lo-
cupletem , quæ subito lapsa est (puta
prædia fuerunt , quæ chasmate perierint ,
insulæ exustæ sunt , servi fugerunt , aut
decesserunt) non enim lubrico ætatis ca-
ptus est , sed fato , quod cuivis Patrifami-
lias , etsi diligentissimo , contingere posset .

Mal-

Multo magis dicemus minorem non restituī, si quid dolo suo fecit, & Iæsus sit, infirmitas enim iudicij, non calliditas auxilium meretur.

Sed exemplorum ad hanc rem plus sat-
tis. Illud vero est animadvertendum, si
recte velimus legum sententias explicare
factorum genera diligenter considerari
oportere, plerumque enim in causa, seu
in facto jus positum est, ut ait *I. 53. D.*
ad leg. Aquil.; & in summa videndum
est, an tale jus in facto, quod proponi-
tur, dici possit recte, seu sine offensa legis,
ut utar verbis *Ulp.* in *I. 6. de postul.*, pro-
culdubio enim offendimus legem cum
eam aptamus speciebus longe positis. Et
quamvis Jurisconsulti, ut monet Cujacius
(^c) questionem juris dirimunt, questionem
facti Judices, vel etiam ea mittitur ad
Rhetores, qui de ea probabiliter differunt
apud Judicem, ut solebat Gallus Aqui-
lius cum de facto consulebatur, eam quæ-
stionem remittere ad Ciceronem; at non
tamen ideo minus quandoque Juriscon-
sulti in interpretatione facti versantur,
quo pertinent illa verba, quæ non semel
in illorum responsis occurrunt: *quid*

L 2

actum

(^c) *lib. I. qu. Pauli in I. 34. de neg. gest.*

164 DE JURISCONSULTO
actum sit videndum: Facta quidem pri-
rumque pendent ex hominum affectio-
ne (^d) at quando dubia sunt, tunc magis
opus est aequitate ad eorum interpretatio-
nem, unde & Jurisconsulti officio, quo
principue spectat Pandectarum titulus de
rebus dubiis.

Ex hoc fonte, nempe ex rationibus
legis, quædam sive regulæ, sive axiomata
juris nata sunt, quæ vulgo de interpre-
tatione circumferuntur eodem tamen
pertinentia, quæ a nobis breviter propo-
nentur: Cuicquid in legibus in una
specie exprimitur, multo magis idem di-
cemus ubi major ratio adpareat, quod
Modestinus nos docere voluit in explica-
tione Edicti de excusationibus tutorum
(e). Quapropter ei servo, cui pacto ven-
dictionis pomærio civitatis interdictum
est, urbe etiam interdictum esse cen-
set Papinian. in l. 5. de serv. ex-
port., quod quidem, inquit vir Juriscon-
sultissimus, cum alias Principum man-
datis præciperetur, etiam naturalem habet
intellectum, ne scilicet, qui caret mino-
ribus fruatur majoribus.

Eo-

(d) vid. l. 18., & 39. de act. empti.

(e) l. 15. de excusat. tut.

Eodem pertinet, quod dicitur, nunquam debere nos, quod pro aliquorum utilitate inductum est, ad eorum incommodum interpretari; & ideo pupillus ex omni contractu sine tutoris autoritate obligari non potest, adquirere autem sibi stipulando, & per traditionem accipiendo etiam sine tutoris autoritate potest, nulla enim juris ratio patitur, ait l. 24. D. de legibus, ut quæ salubriter pro hominum utilitate introducuntur, nos duriore interpretatione contra ipsorum commodum producamus ad severitatem. Certi juris est, exhaeredationem tum jure antiquo, tum novo Novel. Justin. ut cum de appellat. cogn. debere ex justis causis fieri: fingamus Patrem non ut noceat filio, sed potius ut proficit eum exhaeredasse, ut est species Illpiani in l. multi 18. de liberis, & postum., multi non nota causa, inquit, filios exhaereditant, nec ut eis obfint, sed ut eis consulant, ut puta impuberibus, eisque fidei commissam hereditatem dant; an dicimus necessariam esse in hac specie causam exhaeredationis, ita ut omissa exhaeredationem infirmet? nequaquam, ne scilicet, quod salubriter in rem aliquorum introductum est, sinistra interpretatione

166 DE JURIS CONSULTO
adversus eorum utilitatem convertamus.
Idem videre est in hoc exemplo : Qui filium habebat mutantum puberem impetravit a Principe, ut muto substituere sibi licet , & substituit Titum ; quapropter usus est substitutione quasi pupillari, cum mutus testamentum facere non potuisset , & ei fecit jure patriæ potestatis ; mutus duxit uxorem post mortem Patris, & nascitur ei filius ; ex facto apud Paulum quæsumum est in l.43.de vulgari , an rumpatur testamentum , respondit his verbis : *Beneficia quidem principalia ipsi Principes solent interpretari ; verum voluntatem Principis insipientibus potest dici, eatenus id eum tribuere voluisse quantum filius ejus in eadem valetudine perseverasset, ut quemadmodum jure civili pubertate finitur pupillare testamentum, ita Princeps imitatus sit jus in eo, qui propter infirmitatem non potest testari . . . Etenim iniquum incipit fieri beneficium Principis si adhuc id valere dicamus, auferret enim testamenti factionem homini sanæ mentis: igitur etiam agnatione, &c.*

Quin etiam recte in jure receptum est, posse quemquam iis renunciare , quæ sui favoris gratia inducta sunt , nam secus beneficia contra legis mentem iniqua essent :

sent; modo non lædatur jus publicum ex generali definitione Papiniani in *l. jus publicum 38.de pactis*; *jus publicum privatorum pactis mutari non potest*; ut in exemplo, quod idem proponit in *l. ult. de suis, & legit.*; filia ita dotem accepit a Patre, ut ne quid aliud ex hereditate Patris speraret, renunciavit enim paternæ hæreditati, respondit non posse hoc patero *jus publicum*, *jus successionum immutari*, cum jure publico ad Patris hæreditatem filii vocentur; quamvis postea contrarium receptum sit, ita ut eo jure amplius non utamur. Idem dicemus in Senatusconsultis Macedoniano, & Vellejano; & quamvis in posteriore receptum sit vulgo, ut possit ei renunciari, tamen verius est renunciationem non consistere, cum jus publicum lædatur, ut a doctis viris est animadversum (^f). Et hoc quidem ex ipsarum legum voluntate, non enim creditur juris authores id sensisse, ut privati suis conventionibus publicum jus tollerent, cum alias inutilis fuisset futura ipsorum industria. Legimus quidem non semel in jure, pri-

(^f) vid. *Donell.*, & *Hillig.* lib. 12. com. cap. ult.

168 DE JURIS CONSULTO
vatorum pacta juri publico derogasse, sed
id vel maxime sit ex mente, aut permis-
su legis, aut constitutionis, aut Edicti,
ut annotat Cujacius in *quaestionibus Pa-*
pinianni in l. 38. in fin. : Superiorum re-
gulam explicat Ulpianus in l. 7. §. si paci-
scar de pactis, posse nos pacisci, seu re-
nunciare in omnibus iis, quæ non ad pu-
blicam læsionem, sed ad rem familiarem
respiciunt, ut in superiori exemplo Pa-
piniani, et si non possit filia paternæ hære-
ditati renunciare, tamen recte potest pa-
ternam hæreditatem sibi delatam repudia-
re (§); hoc enim non ad jus publicum,
sed ad rem familiarem pertinet.

Receptum etiam in legum interpreta-
tione est, ut dum legis author vult con-
sequens alicui rei, & antecedens ex tacita
voluntate eum voluisse recte dixeri-
mus, cuius rei non obscura exempla ex-
tant in libris juris: hoc argumento re-
ctissime senserat Atilicinus, referente
Paulo, tacite servo proprio libertatem
datam esse, si a domino hæres sit institutus,
cum servis enim nulla nobis est testa-
menti factio; cuius sententia merito a

JU-

(ε) ex l. 13., & 18. de adquir. hæred.

Justiniano est confirmata (h). Mensis etiam , seu voluntatis legum explicatio , & interpretatio est cum dicimus , non tantum ea prohiberi , quæ verbis legis exprimuntur , sed et ea omnia , quæ ad eundem perducunt finem , eundemque habent effectum : quare Senatusconsulto de petitione hæreditatis non is tantum tenetur , qui tamquam prædo cæpit res hæreditarias possidere , sed & qui justam causam ab initio habuit apiscendæ possessionis , postea vero conscius ad se nihil hæreditatem pertinere , prædonis more versari cæpit , quæ sententia , utpote ex Senatus voluntate Illpiano probatur in l. 28. §. de eo D. de petit. hæred. : *Et quamvis , inquit , nihil Senatus de eo loquatur , puto tamen , & ad eum mentem Senatusconsulti pertinere ; parvi enim refert ab initio quis dolose in hæreditate sit versatus , an postea hoc facere cæperit.* Sunt & aliæ ex iisdem principiis profectæ regulæ , quæ etsi a Nicolao Everardo , aliisque Doctoribus nostris non sine multo pulvere proponantur , tamen ut modo dicebat Papinianus , naturalem habent in-

(h) in Institut. de hæred. instit.

intellectum, ita ut operosa non indigeant disputatione, ut: a contrario sensu legis voluntas dignoscitur: legibus expressa videntur ea omnia, quæ insunt rei, quæ de agitur: cum quid legibus conceditur, & id omne intelligitur concessum, sine quo non potest id obtineri; inde Jaboleni sententia est in l. 2. de Jurisd., cui Jurisdictio data est, ea quoq; concessa videri, sine quibus Jurisdictio explicari non potest.

Ex his omnibus, quæ exemplorum loco a nobis apposita sunt, facile quis percipiet hanc normam legum interpretandarum ex earundem rationibus non minus certam, quam ubique firmam esse debere: quorsum enim scriptæ leges, nisi ut voluntas legum authorum nobis innotescat? cum igitur verba earum ad hanc rem non sufficiunt, necesse est omnino, ut illarum rationes inquiramus, quæ certissima argumenta sunt scribentium voluntatis. Quare meo judicio, non male a quibusdam ratio legis esse dicitur *anima legis, ipsa lex*: qui igitur vim, & potestatem legum tenere velit, & rationes ipsarum teneat necesse est. Sed hic nos impediunt vulgares Interpretes, qui, ut alias sæpe, superioris regulæ fallentias, quas ipsi dicunt, limitationes,

ex-

exceptiones varias comminiscuntur ; sed perperam : quæ enim omnia ab ipsis adferuntur vel maxime superiorem regulam confirmant . Et quidem sciendum est, aliquando rerum , & personarum circumstantias id efficere in jure interpretando , ut a generali legis ratione aliquantulum recedamus, idq; ex benignitate , & æquitate juris , quod dum facimus legum voluntati paremus , benignius leges interpretandæ sunt , inquit Celsus in *I. 17. de legib.*, quo earum voluntas conservetur; qua de re plenius infra cum de æquitate erit sermo . Quin etiam generalibus legum rationibus non comprehenduntur ea , quæ in aliis juris partibus alia de causa recepta sunt ; hoc enim credendum est , & Legislatorem voluisse : Sumamus ad hanc rem exemplum ex Edicto de Pactis (ⁱ) : Ait Praetor Pacta conventa, quæ neque dolo malo, neq; adversus leges, plebiscita, Senatus consulta, Edicta, Decreta Principum , neque quo fraus cui eorum fiet, facta erunt, servabo (hoc est ex eis actionem dabo). Hujus Edicti æquitas , sive ratio naturalis est, inquit Ulpianus in *I. 1. de pactis.*, quid enim

(ⁱ) *I. 7. §. Praetor ait de Pactis.*

enim tam congruum est fidei humanæ, quam ea servare, quæ inter eos placuerunt? hæc ratio generalis est, & omnes pactiones comprehendit; non comprehenduntur tamen pacta nuda, idest quæ præter conventionem nihil aliud habent, ex quibus actio non nascitur⁽¹⁾; sed speciali ratione; quia hæc conventiones per facilitatem magis, & jactationis causa, quam serio factæ videntur; quo pertinet Papiniani regula^(m): *in toto jure generi per speciem derogatur*. Sed hæc proprie exceptio non est, nam hæc videatur fuisse Prætoris mens, ut generali ratione non comprehendenterentur ea, de quibus in alia juris parte propria ratione cautum est. Illud etiam hac in parte est animadvertisendum, tunc verum esse, quod supra posuimus, jus idem dicendum ubi eadem ratio adparet, si vero secus diversum, cum ratio legis comprehendit plura genera factorum, quæ æque ut plurimum evenire solent; nam si ita lex scripta est, ut ex aliqua ratione quid constituatur, quod fere semper eodem modo accidat, etsi perquam raro quando-

(1) d.l.7.6. sed cum nulla.

(m) l.8o. de reg.jur.

que aliter se res habeat , ita ut recedatur a ratione legis , tamen jus mutandum non est ; idque ideo , quia præsumendum est de eo casu , qui raro accidere solet , Legislatorem non cogitasse , ob eamque causam dicemus ejus voluntatem hanc esse , ut semper jus eodem modo dicatur ; quoniam , ut ait Teophrastus referente Paulo *l. 6. de legib.* , τὸ γένεται οὐ δις παραβάντοι αἱ νομοθέται , idest quæ semel , aut bis accidentur contemnunt legislatores : Ut in his exemplis : testamenti factio impuberibus adempta est , ea ratione , quia cum testamentum sit voluntatis nostræ justa sententia , non videtur quis justè sentire , nisi post annum decimumquartum , quæ ætas jure ad testamenti factio definita est ; sed etsi im- puberes aliquando judicium aliquod ha- beant , quo rei suæ consulere possint (ut in urbanis pueris non unquam videmus) ita ut recedatur a ratione legis , tamen jus mutandum non est , id namque solet raro evenire , & jura , inquit Celsus in *l. 5. eod.* , aptantur ad ea quæ frequenter , & facile non quæ perraro accidentur . Fæmi- næ ab omnibus officiis civilibus remotæ sunt , & ideo nec judices esse possunt , nec magistratum gerere , nec postulare , nec

pro

174 DE JURISCONSULTO
pro alio intervenire , nec procuratores
existere l. z. de reg. jur. ob infirmitatem
scilicet judicii , tamen et si ejusmodi
mulieres existant , quæ & summa pru-
dentia , & animi judicio præditæ sine
nihilominus cum id raro accidat , ab eo
jure recedendum non est.

Plus difficultatis habet , quod vulgo
dicitur , pœnales leges stricte semper in-
terpretandas , eas vero quæ personarum
beneficia , & favores continent amplian-
das esse . De hac vero re , ne passim in er-
rores incidamus , sic habendum est : Non
minus pœnales leges , & favorabiles , ut
nostris Docto^rs loquuntur , quam cæte-
ræ ex scribentis voluntate interpretan-
dæ sunt , ita ut si quando expresse adpa-
reat hanc esse legis mentem , ut pœnales
leges latius accipiatur , quam verborum
fert significatio , id faciendum sit , con-
tra vero favorabiles eodem modo restrin-
gantur ; neque ad hoc probandum desunt
exempla in libris nostris : Aquilium Ple-
biscitum , vulgo lex Aquilia , pœnale est ,
quod & a Justiniano traditur in Institu-
tionibus , & nihilominus per interpreta-
tionem ita acceptum est , ut tertium ejus-
caput , ultra verba , exigente sententia , ex-
tenderetur , ut idem Justinianus , & illip.
nos

nos docent in l. 29. §. ult. ad leg. Aqu., nam verbum plurimi, quod in primo tantum capite expressum erat, in tertio per interpretationem adiectum est, unde poena ampliata fuit. Huc etiam facit interpretatio ejusdem Ulpiani ad Senatusconsultum Sillanianum in l. i. D. de S.C.Sil.. Cautum fuerat hoc Senatusconsulto ne mortuo domino, qui a familia occisus diceretur, tabulae testamenti aperirentur antequam haberetur publica quæstio de servis, qui sub eodem tecto, locoque fuissent; ejus igitur verba interpretans Ulpianus sic ait: *Domini appellatione etiam filii familias, cæterique liberi, qui in potestate sunt continentur Quid deinde dicemus si liberi non sint in potestate;* Marcellus libro duodecimo Digestorum dubitat: *Ega puto plenius accipendum, ut etiam ad eos liberos pertineat, qui in potestate non sunt.* E diverso leges, quæ favorem continent, seu beneficia, strictius aliquando ex earum sententia accipiendas esse palam est ex iis, quæ supra diximus de beneficio restitutioonis minorum, aliisque exemplis, quæ consulto omittimus, Verum cum hujusmodi leges dubiam habere videntur sententiam, tunc poenales benignius acci-

piunt.

piuntur, favorabiles eo modo, ut quam
maxime profint iis, pro quibus latæ sunt;
unde regula juris: *in pœnaliibus causis
benignius interpretandum est l. factum.*
155. §. ult. de reg. jur. (n): Et in l. 3. de
constit. Princ. *beneficium Imperatoris,*
quam plenissime interpretari debemus.
Hæc eadem dicenda sunt de legibus, quæ
privatam respiciunt utilitatem, quæque
privilegia adpellantur; nam etsi vulgo
traditur eas stricte accipiendas ita ut ex-
tra verba non sit producenda interpreta-
tio, tamen id verum est cum extra casum
propositum ad exemplum hujusmodi le-
ges trahere velimus, ut dicemus infra,
non autem cum in eodem casu manifesta
adparet constituentis voluntas, tunc
enim, & plenius privilegia accipienda
sunt, quod bene a doctiss. Grotio est a-
nimadversum (o) de jure commeandi,
belli tempore, extra inducias, quod cer-
te privilegium est, ubi laxior interpreta-
tio locum habebit ex valde urgentibus
conjecturis; unde colligit datum militi-
bus commeatum non ad medios tantum,
sed

(n) *vide sis Gotfred. in com.*(o) *lib. 3. de jur. bel. cap. 21. §. 14.*

sed ad summos duces porrigi, quia verbi proprietas admittit eam significationem, quamquam est & alia strictior, sic nomine clericorum venit Episcopus &c.

Ex iis, quæ huc usque proposuimus facile dignoscitur Jurisconsulti munus nullibi melius, quam in libris Romani juris, quale esse debeat, apparere; in his enim veterum interpretationes ad Romanas leges summa prudentia, summa rerum scientia editas legimus: huc videotur respexisse Franciscus Hotomanus in libello *de optimo genere juris interpretandi*, in quo nihil aliud præsttit, quam ut exponeret consuetudinem Romanorum Prudentum in legibus interpretandis; verum eo modo, ut magis doctos, quam Tyrones ad eam rem sua opera aliquantulum adjuvaret. Et sane quis ignorat, quantam utilitatem Romano juri ex hac interpretandi arte attulerint Prudentes, ut appareat ex formula Galli Aquilii de postumis instituendis, quæ a Scævola refertur in l. 29. de lib. & post., & tantum nostrorum exagitavit ingenia, ex Cautione Muciana, ex Stipulatione Aquiliana, ex Regula Catoniana, & id genus sexcentis; ita ut quanto quis doctior esset, tanto magis novis inventis

ius civile per interpretationem locupletaret, quo nomine Papinianum eleganter Cujacius laudat (P). Mitto qua prudenter ab iis antiquitus actiones legis cōpositæ sint, quibus inter se homines, ut ait l. 2. *de orig. jur.*, disceptarent, & quam multa disputatione fori inducta sint: quo sensu illi appellati sunt juris anthores, iuris conditores, iura constituentes, ut notat Rævardus (9). Quæ igitur in universum de ratione legum interpretandarum tradi nequeunt (ut sunt quamplurima, quæ ex rerum qualitate nonnumquam variantur, ita ut de de iis in genere certi aliquid percipi vix possit, ut recte admonuit (1) Viglius Zulchemus) ex legendis veterum fragmentis, quæ in Pandectis referuntur, juris studiosus sine errore colliget: id ipsum Franciscus Duarenus sentiit (2). Sed pergamus. Illam etiam percipiemus utilitatem ex librorum juris diligentia studio, quod non in singulis factorum spe-

(P) *in l. ult. de jure fiscis*(9) *de aut. prud. cap. 14.*(1) *in tit. Instit. de militari test.*(2) *in tit. de legib. cap. 9.*

speciebus, quæ occurunt, semper inquienda sit ratio legis, & legislatoris mens, cum ut plurimum incidentes controversiae expresse reperiuntur in iis libris, ubi non tam leges, quam Romanarum legum interpretationes leguntur, quæ saepissime singulas species, singulas hypotheses continent; unde ansam arripuit Laurentius Valla emunctæ naris, acrique judicio grammaticus, ut nostros irrideret, qui singula juris authorum capita, quæ legum continent interpretationes, leges appellant, cum longe aliud sit legem esse, & habere vim legis: sed injuria, nam cum Pandectarum compositione ex Justiniano legis autoritatem habeat, ita ut sit tanquam una magna lex in plura capita disperita, recte singula illa capita leges appellamus; cum & apud authores Romanæ linguae, ut apud Tacitum, legimus Julias leges, Julias rogationes plurativo numero, quod multa contineant capita, licet una tantum fuerit lex, ut singula capita legum non male appellantur leges, sicut leges Papiae dicuntur eadem ratione, quamvis una fuerit lex, ut notat Cujacius in titulo *Cod.de cad.tol.*

Sed non in hoc tantum consistit Juris-

consulti munus, progreditur ulterius; idque cum species in legibus expressas per similitudinem ad alias aptat, etsi diversi generis; superior enim disputatio in eo tantum versatur, ut ex ratione legis mens legislatoris ad species ejusdem generis aptetur, nunc dicendum quomodo aptanda sit ad species diversas per similitudinem rationis. Sed ne res in obscurro sit, utamur exemplis: Jure duodecim tabularum expresse, & nominatim ad legitimam pupilli tutelam vocantur adgnati, & hoc summa providentia factum esse Ulpianus ait in *l. 1. de legit. tut.*, ut qui sperarent successionem, iidem tuerentur bona pupilli, ne dilapidarentur. Ex hac ratione interpretatio eo processit, ut ad tutelam liberti patronus vocaretur, etsi id duodecim tabulis expressum non fuit; quod sic eleganter idem Ulpianus proponit in *l. 3. tutela legitima, quæ Patronis defertur a lege duodecim tabularum, non quidem specialiter, vel nominatim delata est, sed per consequentias hereditatum, quæ ex ipsa lege patronis datæ sunt*. Hoc quidem etsi lege non fuit expressum, tamen ratione comprehensum erat. Ulterius processit interpretatio, nam cum pater filium pupillum

lum emancipat, etiam ejus legitimam tutelam nanciscitur, & id neque ex verbis 12. tabularum, neque ex sententia, nam mens legis ea fuit, ut qui ad successionem vocantur, vocentur etiam ad tutelam: atqui Pater non vocabatur ad successionem ex 12. tabulis, quia per emancipationem sublatum est jus agnationis, unde tutelæ legitimæ locus erat. Verum ad similitudinem tutelæ Patronorum hæc Parentum inducta fuit, eo quod Parens, qui filium manumittit, patroni quodammodo manumissoris personam induit *l. 10. de suis*, & legit. Hac de re nos voluit admonere Justin. in *l. ult. C. de legib. dum* ait: *Si Imperialis Majestas causam cognitionaliter examinaverit, & utrisque partibus minus constitutis sententiam dixerit, omnes omnino Judices, qui sub nostro imperio sunt, sciant hanc esse legem non solum illi causæ, pro qua producta est, sed & omnibus similibus; quod ipsum & Theodosius voluit in l. 3.* Nec eo minus idem nobis de libris Pandectarum dicendum est, siquidem ubi deprehenderimus quid a Jurisconsultis scriptum esse in una specie, & in alia simili idem dicemus. Et hæc propria dicitur ampliativa, exensi-

182 DE JURISCONSULTO
va interpretatio, ut nostri Doctores lo-
qui amant; & recte a Cujacio in l.un. C.
de rei ux. aff. laudatur Azo, qui ad eum
locum sic ait: *Nota argumentum a simi-
litudine, vel inductione, quo plurimum
usus est Socrates in suis sermonibus, ut
est in Topicis Marci Tullii.* Hac in re
Juliani verbis uti possumus in l. 11. de
legib. Non possunt omnes articuli singula-
tim aut legibus, aut Senatusconsultis
comprehendi, sed cum in aliqua causa
sententia eorum manifesta est, is qui ju-
risdictioni præst ad similia procedere,
atque ita jus dicere debet. Idque genera-
liter apud Plutarchum philosophus sum-
mus Stoicæ Sapientiæ Chrysippus mo-
nuit, ut quæ legeremus in una re, ad cœ-
teras omnes, quæ parem rationem habe-
rent, traduceremus, sic enim fore, ut
uberiorem ex studiis nostris fructum ca-
piamus: Huc respexit Tertullianus in l.
26. de legib. Semper quasi hoc legibus
inesse creditur (inquit) ut ad eas
quoque personas, & ad eas res pertineant,
quæ quandoque similes erunt. Sed ne qua-
oriatur dubitatio, quasi non liceat inter-
preti usque adeo progredi, ut quæ minus
legibus comprehenduntur, ab ipso sup-
pleantur, age exempla Jurisconsultorum

pro-

proferamus. Edicto Provinciali, seu Proconsulis Edicto cautum fuerat, ut Caius refert in l. 32. *D. ad leg. Aquil.*, ut si servorum familia furtum fecerit, non in singulos pœnæ persequutio detur, sed sufficere id præstari quod præstandum foret, si id furtum unus liber fecisset: quod idem in actione damni injuria dati observari debere idem Caius existimat, nempe ut si familia servorum damnum dederit, non singuli teneantur, sed eo modo tanquam si unus homo liber dedisset; sed et si hæc species damni injuria dati ad Proconsulis Edictum non pertineat, nihilominus ob similitudinem idem jus existimavit Caius dicendum, idque diserte exprimit his verbis: *Cum enim circa furti actionem hæc ratio sit, ne ex uno delicto tota familia dominus careat, eaque ratio similiter & actionem damni injuria interveniat, sequitur, ut idem debeat existimari.* Quidni igitur & nos idem dicemus, ubi deprehenderimus plures species, et si diversas, eandem habere rationem? Et in summa illud hac in respiciendum est, an reddi possit ratio diversitatis, ut loquitur Ulpianus in l. 3. de *injust. rupt.* circa filium natum, & posthumum, scilicet an quid diversum dici

possit in una potius specie, quam in alia; nam si reddi potest ratio diversitatis, non est recta interpretatio, non est bona collectio, ut loquitur Cujacius in *tract. i. ad Afric.* . Jabolenus in *l. 108. de verb. oblig.* ideo hanc stipulationem, si qua mihi nupserit, decem dotis ejus nomine dare spondes? valere existimat, quia eadem hic ratio videtur esse, ac si ita sit stipulatus, si Titius in Capitolium ascenderit, decem dare spondes? quod certum est jure consistere, unde sententiam suam confirmat his verbis: *cur non idem & in dote promissa respondeatur, ratio reddi non potest.* Huc pertinent actiones, quae dicuntur in factum accommodatae alicui legi: dicuntur actiones, & exceptiones accommodari, ait Cujacius *lib. 2. quæst. Pap.* (c) *hoc est infletti, & transferri in causam, in quam proprie non conveniebantur, ut in lege Aquilia, qua verbis legis tenetur is, qui præcipue corpore suo alicui damnum dederit, sententia vero, si quis non corpore suo alienum corpus quovis modo læserit; sin vero ita quis nobis damnum intulit, ut nec corpore suo*

(c) *in l. ult. D. de translat.*

suo damnum dederit, neque corpus læsum fuerit, veluti si quis misericordia ductus nostrum servum compeditem solverit, ut fugeret (^u), non pertinet hæc species ad legem Aquiliam, Prætor tamen per interpretationem, utilitate suadente, hanc speciem adcommodat legi Aquiliae, seu reddit actionem in factum, ut ait *l. ii. de præscript. verb. accommodatam legi Aquiliae*; eodem pertinet actio quasi Serviana, seu ad exemplum Servianæ introducta, actio quæ ad exemplum institoriæ datur in eum, qui mutuis accipiendis pecuniis procuratorem præposuit (^x); Sic etiam interdicendum *ut i possidetis* exemplo rerum soli competit quoque de superficie, ut observat Cujacius (^y). Huc etiam spectat substitutione quasi pupillaris, quæ fit mentecaptis filiis, vel nepotibus post annum decimumquartum ad exemplum substitutionis pupillaris recepta, quam veteres Doctores exemplarem appellant. Hæc igitur ratio legis ampliandæ de una specie

(^u) *§. ult. inst. de leg. Aquil.*

(^x) *vid. l. 19. de inst. aet.*

(^y) *17. obser. 2.*

cje in aliam Jurisconsulti propria , & peculiari est , adeo ut non semel in argumentum trahantur ea , quæ longe posita sunt . Animadversione equidem dignum est , quod refert Cujacius lib. 16. quæst. Pap. in l. 26. *D. si quis omis. caus. testam.*; cuius legis cum ea sententia sit , ut si Pater institutus hæres nolit hæreditatem adire , & jubeat adire filium substitutum , ad hoc ut adquirat hæreditatem , sed non obstringatur legatis in institutione relictis , teneatur nihilominus legata præstare , tum ea , quæ in substitutione , tum quæ in institutione relicta sunt ; illud generaliter infertur , ut qui affectat compendium cum alterius incommodo non sit audiendus ; quapropter hæc refert Cujacius : *Et potest hæc sententia aptari multis casibus , & aptari audivi in Senatu contra aliquem , qui quod compendiosius esset cathedra juris civilis , optat deponere cathedram juris Canonici.*

Verum enim vero omni diligentia , & cura hac in parte versari debemus , ne fortassis aliquando per errorem , dum ad similia leges producere volumus , contra eorum mentem jus novum inducamus : Et utinam hac in re nostri Interpretes minus ingeniosi fuissent , melius certe

juris

juris disciplinæ consuluissent. Veteres quidem, inquit Viglius⁽²⁾, valde anxi fuerunt, & parci in constitutionum extensionibus, cum nos similitudinis argumento nimium licenter utamur. Quapropter Jurisconsulto diligenter inspicendum est, an species, cui jus receptum aptare vult, similitudinem ejus præferat, & an aliqua ratio ut diversum pronuncietur, expositulet; sufficit enim vel minima civilis ratio diversitatis ad hoc, ut aliter pronunciemus; ut in exemplo supra proposito ex Cajo de actione damni injuria datæ, quæ eodem modo exercetur, ac actio furti, de qua Edictum proposuit Proconsul, quia utraque species omnino similis est, & nihil magis in una potius, quam in altera dici potest; verum si servorum familia album Prætoris corruptit, Pauli sententia est in l. 9. de jurisd. in singulos servos pœnæ persecutionem dari, non ut in Edicto de furto; ob civilem sane rationem, quia majestas Prætoris severius est vindicanda; sicuti etiam, si servi injuriam alicui inf-

(2) §. Item suriosi Instit. quib. non est perm. facilius.

ferunt, singuli tenentur, non tanquam ex uno facto, sed ex pluribus; & diversitatis ratio est, quia sive furtum fecerint, sive damnum dederint, cum damnum aestimetur, parum interest, utrum plures sint, an unus, & ideo aequum est e modo omnes teneri, tamquam si damnum unus dedisset; at cum injuriam inferunt, tanto major est injuria, quanto a pluribus admissa est, & ideo singulorum proprium est maleficium, & adversus singulos danda est actio *l. si plures 34. D. de injur.* Siquidem ratio diversitatis naturalis est, & ideo facilius dignoscitur e. g. Similia sunt stagnum publicum, & flumen publicum, siquidem de utroque interdicta Praetoria competunt, & de utroque idem jus dicendum est; verum jus alluvionis, ut quod ex alluvione praediis nostris accedit, nostrum sit, in stagno locum non habet, & ratio naturalis est; est enim alluvio cum flexu, & motu aquae, aliquid detrahitur uni ripae, & eodem motu alteri adjicitur; hic flexus, & motus fluminum proprius est, non stagnorum *l. lacus 12. D. de adquir. rer. dom.* Plerumque ratio diversitatis ex naturali hominum affectu dicitur, unde jus diversum pronunciatur: Tradit Ulp. in *l. i. §. si stipulan-*

lanti de verb. oblig., si me viginti stipulanti decem respondeas, tantum in decem contractā esse obligationē, nam et si oporteat congruere summam, attamen manifestissimum est viginti & decem inesse: Fingamus me tibi decem fundū in locare, te existimare quinque conducere, an in hoc errore dicemus in quinque saltem contractam esse obligationem exemplo speciei superioris? Nequaquam, sed nihil agitur *l. si decem 54. D. locati*; siquidem alia causa est locationis, alia stipulationis; in locatione qui decem vult, non vult quinque; siquidem decem existimare videtur rem suam, aliter alii fortassis locatus fuisset; at qui stipulatur decem, etiam quinque stipulatur, quæ decem continentur, deinde ex voluntate, nec ea recusare intelligitur, cum non minus decem, quam quinque sine ullo onere gratis accipit. Illud etiam animadvertere debemus, ut rationes legis non ita generaliter accipiamus, ut semper iis ad argumentum utamur; siquidem et si aliquando generalem rationem leges reddunt, tamen non semel in quibusdam speciebus locum non habent, qua in remittum in modum errarunt veteres interpres, unde in hanc disciplinam ineptas

ptas sententias invexerunt, & tutati sunt argumentis longe petitis per ineptas interpretationes. Questionem non sine multo pulvere agitavit Bartolus, an donatio omnium bonorum jure consisteret; & cum ea de re in libris juris nulla fieret mentio, argumenta quæsivit, & præcipue ex *I.61.de verb. oblig.*, ubi dicitur inutilis esse hanc stipulationem, tanquam contra bonos mores, si hæredem me non feceris, tantum dare spondes? Et ratio videtur esse, quia per hanc stipulationem libera testandi facultas aufertur; ex hac ratione movetur Bartolus, ut existimet donationem omnium bonorum non valere, quia per eam aufertur libera testandi facultas. Sed hoc argumentum nimis generale est, nam præterquamquod potest donator post donationem, & alia bona adquirere, unde testari possit, ex eo sequeretur nec omnium bonorum venditionem consistere, nec arrogationem peragi posse, cum per ea etiam auferretur testandi voluntas: Hujusmodi exempla passim occurrunt in libris veterum inter pretum, quapropter eorum opiniones non oscitanter sequi debemus.

Videndum quoque est, num species, quæ in legibus exprimitur, exempli loco

ap-

apponatur, an tamquam exceptio; nam si exempli loco ad consequentias eam producere possumus, si sit exceptio nequaquam: ut in l. 23. de verb. obl. dicitur, si hominem certum ex legati causa, aut ex stipulatu mihi debeas, adhuc teneri eum te præstare, si mortuus sit culpa tua: hic de homine certo concepta est definitio, & eo qui ex legati causa, aut ex stipulatu debeatur; tamen universi generis hæc definitio est ad omnem rem pertinens, quæ debetur, sive ea mobilis sit, sive immobilis, sive animata, sive inanimata, & sive certa species sit, sive quantitas certa, puta quæ in arca est, nec quidquam refert, qua ex causa debeatur. At e diverso cum species tamquam exceptio profertur, ulterius progre- di non possumus, idque est, quod vulgo dicitur *exceptio firmat regulam in contrariis*, seu *in casibus non exceptis*; quod adeo verum est, ut et si in quibusdam ob similitudinem rationis jus idem dicatur, tamen si aliquando unum tamquam exceptio proponatur, non possumus per similitudinem ad alterum procedere; nihil magis in jure pro simili habetur, quam tutor, & curator, ita ut fere semper, quod de uno dicitur, exten- da-

datur ad alterum : at regula juris est tu-
torem habenti, tutor non datur l. 9. C. qui
pet. tut. ; hæc est veluti exceptio alterius
regulæ , qua sit ut deficiente uno ex ad-
ministratoribus , detur alius , quapropter
dum tutor tantum excipitur , non possumus de curatore idem dicere , de quo
contrarium sic definit Modestinus l. 20.
de tut., & curat. dat. Curatorem habenti
quominus alius curator detur, regula ju-
ris non est impedimento. Semper igitur
dum exceptionis loco proponitur species
aliqua , non possumus ad alia procedere:
quapropter assentiri non possum Cujacio
in Novel. 63. , qui probat Harmenopuli
sententiam existimantis constitutionem
Zenonis , qua prohibetur ædificari intra
certum spatiū, dum auferuntur prospectus
maris , etiam ad montium prospectum es-
se porrigendam , siquidem dum Zeno ex-
pressit mare, exceptionem proposuit, un-
de noluit ad similia progredi , secus
expressisset omnem omnino prospectum,
non solius maris . Hinc etiam fit, ut non
probetur mihi quorundam opinio , qui
causas exhaerationis, etsi a Justiniano ad
numerum quatuordecim redactas , ad
alias per similitudinem porrigunt , nam
cum Justinianus quatuordecim enumerat

ex-

exceptionis loco eas proponere videtur,
ita ut ex aliis non sit locus exhæredatio-
ni ; quid enim erat opus enumeratione
(inquit (^a) Viglius) aut cur queritur
Imperator ab antiquis graviore causas
fuisse prætermisssas, si hic licita erat exten-
sio ? aut in quo veterum altercatio subla-
ta est, si adhuc alias licet assumere ? Nut-
quam certe gravius ab interpretibus pec-
catur, quam in hac extendendarum legum
licentia . Quin *hac in re uti possumus*
alia regula, nempe exhæredationem utpo-
te pœnalem adjuvandam non esse ; idque
& supra monuimus ; hoc modo scilicet
intelligendum est , quod dicitur pœnales
leges non esse amplandas , cum nempe
eas ad similes casus protrahere volumus,
nam in iisdem speciebus , in quibus ra-
tio facit , ut eadem sit mens legislatoris,
nihil est impedimento , quominus dicam-
mus pœnales leges per interpretationem
adjuvari , secus vero est , cum ad similia
procedendum erit . Quapropter dum ad
similes casus , vel eos , in quibus major
adparet ratio , pœnalem legem protrahere
volumus , nova lege opus est , cum inter-
pretatio non sufficiat ; non desunt in ju-

N

re

(^a) *S. ult. Instit. de exhæred. liber.*

re hujus rei exempla. Et duodecim tabulis, & lege Atinia cantum fuit, ut rei furtivæ æterna authoritas esset, ut est apud Gellium, (^b) idest, ut res furtiva nunquam posset usucapi, nisi in domini potestatem reverteretur; lata deinde fuit lex Julia, & Plautia, ut etiam rerum vi possessarum usucapio inhiberetur, ut est apud Justinianum in *Institutionibus*; at quid opus fuit novis istis legibus, dicet aliquis, siquidem, cum vis furtum improbum sit, duodecim tabulae, & lex Atinia cum furtivarum rerum usucaptionem inhiberent, vi possessarum satis inhibuisse videntur? hoc ideo factum fuit, quia existimarent veteres, interpretatione non ita facile legis prohibitio nem alio trahi posse. Crimen expilatae hæreditatis improbum quoque furtum esse dicitur, quia tamen furtum proprie non est, non impedit rei usucaptionem l. 70. cum seqq. *D. de furtis*, unde ad hanc rem nova lege opus esset. E diverso nec privilegia ad similia extenduntur, quapropter sic ait regula juris Pontificii (^c), quod alicui gratiose conceditur,

trabi

(^b) lib. 17. cap. 7.

(^c) cap. 74. de reg. iur. 6.

trahi non debet ab aliis in exemplum ; ut sunt beneficia Principis , quæ et si plenisime interpretanda esse supra diximus ex l. 3. de constit. Princ., tamen id intelligendum est in iisdem casibus, iisdem personis, ex Principis sententia; at non sunt producenda ad similia. Nobile exemplum habemus ex Africano in l. 22. de milit. testa. , scilicet ut privilegium , seu beneficium Principis , ut testamentum militiae tempore factum , intra annum post missionem valeat , ad eos tantum pertineat , qui mitti solent , ut sunt verba constitutionis, non ad præfectos , neque tribunos , aut cæteros , qui successoribus acceptis militare desinunt . Hoc autem ideo fit , quia privilegia continent jus singulare contra rationem juris , unde ad consequencias producenda non sunt l. 13. de legib. ; quapropter substitutio , quæ ex Justiniani constit. l. 9. C. de impub. , & aliis substit. fit mentecaptis , non recte ad multos , & surdos extenditur , et si nec hi sibi possint facere testamentum , (qua ratione in ea constitutione usus est Justinianus,) quia est contra rationem juris , & ideo nova lege ad hanc rem opus esset ; idque licet intelligere ex substitutione pupillari , quæ cum ab initio fuisset introducta , ut

196 DE JURIS CONSULTO
cum impuberis sibi testamentum facere
non possent, parentes eis facerent, nemo
tamen fuit ante constitutionem Justinia-
ni, qui hoc jus propter similitudinem
produceret ad liberos puberes mentecap-
tos, quare & a Principe hoc impetraba-
tur in ceteris liberis, qui sibi testamen-
tum facere non poterant, ut habetur
in *I. ex facto 43. D. de vulgari*. Ideo
autem, quod est contra rationem juris
ad consequencias non producitur, quia
speciale rationem habet, & non de-
bemus a specialibus ad generalia ar-
gumentum sumere. Quamobrem au-
diendus non est Cujacius, qui cum ad-
versus receptam sententiam opinetur, an-
te diem solutioni appositam, in vito credi-
tori solvi non posse, ad suam sententiam
firmandam utitur facto Romanorum,
qui, Carthaginesibus offerentibus pecu-
niam, quam pluribus pensionibus in
multos annos debebant, responderunt,
nullam se pecuniam ante diem acceptu-
ros; nam hoc speciale exemplum iustitiae
Romanorum ad generale jus male produ-
citur. Ex hoc etiam adparet verissimam
esse politiorum Interpretum sententiam,
inter quos praeципue est Donellus, qui
existimat rescriptum Constantini *I. 8. C.*

de

de rev. donat., quo Patronis conceditur, ut possint donationem revocare post liberos suscepitos, si libertis bona sua donaverint, ad alias personas porrigidum non esse, utpote jus singulare; eti in foro contrarium observetur ex veterum interpretatione.

Hæc eadem nobis observanda sunt, si agatur de interpretatione novi juris, quo scilicet jus antiquum abrogatur, hac enim in re sic habendum est: quicquid novis legibus non exprimitur, id veterum legum, constitutionumque regulis reliatum intelligendum est, ut generaliter ab Impp. monemur in l. 32. C. de appellat. ; siquidem ita hæ leges a nobis sunt accipiendæ, ut earum sententia ad alias articulos non porrigitur: Est quidem nova lex tanquam species singularis, qua generali antiquo juri derogatur, & in toto jure generi per speciem derogatur, sed non ad alias species progredimur, & quod non est expressum non ad novum jus, sed ad jus antiquum pertinet; & hoc præcipue spectandum est in Novellis Justiniani si recte eas interpretari velimus; & in jure municipali, quo communai derogatur. Quapropter nōa male Neapolitani iutis Interpretes do-

N 3 cent

cent jus Regni nostri esse stricti juris, seu
strictè accipiendum. Id ipsum est obser-
vandum in feudorum jure, nam quod in
eo non exprimitur, ad jus commune per-
tinet. Quapropter in eodem, et si pactum
investituræ semper observetur, ita ut il-
lud constituto juri deroget, tamen &
pactum strictè est interpretandum, siqui-
dem nisi in pacto specialiter exprimitur
quod abroget jus receptum, omissum in-
telligitur, ita ut a jure non recedatur,
e.g. hæredis appellazione omnes successo-
res intelliguntur tam masculi, quam fœ-
minæ *l. 170. de verb. signif.*, & certum est
jure communi feudorum fœminas ad suc-
cessionem non admitti, verum admitten-
das eas esse, si in investitura id exprima-
tur: fingamus aliquem exprimere in in-
vestitura feudum se accipere pro se, &
suis hæredibus, an fœminæ admittentur?
receptum est non admitti (^d), quia et si
hæredis nomine fœminæ quoque intelli-
gantur, tamen cum agitur de abrogatio-
ne juris recepti, verba strictè intelligenda
sunt, ita ut omissum habeatur, quod non
est expressum.

Ex

(d) *vid. Duar. de jur. scad. cap. 10.*

Ex his omnibus colligitur, officium Jurisconsulti præcipue positum esse in eo, ut inquirat rationes constituti juris, sic enim & mentem legislatoris recte explicabit, & si quando opus fuerit, ad similia procedere recte poterit. Sed quoniam modo, dicet aliquis, rationes, causasque constituti juris inveniet Jurisconsultus, cum ut plurimum capita juris sine ratione scripta legantur? Et quidem in Pandectis, ubi Jurisconsultorum vel disputationes, vel quæstiones, vel ad ad Edictum interpretationes leguntur, rationes ut plurimum reddi solent, ubi vero responsa, raro, verum, diligentia adhibita, quod in uno capite de est, nos ab alio sumemus vel ejusdem tituli vel alterius partis; & ideo supra monuimus ut antecedentia, & sequentia, & inscriptiones cujusque capitinis legantur; nam multoties librorum iuris ordinatores interpretationes unius, ejusdemque authoris ita se jungunt, ut unam partem ad eum locum adcommoden, cui magis facere videtur, alteram aliis, unde sit, ut saepe in uno fragmento ratio desideretur, quæ expressa legitur in alio. Si vero nulla ratio in jure scripta adpareat, quod præsertim accidit in Principium

200 DE JURIS CONSULTO
constitutionibus, tunc doctissimi inter-
pretes consulendi sunt, quorum opera
in eo potissimum esse debet, ut ratio-
nes, causasque constituti juris patefa-
ciant, ut monet Vultejus in lib. *de prin-
cipiis juris*. Quapropter non admodum
laudandi videntur ii, qui dum interpre-
tationes ad jus civile scribunt, in vanis
quæstionibus, & controversiis immoran-
tur, nec explicant rationibus allatis
mentein legislatoris; audiamus hac de re
Cujacum in oratione quadam habita in
Academia Bituricensi: *idem quoque, in-*
quit, in Doctore nostro requiro, ut ni-
bil unquam tradat obscure in jure, quan-
do non redigat ad æquitatem, & facili-
tatem juris, & quod tradit, patefacta ra-
tione, quæ & juris animus, & medulla
dicitur, præclare, & perspicue tradat.

Et quidem et si videatur ad majestatem
legum pertinere, ut ipsarum rationes nul-
læ reddantur, quasi deceat obedientia
potius leges venerari, quam de eis inqui-
rere; & nihil aliud nobis de legibus pro-
nunciare liceat, quam Pythagoreum illud
avros ἔρα, sicut statutum fuisse apud La-
cædemonios, & Cretenses lib. I. de legib.
tradit Plato; tamen cum Romanæ leges,
quibus utimur, sapientissimorum viro-
rum

rum pronunciata secundum regulas naturalis æquitatis sint potius, quam Legumlatorum authoritati subnixaæ ordinationes, ideo in ipsis & rationes habentur, & nobis datum est rationes inquirere: quapropter non abs re erit, si videamus, quibus modis rationes a Jurisconsultis reddantur. Et primo certum est solere aliquando Jurisconsultos quædam proponere, quæ ita natura certa sunt, ut in dubitationem revocari non possint, & de iis nulla ratio redditur, & frustra quæritur; unde solent velut geometræ quædam non docere, sed postulare; aliquando vero quædam proponunt, quæ tota pendent ex civili quadam ratione, nempe ex usu, & moribus civitatis, ita ut si speciale civitatis tollatur institutum, naturâ nihil vetat, ut non dici possit contrarium; quapropter non semper naturalis ratio reddi potest; & eleganter ad rem Duarenus (e): *non enim necessarias rationes a Jurisconsulto exigere debemus, ut a mathematico quopiam, sed probabilibus, ac civilibus nos contentos esse oportet auctore Aristotele.*

In-

(e) *disp. annivers. lib. 2. cap. 17.*

Innumera quidem sunt in jure, quæ civium utilitas aliquo modo suasit, ut constituerentur, non necessaria naturalis ratio; utilitas enim est justi mater, & æqui, ut ait Horatius. e.g. si queratur ratio, cur septem testes in testamentis adhibendi sint, cur legitima portio filiis jure debita sit triens, vel semis, cur præscriptio decem, vel viginti annorum spatio terminetur, & id genus sexcenta; hæc enim non alia ratione inducta dicendum est, quam quod ita ex commodo Reipublicæ terminari recte juris authoribus est vi- sum, unde non est necesse, ut de iis ve- ram, & naturalem reddamus rationem. In hanc sententiam dictum est a Neratio in l. 20. de legib., rationes eorum, quæ constituta sunt inquirere nos nō oportere; Nam si generaliter Prudentis verba acci- piantur, vereor ne reprehendi possint; quid enim magis civilis scientiæ pro- prium est, quam rationes eorum, quæ cōstituta sunt inquirere? in quo & ipsi ju- ris nostri Consulti summa ope adlaborarunt. Hoc igitur sentit Neratius, non opus esse nos rationes eorum, quæ aliquo modo ex præceptis, & principiis civili- bus ad Reipublicæ utilitatem constituta sunt, inquirere, sed sufficere tantum nos scire

scire ita recepta esse , aliter facile subver-
ti possunt , seu dici , & alio modo ea re-
cipi potuisse , idque & ab ipsis Consultis
sæpiissime factum est in explicandis præ-
sertim , interpretandisque veterum regu-
lis , quæ ut utar verbis Tryphonini l.31.
Depositii non æstimantur ad merum jus
gentium , sive naturali , sed cum præce-
ptis civilibus , & prætoriis ; nam de
iis , modo de regulis constaret , non
multum anxii erant , an veras redderent
rationes (f) ; quapropter anxii multum
esse non debemus , an ratio legis bona sit ,
an secus , modo constet de legislatoris vo-
luntate . Et injuria quidem Cujacius (g)
reprehendit constitutionem quandam Re-
gni Neapolitani , qua a Carolo Rege sta-
tutum fuit , ut non liceret renunciare
beneficio l.8. *D. si quis cautionibus &c.*
ubi dicitur posse se defendere reum exce-
ptione , si post paucos dies , quam judi-
cio sisti se promisit secum agendi potesta-
tem fecerit ; & reprehendit etiam Inno-
centium Tertium , qui in cap. 12. de foro
comp. prescribit , non posse Clericum juri
suo ,

(f) vid.Cujac. lib.17. obser.cap.15.

(g) tract.7. ad Afric. in l.trajectitia
D.de act., & obligat.

suo, seu foro Ecclesiastico renunciare, utiturque Pontifex ea ratione, quia non licet juri publico privatorum pactis derogari (^h); tamen etsi rationes, quibus & Carolus, & Innocentius moti sunt, fortassis omnino veræ non videantur, tamen iis contenti esse debemus, & multo magis cum sint rationes civiles potius, quam naturales, unde timeri non possit, ut jus naturale subvertatur, quod sane iis licitum non fuisset. Huc respexit Julianus *l. 19. de legib. his verbis*: *Non omnium, quæ a majoribus nostris tradita sunt, ratio reddi potest.* Quæ verba etsi admodum prudenter a Jurisconsulto sint prolatæ, ab indoctis pragmaticis, & leguleis, quam temere, & inconsiderate passim effutiuntur! quare hoc Juliani fragmentum a viro docto Christofaro Ehemio scite appellatur *magnum ignorantiae praesidium*; hoc enim sensu Juliani verba usurpantur, juris nostri vel nullas esse rationes, vel eas inquirere nos non oportere; tantum quidem abest, ut juris civilis nullæ sint rationes, ut potius, jus, quo utimur, sit ipsa naturalis ratio.

(^h) vid. Gonzalez in *c. 12. de for. competit.*, & Ciron. in *part. Decret. de pactis.*

ratio literis explicata, & ad Romanæ
 Reipublicæ mores adcommodata. Si ve-
 rum igitur amamus, dicendum est, ea
 mente a Juliano hæc verba scripta esse,
 ut significaret multa esse in jure civili
 recepta, quorum etsi nulla a nobis, præ-
 ter civilem, vera, & naturalis ratio red-
 di possit, non eo minus iis nos uti debea-
 mus; plerumque enim accidit, ut rerum
 circumstantiæ quædam constitui expostu-
 lent, de quibus ratio nobis ignota sit;
 quare notat Albericus Gentilis, non di-
 cendum esse a Juliano, quæ constituta sunt,
 ratio nulla est, sed a nobis reddi non pa-
 test. Huc referenda sunt, quæ vulgo in
 jure usurpantur, ut hæreditas sustinet
 personam non hæredis futuri, sed defun-
 cti, hoc enim, inquit Ulp. l. 34. de ad-
 quir. rer. dom., probatur multis argu-
 mentis juris civilis; nam nihil vetat
 quominus & recte hæreditas hæredis fu-
 turi personam sustineat; idque olim con-
 troversi juris fuisse, ejusque rei adhuc
 in libris juris vestigia dignosci Hotoma-
 nus observat (ⁱ); Per servum hæredita-
 rium non possumus adquirere, quod sit
 ejusdem hæreditatis; posthumus alienus
 tan-

(ⁱ) 3. obser. 19.

tanquam persona incerta hæres olim institui non poterat ; tempus non est modus solvendæ obligationis : hæc enim omnia , & id genus alia , æstimantur , ut modo dicebamus , cum præceptis civilibus , & prætoriis . Huc etiam spectant res , quæ incorporeles dicuntur , quæ scilicet sine ullo corpore , juris tantum , ut Papinianus ⁽¹⁾ loquitur , intellectum habent ; hæc siquidem res et si natura non consistant , tamen in jure multas habent utilitates , & non sunt , ut male in legibus versatus Seneca dicebat , acutæ Jurisconsultorum ineptiæ . Neque ab hoc loco alienæ videntur & fictiones , & præsumptiones juris , quæ ex civili tantum utilitate introductæ sunt ; & de fictionibus sic Duarenus scribit ^(m) : Tanta est enim vis utilitatis in tractatu juris civilis , ut fingamus aliquid factum esse , quod factum non est , vel factum non esse , quod factum est .

DE

⁽¹⁾ l. 53. D. de pet. bared.

^(m) ad tit. Cod. de probat. cap. 3.

DE E Q U I T A T E .

A Etiorum principale argumentum,
A uide mentem legum significans.
Equitatem esse diximus, de qua scilicet
quam est, ut videamus. Hoc quidem
Equitas tantum fuit apud veteres Consul-
tos, ut facultatem, quam profitemur.
Jurisprudentiam nempe, aetatem boni, &
a qui definire voverint. Etsi non me la-
teat, hac de re omnes fuisse Doctores
sciam litteris sententiam consignasse, ita
ut huc in limine jam audire mihi videaris
Cui non dictus Hylas puer à nihilo minus
cum ipsi hoc iure diversi ita absunt, ut
nisi hoc tantum convenire videantur
unum, idemque non sancire, & quod
tradunt, obfuscum nimis tradunt, ideo fru-
stra non suscipitur a me labor, si paucis
quidem adolescentibus proponam, sed
tamen, nisi fallor, satia expedita.

Leges ea potissimum ratione feruntur,
ut ex eis suum cuique tribatur, nec
aliter fiat injuria; quod tunc recte evenire
dicemus, cum ita scripto iure uti
possunt, ut in singulis controversiis
dirimendis eadem Justitiae species adpa-
reant, quam libi legum anchorae propon-
sue-

suerunt : hoc secus aliquando evenire videbimus, si perfracte semper eodem modo scriptum jus in omnibus factorum speciebus usurpare velimus ; nam non semel accidit , ut jus , quod in una specie justum est , & rectum , ea mutata ex rerum , & personarum qualitate , ita mutetur , ut ex jure injuria efficiatur . Huc videtur respexisse M. Cicero lib. 1. de Orat. illis verbis : *si ergo in jure civili finis hic , legitimæ , atque usitatæ in rebus , causisque civium æqualitatis conservatio .* In eo igitur nobis danda opera est , ut dum leges interpretamur , semper in omni controversia , etsi diverso modo , Legislatoris voluntas recta adpareat , & æqua ; quod utique adsequi non poterimus , nisi in quibusdam factorum speciebus aliquantis per a scripto jure , vel ab ejus generali ratione dededamus , idque dum fecerimus , dicitur ex æquitate leges interpretari , quod nihil aliud est , quam æquo jure in omnibus controversiis uti. Hoc omnino in legibus necessarium est , nam non possunt ita leges scribi a quolibet etsi prudentissimo Legislatore , ut de singulis , qui quandoque evenire poterint , articulis earum verbis recte cayeatur ; nimis enim
lon-

longum foret singulas personas , singulas circumstantias factorum verbis exprime-re; Quod non in legibus modo , sed in to-ta morali Philosophia accidit ; ad rem sic ait doctissimus Grotius (n) : *In mo-ralibus circumstantiae etiam minimæ va-riant materiam , & formæ , de quibus agitur , solent habere interjectum ali-quid ea latitudine , ut modo ad hoc , modo ad illud extremum proprius accedatur :* quapropter in scientiis moralibus quæ-dam incertitudo est , cum generalia præ-cepta in casibus singularibus non semper vera sint . Et ut ad nostros deveniamus , Prætoris Edictum ut æquissimum semper Romani Prudentes commendarunt , & præcipue in ea parte , qua legata , & fi-deicommissa parentibus , & liberis relictæ præstanda Prætor edicit , etiamsi per bo-norum possessionem contra tabulas pro-positam testamentum rescissum fuerit ; & nihilominus a Juliano in l. 6. de legat. præst. animadversum est , hanc partem Edicti in multis casibus nonnullas ha-bere reprobationes , nisi res æquitate temperetur , ut in specie ab ipso proposi-

O

ta

(n) *de jure belli, ac pacis lib. 2. cap.*

210 DE JURISCONSULTO
ta videre est. Nec existimemus a nobis id
fieri præter ipsarum legum voluntatem,
nam id maxime leges voluisse dicemus,
ut est elegans versiculus :

*Ipsæ etiam leges cupiunt ut jure
regantur.*

Justitiam enim suis legibus proponere
voluerunt Legislatores; at non est Justi-
tia semper eodem modo in omnibus spe-
ciebus idem jus pronunciare; mutantur
pleraque causis, temporibus, necessitate,
occasione: *Summum jus*, inquit elegan-
ter Cujacius (º) non semper *Justitia* est.

Nihil igitur aliud in summa est *Ae-
quitas*, quam recta interpretatio ju-
ris scripti, quod ab Aristotele, ut idem
Cujacius animadvertisit (p), dicitur
επαροθημα, id est quod deest juri civili,
quod literis non potuit comprehendendi.
Hæc *Aequitas* aliquando in usu juris di-
citur *æquum bonum, benignitas juris, hu-
manitas juris*, aliquando etiam *utilitas*.
At animadvertendum est, non semper
æquitatem significare benignorem in-
terpretationem, in quo passim Docto-
res

(º) lib. 3. quæst. Pap. in l. 8. de collat.

(p) lib. 2. definit. Pap. in l. 7. de justit.
& jur.

res decipiuntur , ut paulo post dice-
mus . Sed quo facilius hæc res , qua nihil
juris professori utilius , aut necessarium
magis esse potest , intelligatur , hoc or-
dine ad eam explicandam utamur . Du-
pliciter in legibus interpretandis æqui-
tas spectari potest , primo cum ab ex-
pressis legum verbis ita recedimus , ut
nihilominus earum voluntas conserve-
tur ; secundo non solum si verba legum ,
quod minus habet difficultatis , sed
etiam , si illarum generalis ratio aliquid
exigere videatur , & tamen ab ea recedi-
mus ex æquitate . Ex his duabus parti-
bus omnis de æquitate disputatio profi-
ciscitur ; qua in re mirum quantum qui-
dam Interpretes involvuntur , ita ut ex
eorum scriptis , quid sibi velint non facile
perspicere possis . Cum agitur de inter-
pretatione legis ex æquitate præter ipsius
verba , inspicere debemus , non tam quod
literis expressum est , sed maxime utili-
tatem , atque honestatem quandam , quam
verisimile est sibi legislatorem proposui-
se : sumamus aliquod ex libris nostris
exemplum : Cavit Prætor , ut si quis ne-
gotia alterius sine mandato gesserit , te-
neatur non solum de dolo , sed etiam de
culpa ; verum si quis adfectione tantum

212 DE JURISCONSULTO
coactus , ne bona mea distrahantur , ne-
gotiis meis se obtulerit , quæ alioquin
erant peritura , quia fortassis nemo aliis
ad ea gerenda acceſſerit , etſi Edicti ver-
bis & de dolo , & culpa teneatur , nihil
minus æquissimum esse ex sententia La-
beonis refert Ulp. l.3: §. interdum de ne-
got. gest. , dolum dumtaxat illum præsta-
re , quæ sententia , inquit Ulp. habet a-
quitatem , nam etſi Edicto cautum est , ut
in negotiorum gestorum actione non do-
lus tantum , sed & culpa præstetur , æqui-
tas tamen , idest ipsa Prætoris voluntas ,
in proposita specie aliud expostulabat .
Ex hoc æQUITATIS genere aliquando actio-
nes utiles descendunt , unde eleganter a
Cujacio (1) dicitur *æquitas parens utilis actionis* ; ut Paulus demonstrat in spe-
cie , quam tractat in l.2.§.4. de aqua pluv.
arc. cum quis quid in suo fundo facit , ex
quo aqua pluvia decidens nocere possit
fundo vicini , huic actio ex xii. tabulis
prodita est , quæ adpellatur aquæ pluviae
arcendæ , qua potest agere , ut vicinus tol-
lat , quod agro suo noceat : sed si vicinus
non fecit quid de novo , quod fundo vi-
cini

(1) lib.xi.resp.Pap.in l.1.de pignor.

cini noceret, verum vis aquæ aggerem iamdiu manufactum, ita dejecit, ut damnum afferat aqua pluvia, an actio huic prodita est, qua agi possit, ut agger jure reponatur? & contra quam Varo videbatur Labeoni placuit agi posse; Et quamquam, inquit Paulus, deficiat aqua pluviae arcendæ actio directa, attamen utilis actio, vel interdictum competit adversus vicinum; quod æquitas suggestit, quamvis jure stricto (verbis juris) deficiamur.

Hæc quidem æquitas semper in jure civili spectatur, ita ut aliquando, ubi res expostulat, contemnamus ea, quæ ex jure civili sunt, & apices juris eleganter ab Ulpiano appellantur in l. 29. §. quædam *D. Mandati*, ubi cum ageret de fidejussore, qui solvit, & non opposuit exceptionem, qua reus tutus erat, quæ sit an habeat fidejussor mandati actionem ad repetendum id, quod solverat: & siquidem sciens prætermiserit exceptionem vel doli, vel non numeratae pecuniae, ait, eum in dolo versari, dissoluta enim negligentia prope dolum est; ubi vero ignoravit, nihil est quod ei imputetur: quid vero si sciens fidejussor omisca exceptionem procuratoriam, nempe qua uti po-

O 3 tuis-

tuisset adversus procuratorem creditoris, ut mandatum ostenderet? & quidem cum postea constiterit illum vere procuratorem fuisse, et si fidejussor exceptionem contempsit, tamen jure solutum repetere potest; *de bona enim fide agitur, inquit Ulp., cui non congruit de apicibus juris disputare, sed hoc tantum, debitor fuerit necne.* Ait apices juris, metaphorā fortassis ducta ab apicibus literarum; nam apices, qui literis inscribuntur, aut subscribuntur, aut interponuntur, faciunt tantum aut ad ornatū, aut ad faciliorē cursū, & intelligentiā scripturæ; quod si omittuntur, de sententia tamen, & substantia scripturæ nihil mutant: sic superior exceptio, si objiciatur, judicium informat, & progressum rei gerendæ præstat, verum omissa nihil mutat de substantia debiti, quo æquitas respicere videbatur. Ex verbis Ulpiani colligimus falli eos, qui de apicibus juris putant esse, quæ de rebus arduis, & subtilibus proponuntur. Hæc quidem solemnia non semper mutanda sunt, sed æquitate suadente, ut ex rescripto Imp. Antonini nos monet *Marcellus l. 8. D. de restitut. in integr. unde regula juris presumta est: Etsi nihil facile mutandum est*

est ex solemnibus, tamen ubi æquitas evidens exposcit, subveniendum est l. 183. de reg. jur. Et certe quid opus est solemnibus uti; cum quod alicui competit non reddimus? contemnere debemus verba legum, cum ipsa æquitas, ipsa legis voluntas expostulat: Hoc ipsum summa eloquentia a Cicetone disputatus in oratione, quam pro A. Cæcinna habuit, quæ ad hanc rem, quā tractamus, magnopere facere videtur. Quid quæso interest Reipublicæ verba legum perfracte tenere, si ex iis summa cives afficiantur injuria? Quapropter a juris authotibus æquitas non semel utilitas appellatur, quæ scilicet neque justo, neque honestati adversatur; quo sensu Horatius utilitatem justi, & æqui matrem appellat. Sæpissime in Pandectis verba illa legimus: utilitate suadente, ex utilitate, utilitatis ratione, quæ sententia utilior est; idque rectissime; omnes enim leges, inquit idem Cicero, ad commodum Reipublicæ referri oportet, & eas ex utilitate communi, non scriptione, quæ in literis est, interpretari. Ex his regulis facile dijudicabimus quæstionem, quam dicis causa vulgo Rhetores tractate solent: Lex vetat Peregrinum in murum ascendere, ascendit,

& fugavit hostes : dicemus hanc rem ad bonum, & æquum redigendam esse . Hæc utinam ubique nostri Doctores animadvertisserent , ita ut non tam legum verba, quam æquitatem , utilitatemque civium ob oculos habuissent , inanibus fortasse, & verbosis quæstionibus libri eorum referti non essent ; sæpe enim ita manus conserunt , ut non pro jure civili , sed pro aris , & focis dimicari videatur . Pergamus.

Altera æquitatis explicatio est, cum recedimus a ratione legis . Diximus supra firmissimum argumentum legum interpretandarum rationes ipsarum esse , ita ut ubi eadem adpareat ratio, idem jus dicendum sit; sed non semel , æquitate suadente , ab hac regula recedendum est ; si quidem ubi talis proponatur species , in qua etsi ratio eadem adpareat , quæ fuit legis ferendæ , nihilominus si dum eam sequi velimus summo incommodo , summa injuria aliquis afficiatur , quod certe legis Authori non fuit propositum, generalis ratio legis sequenda non est : multa enim, ut eleganter loquitur Julianus (^r),

CON-

(^r) l. 52. ad leg. Aquili.

contra rationem disputandi pro utilitate
communi recepta esse, innumerabilibus
rebus probari potest. Sed ne res exemplis
egeat, paucis agamus. Cautum est Edicto
Prætoris, ut non solum possit quis totam
hæreditatem, quam ad se pertinere dicit,
petere, sed etiam partem ejus, puta si ei
cohæres datus sit; idque ita, ut si hære-
ditatis duo sint possessores, non solum
possit ab uno ex iis partem suam petere,
sed ab utroque, modo partem tantum
suam consequatur, quod ea ratione ex
Edicti sententia obtinuit, quia ex duo-
bus possessoribus non alter partem meam,
alter cohæredis possidet, sed aībo utrius-
que: Fingamus modo cohæredem meum
cum extraneo hæreditatem possidere, ita
ut non plus parte sua cohæres habeat,
quæ species eleganter ab Ulp. tractatur
L. I. §. si ego D. si pars hæred. utrum a so-
lo extraneo, an vero & a cohærede de-
beam petere hæreditatem, quæritur: **E**t
quidem, inquit Ulp., ratio (Edicti) fa-
cit, ut a duobus petam hæreditatem, hoc
est etiam a cohærede meo, & ille quoque
dirigat actionem adversus extraneum
possessorem, & nihilominus Pegas. sen-
tentia, existimantis a solo extraneo me
petere debere, *utilior est*, & ideo sequen-
da

218 DE JURIS CONSUTO
da. Ex quo perspicuum est aliquando, æ-
quitate, & utilitate suadente a genera-
libus legum rationibus recedere nos de-
bere; ut in hac altera specie ex eodem
Ulp. (s) clarius videre est. Mutuatus est
servus pecuniam ad vestem comparan-
dam, & nummi perierunt; queritur quis
de in rem verso agere poterit adversus
dominum, creditor (nummorum), an
venditor (vestis); & putat Jurisconsul-
tus, siquidem pretium numeratum sit,
creditorem de in rem verso acturum, et-
si vestis perierit; si autem non fuit pre-
tium solutum, ad hoc tamen data pecu-
nia, ut vestis emeretur, & pecunia pe-
tiit, vestis tamen familiæ divisa est; uti-
que creditorem de in rem verso actionem
habere, nam & venditor habet, quia res
eius pervenerunt in rem domini, quæ
ratio facit ut teneatur; unde incipiet do-
minus teneri duobus: Et hæc quidem si
subtilem juris rationem sequi volumus;
verum Catus ob æquitatem aliud existi-
mat, nempe in specie proposita occupan-
tis meliorem conditionem esse, scilicet
ut ei dominus teneatur, qui primus age-
re

(s) l.3, q. u/s. & l.4. de in rem verso.

re cæpit ; nam utriusque dominum condemnari de in rei verso , inquit Catus , *iniquum est* , non æquum est . Hujus æquitatis exempla in libris juris passim occurruunt , quæ si omnia hic exponere , & explicare velimus , nec finem , nec modum reperiatur oratio nostra .

Petspici ex his potest , quam ingeniose ab Aristotele juris æquitas comparetur Normæ Lesbiæ , seu plumbeæ normæ , qua Lesbii utebantur in ædificiis construendis ; quæ quod plumbea esset , & in omnes partes flexibilis , non ad regulam suam structuras exigebat , sed cedebat ipsis , & accommodabat se : ita pro rerum , negotiorumque natura , & conditione vim legum mutat æquitas , & aptat unicuique congruenter , inquirens quo quidque consilio , quo animo , quo loco , quo tempore , qua vel occasione , vel necessitate factum sit , aut dictum : ex quo nomen suum invenit apud Græcos , quibus *πίκρας* dicitur , quod durioribus cedit , & tanquam paret , atque obtemperat ; tum etiam quidquid decet , & honestati , vel rationi consentaneum est ; ut ad rem eleganter Connarus ait . Hæc quidem ars boni , & æqui major est , quam ut ullis literis comprehendi pos-

lit,

220 DE JURISCONSULTO
sit, quapropter ex diligentí studio Ro-
manarum legum facilius apprehenditur,
siquidem hæ philosophica quædam præ-
cepta potius dici possunt, quam leges,
quibus quævis constitutio recte in-
terpretetur; & ideo Jurisconsultorum
vestigiis insistere debemus, eorumque
solertiam imitari in æquitate explican-
da; nam ubi deprehenderimus eos ali-
quid statuisse ex æquitatis norma, idem
& nos faciemus in aliis speciebus; nam
(ut referente Ulpiano in l. 12. de legib.
Pædius ait) *quoties lege aliquid unum,*
vel alterum introductum est, bona occa-
sio est, cætera quoæ tendunt ad eandem
utilitatem interpretatione suppleri. Sed
age videamus diligentius, quidnam pro-
prie æquitatis nomine hic intelligamus.

Et sciendum est nos hic pro instituto
nostro loqui de ea æquitate, quam Juris-
consultus in jure interpretando sequi de-
bet, ut recte possit in singulis controver-
siis legislatoris voluntatem explicare,
nam *benignius leges interpretandæ sunt,*
quo earum voluntas conservetur, ait Celsus
l. 17. de legib. Ex quo colligitur, nul-
las esse partes Interpretis, ubi expresse
quid legibus cavetur, etiamsi nobis ali-
ter dici æquius fortasse videatur; id enim

non

non esset leges interpretari, sed illas corrigere, quod Jurisconsulto non licet; hoc enim soli Principi datum est, vel eis, penes quos arbitrium est, & jus, & norma legum ferendarum, vel condendarum; idque cum in multis juris nostri partibus liquido appareat, tum præcipue ex Pauli responso colligitur in *tit. de Minoribus l. 39.*, qui consultus ab Imperatore Antonino de quadam controversia, secundum juris regulas pronunciavit; etsi aliter ob æquitatem res ab Imperatore di-judicata fuerit; verum ita, ut potius jus receptum emendatum sit, quam interpretatum, quod Paulo, vel Magistratui non licebat: Quamobrem pro summa juris civilis scientia sic in calce ejus legis Cujacius loquitur: *Restat, ut id ex hac lege concludamus, ex hac causa pupillam a Prætore, vel Præside, vel Præfecto Urbi in integrum restitui non posse* (hac enim de re controversia erat) nec enim id juris ratio patitur, a Principe posse. Hoc sensu recte explicari a nobis potest Constantini Rescriptum in *l. 1. C. de legib.*, quod sic habet: *Inter æquitatem, jusque interpositam interpretationem nobis solis, & oportet, & licet inspicere.* Si hæc verba generaliter accipientur

mul-

multum habent difficultatis , satis enim constat, omnes æquitate uti debere , dum leges interpretantur : Hæc quidem est mens Imperatoris , ut quoties aperte jure quid , & nominatim cavetur , si velimus rem æquitate temperari , Princeps omnino adeundus sit . Quamobrem male hæc æquitas, vel potius juris scripti emendatio , quæ solius Principis est propria, confunditur cum ea , quæ pertinet ad Jurisconsultum , uti in annotationibus ad Pandectas a Budæo factum est.

Illud etiam hoc in loco adnotare oportet , stricuum jus , quod vulgo dicitur , male accipi aliquando , & male intelligi a quibusdam , præsertim Accursianis ; putant enim duobus modis jus civile interpretari posse , vel legum verba ita stricte accipiendo , ut ab eis ne tantulum quidem recedatur , quod illi dicunt rigorem juris , vel non verba tantum inspiciendo , sed quandam benignitatem , ex qua diversa confici possit interpretatio ; quapropter non semel in suis glossis Accursius cum vel diversitatis quid , vel difficultatis in legibus invenitur , utitur illis verbis : solve , illic de rigore , hic de æquitate ; quo errore nihil absurdius , nihil a jure alienius excogitari , nedum scri-

bi

bi potest ; jus enim , ut modo a nobis dictum est, semper ad bonum , & æquum est redigendum : *in omnibus quidem (inquit Paulus l.90.de reg.jur.) maxime tam en in jure æquitas spectanda est . Error ex eo profectus est , quod non recte quid sit strictum jus acceperunt . Hoc quidem cum opponitur æquitati, significat jus ita generaliter acceptum , ut in omnibus omnino speciebus eodem modo observeatur, ac scriptum est ; quo sensu nunquam hoc strictum jus , sed æquitas nobis sequenda est in jure interpretando , quod rectissime Imp. Constantinus nos monet l. 8. C. de judic. his verbis : Placuit in omnibus rebus præcipuam esse Justitiae , æquitatisque , quam stricti juris rationem : Quod certe a Romanis Prudentibus semper observatum est , ut in l.67. D. de rit. nupt. Tryphoninus in interpretatione Senatusconsulti, quo nuptiæ inter tutorem , filiosque ejus , & pupillam vetitæ sunt , querit an avus , qui tutelam ges sit neptis ex filio emancipato natæ , possit eam nepoti ex altero filio collocare ; & sic ait : Sed et si Senatusconsultum stricto jure contra omnes tutores nititur, at tamen summae affectionis avitæ intuitu bjuusmodi nuptiæ concedendæ sunt . In te-*

224 DE JURISCONSULTO
testamentis quædam scribuntur , quæ ad
authoritatem scribentis dumtaxat refe-
runtur , nec obligationem pariunt ; ut
si hæredem te solum instituam , & scri-
bam , uti monumentum certa pecunia
mihi facias l.7.D.de an.legat.hoc quidem
facit strictum jus , sed æquitas non pati-
tur ; quapropter in hac specie sic elegan-
ter Papinianus ait l. 53. de petit. hæred.
Quamvis enim stricto jure nulla tenean-
tur actione hæredes ad monumentum fa-
ciendum ; tamen principali , vel pontifi-
cali autoritate compelluntur ad obse-
gium supremæ voluntatis . Cum secus
nos fecerimus recte a quibusdam sum-
mum jus dicitur summa injuria , sum-
ma injustitia , & potius videmur abuti
jure civili , quam illud explicare , quan-
do scilicet verba stricte accipiendo , con-
tra naturalem æquitatem per occasionem
ejus pronunciare velimus , quod certe
dolo non caret (t) . Et hoc sensu a Cel-
so adolescente dictum est , a quibusdam in
questione de bono , & æquo sub authori-

tate

(t) vid.l.1. D.de doli mal. & met.ex-
cept.

tate juris scientiæ perniciose errari (^u) : Sunt enim quidam, qui verba juris, æquitate posthabita, obtendentes, existimant se bene juris sciætia uti. Potest tamen fieri aliquando, ut ius strictum utile sit, æquum sit, verum ubi deprehenderimus ex mente legis æquorem sententiam, proculdubio eam sequi debemus ; hinc sœpissime in Pandectis hæc verba legimus : *quod utilius est, quod æquius est* ; nihil enim vetat, quominus æquum, bonumque diversis rationibus explicari possit ; quapropter olim Proculianorum, & Sabinianorum discrepantes sententiae ortum habuerunt, quarum non aliæ justum præferebant, aliæ injustum, quod in viros sapientissimos cadere non poterat, sed quædam ex una æquitatis ratione proficiscebantur, quædam ex altera ; postea vero utiliores sententiae obtainuerunt.

Altera ratione accipi potest jus strictum, ut significetur jus non nihil dumrum, & rigidum, sed ita, ut eo modo legibus sit expressum, & eo modo voluntas legum conservetur, quo sensu

P. jus

(^u) in l. si servum 91. §. sequitur
de v. o.

226 DE JURISCONSULTO
jus strictum non opponitur aequitati, sed
tanquam justum, & aequum servandum
est, nam civilis ratio aliquando efficit,
ut aequum sit, quod primo intuitu rigi-
dum videtur. Quapropter cum dicimus,
actiones bonae fidei esse, vel stricti juris,
non hoc significamus, illas proponi sum-
mæ esse aequitatis, & justitiae, has vero
iniquitatis, & injustitiae; sed hoc intel-
ligimus, utrasque summam aequitatem
habere, sed non eodem modo, nam illis
aequum est, ut non tantum praestetur,
quod verbis expressum est, sed maxime
quod aequius melius, & ex re contra-
hentium futurum erit; his vero ultra id,
quod cautum est nominatim, nihil praes-
tetur amplius; & in utrisque aequitas ap-
paret: hoc non obscure proponitur a Mo-
destino in l. 22. D. de donat., ubi de dona-
tione, ex qua constat stricti juris actio-
nem nasci, sic ait: *Eum, qui donationis*
causa pecuniam, vel quid aliud promi-
fit, de mora solutionis pecuniae usuras
non debere, summae aequitatis est; hæc
quidem est præcipua differentia inter
actiones bonæ fidei, & stricti juris, in
actionibus bonæ fidei, ut in emptione,
statim post moram debentur usuræ, in
actionibus strictis non debentur, nisi
pro-

promissæ sint : ut prætentur usuræ in actionibus bonæ fidei post moram , summae æquitatis est ; in actionibus strictis, ut post moram non prætentur , etiam summæ æquitatis esse Modestinus ait : Discriminis rationem acute Hotomanus reddit in *Institutionib.*: omnes ii contratus , ex quibus bonæ fidei actiones nascuntur, mutuam in se habent obligacionem , ita ut in iis alter alteri obligetur, quapropter e re utriusque contrahentis erit, ut bona fides exigatur , nec tantum quid lingua nuncupatum sit , sed quid æqui , bonique ratio ab utroque expostulat, spectetur , æque enim utrique id erit profuturum; contra vero in contractibus stricti juris , cum unus tantum obligat, æquum est nihil ei concedi præter id, quod expresserit , potuit enim obligacionem apertius arbitrio suo concipere ; huc potest aptari regula juris Pontificii (x) *Contra eum , qui legem dicere potuit apertius, est interpretatio facienda . Promisit aliquis ex stipulatione , (ex quan-*

nascitur actio stricti juris) servum se daturum , quæsitum est in l. si servum 91. *D. de verb. obligat., an si promissor ne-*

P 2

gli-

(x) cap. 57. de reg. jur. in 6.

glibat infirmum , teneri debeat , & negat Paulus eum teneri , & rationem addit , quia qui dare promisit ad dandum , non ad faciendum tenetur ; quapropter cum potuerit stipulator utramque obligationem stipulatione comprehendere & dandi , & faciendi , omissum censetur , quod expressum non est ; at secus est in emptione .
I. quod si 31. §. culpam D. de edilit. edic.

Ex his licet colligere , jus aliquando et si durum sit , & rigidum , nihilominus rectum esse , & aequum , adeoque non posse nos benigniore uti interpretatione , jus enim scriptum satis aequum est ; qua in re errari solet a Doctoribus , qui opinantur , aequitatem semper in jure benigniorum interpretationem significare , & ideo a Jasone sic aequitas definitur : *Est justitia dulcedine misericordiae temperata* : Sæpe equidem in jure legimus ex aequitate leges severius acceptas esse , ex aequitate commendari legimus jura , quæ penas constituunt ; aequissimum , inquit Ulp. (y) , putavit Prætor dolum ejus coercere , qui impedit aliquem judicio fit;

(y) I. i. D. de eo , per quem factum erit &c.

ſti; & alibi idem Consultus (^z) ex La-
beonis ſententia existimat , Prætorem
tunc uti æquitate, cum punit eum , qui
alioqui jure tantum civili inſpecto rema-
neret impunitus ; *hæc actio* (inquit) na-
turalem potius , quam civilem in ſe habet
æquitatem , ſiquidem civilis defuit actio,
ſed natura æquum eſt , non eſſe impuni-
tum eum , qui audacior hac ſpe factus
ſe . Hac de re elegans exemplum ex
Salluſtio habemus *in bello Jugurthino*, ubi
cum narretur de neco cujuſdam Numidæ,
cujuſ Bomilcar fuit author , qui Romam
fide publica comes Jugurthæ venerat , ait:
fit reus magis ex aequo , bonoque , quam ex
jure gentium Bomilcar : Erat quidem Bo-
milcar , cum ex fide publica Romam ve-
niſſet , ex jure gentium omni pœna im-
munis , & quodammodo res ſancta , ſed
ob immanitatem ſceleris æquitas poſtu-
labat , ut a jure gentium recederetur , &
tanquam reus pœna obnoxius fieret . Et
Svetonius Tranquillus *in vita Claudii*,
ait , eum Imperatorem non minus ex bo-
no , & æquo leges interpretari eſſe , cum
ex eis mitius judicafſet , ſed etiam cum

(^z) *I. I. D. ſi is , qui testam. liber. eſ-
ſe ſe*.

pœnas legibus comprehensas supergressus esset ; ejus verba sic habent : *Nec semper præscriptam legum secutus daritiem, lenitatemve multarum ex bono, & æquo, perinde ut afficeretur, moderatus est; Nam & iis, qui apud privatos Judices plus petendo formula excidissent, restituit actiones, & in majore fraude convictos, legitimam pœnam supergressus, ad bestias condemnavit.* Ex his palam est posse aliquando legem, & pœnalem esse, & aliquantum asperam, & tamen æquam, ita ut etiam æquitas possit esse in severa interpretatione juris ; hæc quidem summa æquitas est, summa Justitia, ut pro communi utilitate severius aliquod constituantur, & pronuncietur.

Hoc ut rectius intelligatur, duplex æquitas consideranda nobis est ; Naturalis una, altera Civilis, ut ex superioribus Ulpiani verbis habetur : Naturalem æquitatem vocamus judicium quoddam rationis, ac veluti legem de justis, atque injustis a natura omnium hominum mentibus inscriptam, cui omnes homines etiam imperiti assentiuntur. Civilis vero æquitas est probabilis quedam ratio, non omnibus hominibus naturaliter cognita, sed paucis tantum, qui pruden-

dentia, usu, & doctrina præditi, didicerunt quid ad societatis humanæ conservationem sunt necessaria, quæ etsi nihil aliud est, quam illius prioris ad Republicæ commodium explicatio; tamen aliquando quædam exigit, quæ naturali æquitati primo intuitu contraria esse videntur; quapropter sicut una æquitatis species major alia esse potest, sic civilis æquitas semper naturali potior est, ut cernitur in usucapione, quæ ad bonum publicum ex civili æquitate introducta est, etsi naturali æquitati conveniens non videatur, ut aliquis locupletetur cum aliena jactura. His de rebus luculentam disputationem habemus ex Triphonino in *I. bona fides D. Depositii*. Quapropter evenire potest aliquando, ut æquitas civilis severius aliquid inducat, quam naturalis exigat, tamen per interpretationem ab illa recedere non debemus, ut perspicue apparet ex verbis Ulp. in *I. 12. D. qui & a quib. man.*, quæ summopere Interpretum ingenia exagitarunt: Cautum fuit Lege Julia de adulteriis, ne mulier, quæ suspecta adulterii diventerat, ullos omnino servos intra sexagesimum diem, ex quo divertisset, manumitteret, ea ratione, ne quæstioni sub-

ducerentur (siquidem homo liber in caput alterius torqueri non poterat): Quærit ergo Ulp. , an servi , qui extra ministerium mulieris in agro , vel in provincia fuerint , possint manumitti , & ait nec hos quidem posse; *quod* , inquit , *per quam durum est* , sed *ita lex scripta est*. Quæ verba ita vulgo a Doctoribus accepta sunt , quasi dixisset Ulp. , iniqua , iusta lex , verum observanda ; sed perperam ; siquidem ad rectam expositionem ejus *capitis* duo nobis consideranda sunt; Primo legem Julianam ita scriptam esse , ut nominatim omnes omnino servi manumitti prohiberentur , ita ut ne ii quidem exciperentur , qui in provincia , vel in agro essent , quod satis adparet ex verbis Ulp. , nam secus ipse tanquam arbiter æQUITATIS (ut Jurisconsulti eleganter a Lactantio adpellantur) illos excipere debuisse , qui extra ministerium mulieris fuerunt ; at cum nominatim omnes omnino servos lex expressisset , id Ulp. licitum non fuit , nam secus legem correxisset , non fuisset interpretatus : Secundo Legem Julianam ita severe de servis latam esse , æQUITATEM in se civilem habere , nam præterquamquod etiam ii servi , qui extra ministerium mulieris erant , de adulterio ,

sio consciit esse poterant, ita ut nisi omnes comprehendenserentur, magna fraus legi fieri potuisset; civilis quædam ratio exigebat, ut servilia ingenia severius in Republica coercerentur; ut in exemplo aliquo modo non dissimili ex Tacito lib. 14. annal. monemur, qui refert Praefectum Urbis Pedanium Secundum a servo suo imperfectum; & cum veteri ex more familiam omnem, quæ sub eodem tenore mansitaverat, ad supplicium agi oportet, et si quidam nimiam senatus severitatem aspernabantur, nihilominus C. Cassius sententiae loco differuit, omnes omnino servos ad supplicium agi oportere, cuius postrema verba hæc sunt: *Suspecta Majoribus nostris fuere ingenia servorum, etiam cum in agris, aut dominibus iisdem nascerentur, caritatemque dominorum statira acciperent. Postquam vero nationes in familiis habemus, quibus diversi ritus, externa sacra, aut nulla sunt, colluviem istam non nisi metu coercueris: at quidam insontes peribunt: Nam & ex fuso exercitu cum decimus quisque fuste feritur, etiam strenui fortiuntur. Habet aliquid ex iniquo omne magnum exemplum, quod contra singulos utilitate publica rependitur. Ex his*

pa-

palam est legem Julianam, etiam si nimis se-
 vere servos coercedat, tamen civilem
 quandam æquitatem habuisse, nam Rei-
 publicæ tranquillitati serviebat: *Nulla*
lex, inquit prudentissimus Cato apud
 Livium, *satis commoda omnibus est*,
id modo queritur, *si majori parti*, &
in summam praedest: Quapropter non
 fuit iniqua, injusta Lex Julia, sed
 dura, aspera, & æqua. Draconis le-
 ges, & aliquantulum etiam Solonis rigi-
 dæ erant, & severæ, nemio tamen eas di-
 cebat iniquas, injustas; Lata quondam
 fuit in nostra hac Civitate Lex, qua pœ-
 na capitis puniuntur ii, qui ultra sex
 aureos furati sint; lex quidem dura, as-
 pera, sed tamen, pro civium utilitate,
 æqua. Hæc quidem civilis æquitas in eo
 differt a naturali æquitate, quod hæc
 mutari non possit, illa vero aliquando
 mutetur; inde fit, ut naturalia jura im-
 mutabilia dicantur (^a), ea vero, quæ
 ipsa sibi quæque civitas constituit, sæpe
 mutari soleant, verum dum hæc civilia
 jura mutantur, eo ipso æqua sunt, subser-
 yiunt enim civium utilitati, quæ diver-
 sis

(^a) §. penult. Instit. de jur. nat.

sis temporibus aliud , atque aliud postulat . Eleganter disputat hac de re apud Gellium Sextus Cæcilius (b) : *Non enim profecto ignoras , inquit , legum opportunitates , & medelas pro temporum moribus , & pro Rerum publicarum generibus , ac pro utilitatum præsentium rationibus , proque vitiorum , quibus medendum est fervoribus , mutari , atque flecti , neque uno statu consistere , quin ut facies cæli , & maris , ita rerum , atque fortunæ tempestatibus varientur &c..* Hinc diligenter versari debemus in æquitatis ratione explicanda , & in argumentis ex una æquitatis specie deducendis , nam non semel , quod in una specie æquum est , in altera est iniquum ; & hinc adparet , quam necessarium sit legum Romanarū historiam cognoscere , ut videre possimus quanam ratione , quanam utilitatis specie lex aliqua lata , & explicata sit , nam sæpe quod apud Romanos æquum erat , posterioribus temporibus fit iniquum , ut in superiori exemplo ex Tacito , quod certe iniquum aliquo modo apud nos esset ; nam & id lenitas Christiana non patitur , ut

Gro-

(b) lib. 20. cap. 1.

236 DE JURISCONSULTO
Grotius animadvertisit (c), & servorum
familias, qui metu coercendi sint, am-
plius non habemus.

Hæc juris interpretatio ex æquitate,
quam propriam Jurisconsulti esse dixi-
mus, ad eos, quibus jus dicendi facultas
tributa est, multo magis pertinet, sive
Magistratus, sive inferiores Judices; nam
si hoc prætermiserint, leges offendunt, ut
loquitur eleganter Papin. in l. 40. de Ju-
dic. ; Est quidem Magistratus viva vox
juris, quapropter ita pronunciare debet,
ac jus ipsum, si de singulis speciebus lo-
qui posset, pronnnciare; hac de re Ci-
cero lib. 3. de legib., sic ait, *Magistratus*
banc esse vim, ut præsit, præscribat-
que recta, & utilia, & conjuncta cum
legibus, ut enim Magistratibus Le-
ges, ita populo præsunt Magistratus;
vereque dici potest, Magistratum le-
gem esse loquentem, legem autem mu-
tum Magistratum. Quapropter oportet,
ut Judex cumprimis legum sit peri-
cus, artemque boni, & æqui teneat; &
ideo antiquitus apud Romanos moris
erat, ut qui Judices legum essent impe-
rati, viris prudentibus in judicando ute-
ren-

(c) lib. I. de jur. bel. cap. 2. §. 10.

rentur, qui dicebantur Adseffores, de quibus libros composuit Puteolanus Jurisconsultus (^d). Sed officium Judicis hac in re latius patet, quam Jurisconsulti; *de quibusdam enim, (inquit Scævola, l. 14. de divers. & tempor. præscript.) nihil in perpetuum, neque generaliter definire possumus, consistunt enim in sola æquitate.* Hæc æquitas, quæ in factorum generibus versatur, & in causarum cognitionibus, Judicis magis propria est, quam Jurisconsulti, multa enim, causis exigentibus, Judices tantum cognoscere possunt (^e); quapropter sæpiissime in libris juris, dum quæstio ex qualitate facti pendet, verbis illis utuntur Jurisconsulti: *boc versatur in cause cognitione: id que causa cognita: in causa jus positum est &c..* Äquitatem igitur vel maxime Judex inspicere debet, eamque ex circumstantiis causarum prudenter explicare: *quoties, (inquit Paulus l. 85. de reg. jur.)*, æquitatem desiderii, naturalis ratio, aut dubitatio juris moratur, *juris decretis (a Judice interpositis) res tem-*

(^d) vid. l. 13. D. de partis.

(^e) vid. l. 23. §. 1. de usu, & habit. Cr. l. mera de usur.

238 DE JURIS CONSULTO
temperanda est; ita ut quod legibus omis-
sum est, non omittetur religione judi-
cantium l. 13. D. de testib.. Hoc quidem
non tantum pertinet ad extraordinarias
cognitiones, & ad actiones arbitrarias,
in quibus æquitatem ante oculos Judi-
cem habere debere illip. monet in l. 5. D.
de eo quod certo loco; sed etiam ad ordi-
naria Judicia, in quibus etsi Judex non
aliter, quam legibus proditum est, judi-
care beat, nihilominus æquitatem sem-
per inspicet, æquitate semper utetur,
ut recte possit dici secundum leges judi-
care.

Cum igitur æquitas, quæ sæpe aliud,
atque aliud expostulat pro personarum,
temporum, locorum varietate, propria
Judicis sit in controversiis dirimendis, re-
cte infertur, non posse nos quoquo mo-
do in omnibus causis rebus uti judicatis,
~~nam~~ etsi aliquando familiis articulus pro-
ponatur, tamen in eo æquitatis ratio aliud
fortasse expostulabit, siquidē sæpiissime Ju-
dicibus consilia ex præsentium causa ~~rura~~
statu capienda sunt (f). Quapropter mon-
emur a Justiniano (g), ut legibus po-
tius

(f) vid. Gettium lib. 14. cap. 2.

(g) l. 13. C. de sent., & inserit.

tius, quam exemplis judicetur. Et ideo videntur mihi non multum utilitatis juris scientiae attulisse Decisionum Collectores, & ii, qui Responsa, & Consilia literis demandarunt, quorum non pauca, (ait ^h Grotius) ad gratiam consulentium, non ad æqui, bonique naturam sunt composita ; hæc quidem nunquam jus certum nobis suppeditare possunt, cum æquitas ex factorum generibus varietur ; quare sæpius videmus in negotiis similibus Judicum sententias dissimiles, & hinc decisiones, & responsa inter se non semel in speciem contraria; Ex quo fit, ut res judicata nunquam cæteris præjudicium adferat l. 10, D. de except. ; siquidem jus non facit, nisi in causa, qua de agitur, seu inter ipsos litigantes, ut proponitur recte ab Innocentio III. in cap. 13. de Sent., & re jud. Possunt quidem res judicatae in argumentum duci (quo sensu inter partes juris numerantur a Cicerone in Topic. res quoq; judicatae) sed non possumus iis uti semper pro jure certo ; tunc res judicatae jus faciunt, cum perpetuo similiter obtinuerunt in ambiguis quæstionibus, non
cum

(^h) in proleg. de jur. bel., ac pac.

240 DE JURISCONSULTO
cum semel tantum, quapropter lib. I. de
invent., ait Cicero: *Nunquam afferre
oportet solitarium, & rarum aliquod ju-
dicatum* (ⁱ). Ex his colligitur male sibi
eos consulere, qui in legendis responsis,
& decisionibus ætatem terunt, cum ex
eis jus incertum, jus dubium addiscant,
quo nunquam recte, nisi adhibita æqui,
bonique regula, uti possunt; horum cer-
te consilium his verbis Cujacius carpit
(ⁱ) *Sæpe me adierant Advocati fori, ma-
le, aut parum in jure versati, qui, ut
in tragædiis legimus, clamosi rabiosa fo-
ri jurgia vendunt improbi, iras, & ver-
ba locant, & adierunt per contemptum,
atque ita comparati, ut quidquid inter-
rogantibns illis responderem de jure, re-
ficerent, atque damnarent, prolatis syl-
vescentibus in ore eorum consiliis, opi-
nionibus, decisionibus Doctorum innume-
ris, quas ego non minus quam ipsi, con-
tra quam existimabant, multa nimis,
diuturnaque lectio triveram, adolo-
scentia penè omni mea in ea re consum-
pta male, ac proinde melius, quam ipsi no-
ve-*

(ⁱ) vid. Cujac. lib. I. quest. Paul. in l.
37 de legib.

(ⁱ) consult. 23.

veram quam minima , quamve maxima
decisiones illæ jurisprudentia constarent,
Et vix unquam accidit , quin quæ illi
scriptis Doctorum prodita affirmabant , ego
in medium prolatis eorum libris , vera
præsentibus convincerem aut non esse ,
aut aliter esse prodita &c. Hactenus de
æquitate , & de universa interpretandi
juris ratione .

Exegi opus juris studioso , nisi fallor ,
longe utilissimum , siquidem dum hæc ,
quæ duobus his libris pro instituto no-
stro dicta sunt , cognoscuntur , misum
quantum in juris facultate proficiet . Ni-
hil aliud restat , nisi ut Deo Optimo
Maximo gratias agamus , qui benignus ,
& misericors in eo perficiendo protexit
nos suo Sancto Spiritu .

F I N I S.

Q

ANT 1318730

Digitized by Google

9386

